

東華續錄



三月壬寅李鴻章奏郭松林於正月二十七日由宜興拔隊進攻張洙沿途殺賊千餘二十八日易用剛等軍分三路擊生擒賊匪千餘名殺斃無算賊棄營遁走當將張洙賊壘十餘座一律踏平二十九日戈登由徐舍進攻沿途賊十壘蕩淨盡侍逆李侍賢敗退溧陽欲遁入城城中賊目吳人杰等久思反正閉門不納城內老賊先期竄往江西見曹二三萬眾多係三江兩湖之人二月初一日吳人杰等率同雜髮迎降郭松林等立允招撫初二日遂將溧陽縣城收復戈登帶常勝軍入城駐守臣當飭李恆嵩等將降眾妥爲遣散分別安置李侍賢聞已逃往湖州泗安一帶其所部死黨有帶赴湖州者有竄往常州者郭松林等乘勝進剿金壇援賊初四日抵楊巷地方僞列王僞襄王率賊船千餘盞擁而來王東華督水師痛剿逆眾棄舟登岸郭松林督軍奮力鈔襲殺斃淹斃並焚奪賊船無算陣斬僞列王及頭目多名各軍追至金壇南門初五日賊由西南門衝出復爲郭松林等擊敗入城城外賊卡數座一律掃平常州護逆先經糾合丹陽句容踰逆僞英王叔僞然王僞漳王忠逆之子眾數十餘萬由常西繞至城北築營數十座屢撲劉銘傳等營盤均卽擊退李鶴章商調楊鼎勳二營周盛波二營進偪西門紮營一月初一日護逆等率眾來撲經楊鼎勳等痛擊移時賊陣大亂我軍分路追殺斃匪數千人賊見圍城各營無間可乘我軍愈偪愈緊遂繞竄腹地圖解常圍初四日僞英王叔忠逆之子糾合數僞王死黨及宜興溧陽賊賊循江岸進東圩塘夏港青山一路冒雨急趨初五日奄至江陰之南隔距城二三里初六七等日衝至周莊華墅楊庫等處初十日竄撲常熟縣城十一日竄至福山於是江陰常熟無錫三城同時告警臣卽調郭松林王東華星速回援飭常州各營堅壁勿戰調李鶴章酌帶小隊回守無錫楊鼎勳張樹聲由常州抽勁旅三千橫紮江陰之焦甸青陽以截該逆歸路黃中元兩營由宜興回援並以常熟守兵單薄飭程學啟調郭國魁水陸三營馳往助戰一面由蘇州添派官兵趕赴常熟保此要地賊股併聚三縣界內而常熟圍攻尤急蔓延張涇橋東亭直撲無錫十三日李鶴章登陣督守派黃中元等帶隊迎剿追過八字橋二十餘里擒斬千餘人郭松林帶馬隊分擊堰橋另股又斃百餘名無錫之圍遂解張樹聲由焦甸進剿南牖花山一帶楊鼎勳由青陽進剿都橋華墅一帶日有擒賊初八初九十二等日該逆圍撲江陰經守將駱國忠等合力擊退城圍亦解逆眾以常熟有糧可掠欲合力攻破此城再圖蘇錫北自楊庫福山南至顧山王莊縣互數十里城中望援甚急適黃翼升帶淮揚水師四營由揚州折回畱一營協守江陰自親督三營於十四日由白茅口繞進常熟王東華水師三營亦至鄭國魁與李昭慶十五日趕至常熟城內郭松林由嚴家橋進內外夾擊賊眾大潰李昭慶飭賈宏材

等猛攻北門賊壘燒斃悍賊數百名生擒數十名我軍乘勢踏平東門賊壘五座郭松林十六日行至王莊偽滕王偽利王二三萬眾迎敵郭松林領隊衝入賊敗至橋口官軍一擁過橋賊眾返奔追殺二十餘里將顧山陳市踞賊一氣掃除復由大河徑趨常熟偽英王叔與忠逆之子帶隊來撲我軍槍礮環擊該逆敗至浮橋黃翼升等水師四路夾擊將逆眾衝作數段擒斬無算迨至城西又與鄭國魁等併力截剿賊紛紛潰散十七日乘勝跟追踏毀劉家橋福山賊壘數座郭松林等遂循江岸追往楊庫鄭國魁等循顧山追剿腹地常熟之圍立解查金陵於正月杪合圍忠逆實在城內會國荃函稱逆糧接濟已斷三四月間可望克復見在常州丹句各股與金陵消息難通郭松林等連復宜興溧陽則皖浙道路又無可窺是以乘隙死力衝突幸各軍分守尙嚴赴援甚速冀可保全大局見仍飭黃翼升等前後夾剿務將此股賊賊悉數殲除李鶴章劉銘傳再乘勝偪攻常州迅期得手又奏嘉興官軍連破東北門外賊壘後程學啟先令道員吳毓芬三營扼紮城邊漏澤寺石卡正月二十八日程學啟親督各營圍攻一面趕築礮臺用炸礮轟塌城垣十餘丈城賊拚死抗拒程學啟揮軍冒險擁上賊以整桶火藥然擲城下何安泰中槍陣亡弁勇傷亡已數百名遂仍收隊適湖州賊首黃老虎翼接嘉興竄西蕩壇邱等處另股由卯塔內竄盛澤鎮進圖王江涇後路營盤程學啟急令王永勝鄭國魁等回援於二十九日擊走之查嘉興四面大河環繞該逆恃險死拒此次猛攻幾可得手以將士傷亡過多不得不略爲休息礮臺礮架均須修築程學啟仍督隊晝夜轟擊以期速拔堅城總兵何安泰係程學啟所部最爲出色之將謀勇兼裕因攻城過猛中槍殞命實堪悼惜該總兵愛民恤士陣亡之日勇丁痛哭靈輿所過百姓泣送見據紳士等呈請建立專祠合無仰懇 天恩飭部照提督陣亡例議從優議卹並於嘉興府死事地方建立專祠以慰忠魂副將郭興發堵剿湖州援賊受傷身故並請飭部照副將陣亡例議卹又奏正繕摺開據程學啟飛報連日督隊進攻嘉興自二月十六日起滾營紮偏北門城根猛攻三晝夜用開花大礮轟塌城垣十餘丈我軍槍搭浮橋城頭悍逆拚死堵擊礮石如雨十八日程學啟親率勇士大呼殺入眾隊繼進城上逆屍枕藉猶有悍賊二三千人以洋槍排抵缺口程學啟肉薄以登猝中槍傷暈倒該部將劉士奇等見主將受傷拚死率隊登城縱橫奮擊賊眾潰散遂將嘉興府城克復各軍整隊而入將守城悍逆圍殺淨盡弁勇傷亡亦多程學啟受傷甚重送至蘇城就醫 臣親往看視飭醫盡心調治派員照料並令劉秉璋布置城守事宜暫飭劉士奇等竭力防剿 上諭內閣李鴻章奏水陸官軍攻克嘉興府城等語此次程學啟進攻嘉興日則往來督隊夜則露坐礮臺指揮照料冒死血戰身受重傷用能攻拔堅城掃除巨逆其志可嘉其功尤偉著李鴻章傳旨嘉獎令其安心醫治以冀速痊仍著該撫詳查勞績奏請獎敘

誦李等逆所統合計眾近十萬幸侍逆未至心志不齊江省兵力漸集大局不至決裂惟是賊眾且悍若不速就殄滅鉅而四散驅建廣東湖南必將受其流毒等情除已飛咨各鄰省趕緊堵禦外應請旨飭下福建廣東湖南各督撫迅飭地方文武合力嚴防以杜竄越而保全局 上諭此股髮逆竄陷金谿原欲踞爲巢穴以待侍逆之來經席寶田攻克後該逆知撫郡不可犯遂潛趨建昌復被劉于濤等率水陸各勇進援賊不得遲遁入山谷中其僞王宗一股亦由白港翻山而遁此時建郡諒可無虞但逆眾尙未殄除奉文獲奔則廣昌南豐等縣在在可虞著沈葆楨嚴飭派出之普承忠督率兵勇由宜黃相機前進逆頭截擊並飛飭席寶田等緊蹙賊蹤以收前後夾擊之效僞王宗一股尙聚白港莫澤潭溪經席寶田與劉勝祥分路進剿該逆將越新城而西偏近閩境著左宗棠徐宗幹仍遵前旨調派得力弁兵嚴密堵剿俾免蔓延貽患深陽業經克復該匪悉數上竄合計眾近十萬據沈葆楨奏見因侍逆未至心志難齊江省兵力漸集大局不至決裂惟鉅而四散則福建廣東湖南恐將受其流毒所籌不爲無見著毛鴻賓郭嵩燾惲世臨分飭所屬豫籌防剿以備不虞張運蘭一軍計已啟行赴閩左宗棠等務當酌度緩急調派該臬司扼要嚴防劉典所募之勇應已成軍著惲世臨備其由江前進過截該匪西竄之路於江楚軍務兩有裨益本日據富明阿奏福山陽舍復被忠逆竄擾圖鈔李鴻章後路已飭該撫迅派勁旅力避兇鋒曾國藩前奏深陽已克楚滬各軍業已聯絡一氣即著飭令鮑超等規取廣德以分賊勢侍逆如有上竄信息該大臣尤當分飭皖南諸營沿途堵截斷不可令其竄入江境左宗棠仍當扼守嚴嚴各隘口俾該匪不能接續南竄則竄江之匪自不難剋期撲滅將此由六百里各諭令知之○諭多隆阿奏攻拔盤屋外城受傷請假並靈臺境內已無賊蹤又奏攻克盤屋並傷重講治各摺片雷正綰奏汧麟等處剿賊獲勝情形劉蓉奏收復西鄉賊勢全數東竄見籌布置防剿情形各一摺盤屋城小而堅米糧頗足藍逆以積年巨寇拚死負隅多隆阿督率兵勇晝夜圍攻奮不顧身竟將堅城攻拔具見忠勇過人惟該大臣頭眼俱受槍子尙未取出局勝屢繫本日已賞假調理並由內府發去如意拔毒散四料以資敷治所請伊子雙全赴營隨侍一節已寄諭黑龍江將軍令其傳知雙全赴營隨侍並因道途遙遠命其馳驛赴陝藉資迅速該大臣務當體朝廷眷注之意安心靜攝加意調治以慰馳廬多隆阿或在營調養或因醫藥較便須赴西安省城均著自行斟酌辦理其欽差大臣關防准其交穆圖善暫行護理督辦軍務即督令將盤屋餘匪悉數追捕毋留餘孽至首逆藍大順是否殲斃抑或乘間逸出並著查明具奏雷正綰回軍靈臺截剿汧麟竄逆攻破上梁鎮逆巢曹克忠一軍復將兩亭寺花花廟一帶賊巢全行平毀靈臺界內已無賊蹤雷正綰當乘此聲威亟將崇信一帶餘匪肅清會合曹克忠及陶茂林隴州之

師殄除羣醜以期迅速赴甘規取平固西鄉收復業由李雲麟奏到此次劉荅所奏情形大略相同此股髮逆因回援金陵
 一意東竄而偽天將馬仕榮尚在安康北境游弋藍逆二順又由鄖西竄及洵陽之蜀河難保不意圖回竄劉荅擬留蕭慶
 高何勝必兩軍駐紮興安所籌係為川陝兩省門戶起見著略秉章即飭令蕭慶高等實力扼紮相機防剿劉嶽昭所部九
 營見已回蜀並著略秉章會同賈滋詔妥籌調遣劉荅新募楚勇三千人已抵萬縣該撫見令徑趨高州扼要堵剿著照所
 議辦理惟此項楚勇由萬赴商正可攔腰截賊不可徒成尾追之勢且須兼顧鄖防不可稍分畛域整屋見已收復劉荅所
 派知縣黃用等五營或先赴商州扼堵或令東趨追躡並著劉荅多隆阿商調派昨據張之萬奏髮逆已竄內鄉等處是
 楚豫兩省防剿萬緊前已疊諭劉荅令其東下追賊以收夾擊之效該撫擬欲進省接篆因為整頓起見惟賊匪未受大創
 若無大員總統進剿恐致復形鬆勁又將回竄陝疆况徽縣兩當賊氛未淨洵陽一帶業有回竄之虞該撫曾否派兵妥籌
 堵剿其漢南防務布置是否周密以上各節均應悉心區畫如該撫已赴西安即著將應辦事宜迅速籌畫仍察看賊勢軍
 情出省督兵毋稍延緩李雲麟扼守興安何以任賊東趨不思扼擊著懷遵前旨妥籌會剿毋稍疏虞將此由六百里各諭
 令知之○諭多隆阿奏請飭令伊子來營隨侍等語多隆阿見在攻克陝西整屋縣城頭面受傷醫藥一切所在需人伊子
 齊齊哈爾城披甲雙全著特普欽飭令迅赴陝西多隆阿軍營以便隨時講養並著加恩准其馳驛前往將此由五百里諭
 令知之○予浙江陣亡總兵官何安泰祭葬世職○癸卯李鴻章奏前任江蘇巡撫徐有壬於咸豐十年四月間賊僞蘇城力籌守禦
 與發江蘇陣亡副將劉起等祭葬世職○奏李鴻章奏前任江蘇巡撫徐有壬於咸豐十年四月間賊僞蘇城力籌守禦
 嗣因逆眾廬至省垣失陷正在督隊迎剿賊已直撲內署力不能禦被刀刺帽將墜向手自整冠抗聲大罵立時遇害其族
 弟工部主事徐會庚幕友候選理問鮑鄂街家人楊安同時被戕次子候選郎中徐震翼投池水死妾施氏女浣姑均自縊
 僕婦劉氏裴氏亦俱焚死當經前兩江總督何桂清等奏明奉旨分別旌卹令蘇城克復其長子同知徐震燿赴蘇尋求遺
 骨備棺重殮臣查徐有壬由進士部曹外擢道員洊升藩臬兩司旋陞授江蘇巡撫服官數省皆有政聲為人嚴厲自持有
 為有守當江南軍潰丹陽繼陷常州棄逃人力無可挽回惟有一死自靖無愧封疆守土之義且闔署相從殉難忠孝節烈
 正氣猶存合無仰懇 天恩准於蘇州建立專祠其同時殉難之家屬幕友人等一併附祀以彰忠蓋並宣付史館立傳出
 自 鴻慈再徐有壬僅二子次子震翼從死撫署長子正三品廕生候選同知徐震燿當時留籍辦理團防未及於難今得
 為有壬收骨孤露餘生亦堪憫惻 上諭內閣前任江蘇巡撫徐有壬於咸豐十年四月在蘇州省城殉難當經奉旨照巡

撫例賜卹並加恩予諡家屬幕友均交部分別旌卹茲據李鴻章奏稱該故員服官數省所至皆有政聲在江蘇巡撫任內臨難捐軀無愧封疆守土之義徐有壬著再加恩准其於蘇州省城建立專祠其同時殉難之家屬幕友人等一併附祀以彰忠蓋其平生事蹟並著宣付史館立傳伊子正三品廕生候選同知徐震燿著吏部帶領引見○賁已革按察使孫治六品頂帶隨副都統文煜赴甘肅糧臺差委○甲辰以畿輔馬賊肆擾申諭順天府直隸總督嚴緝○乙巳諭議政王軍機大臣等前因多隆阿於攻拔盤屋縣城時頭面受有槍傷賞假一箇月安心調理見在該大臣受傷處所槍子是否業已取出傷口調理能否漸就痊愈朝廷甚深懸繫如槍子業已取出即著飛速奏聞以慰廬念藍逆是否已在誅數如由盤屋竄出即著多隆阿傳諭穆圖善派兵嚴擊勿任漏網將此由五百里諭令知之○諭前據沈葆楨奏僞王宗一股將越新城而西逼近閩疆諭令左宗棠徐宗幹派兵嚴密堵剿茲據徐宗幹奏建甯府屬接壤江西浙江逆匪意圖竄越閩疆防務喫緊見飭署總兵袁良帶兵四百名馳赴浦城調金門鎮標等營兵五百名俟蔡潤澤巡洋回省督帶繼進派知府張文斌募勇數百併交袁良調遣並以閩浙交界關隘甚多委候補道張啟焯馳往建甯會剿等語賊匪因江浙兩省不得逞志圖竄閩境以遂其遠遁之謀且此股竄賊人數甚眾閩省與江浙江西毗連處所甚多徐宗幹派出之兵恐兵力尙形單薄張文斌所募壯勇倉卒湊集未必即能得力著左宗棠徐宗幹懷遵疊次寄諭於江浙江西接壤福建地方嚴密堵禦如兵力尙屬不敷應如何添派勁旅擇地扼守以期穩固之處並著妥籌辦理前諭左宗棠等將會元福所部兵勇由臺灣撤回派赴邵武一帶著即飛檄會元福飭令星速前進擇要駐紮以厚兵力該督撫務當慎益加慎布置周密毋令該逆闖入閩疆致全局又形掣動張運蘭一軍當已在途著左宗棠徐宗幹飛催該臬司趕緊趨行迅回閩省以資攻剿丁日健已赴臺灣道本任見在內山四塊厝北投海口小埔心林晟洪機陳啞狗等匪巢未破會元福一軍如尙未啟程即著催令迅速內渡丁日健即與林文察會玉明等會商分督兵勇前往搜捕毋畱餘孽丁日健見回府城如有應須親出彈壓督剿之處仍著隨時親往毋得安居府城致令首惡稽誅復行滋蔓該道所籌善後各事宜務當認真籌辦不得有名無實將此由六百里諭知左宗棠徐宗幹並傳諭丁日健知之○廣江西萍鄉縣學額三名○丙午僧格林沁奏擒匪張總愚一股盤踞南召一帶倚山負固臣前派提督傅振邦督帶步隊前往會剿頃聞賊匪向西北山中竄至高縣屬之龍王廟地方有奔黑峪嶺川之信該處係亂山之中馬隊不能進擊翼長蘇克金見移駐魯山嵩縣一帶堵禦又據探報髮逆於二月初十一等日竄至西坪地方該處係入西峽口大道並有水路之賊自漢中沿江直下若過鄖陽指日可到老河口是鄂州新野亦屬喫緊捻匪陳

大禧一股又於十三日竄至襄陽所屬之榆山一帶欲向樊城老河口奔竄而髮逆又復東來難保不句結為患查皖境已就肅清臣原擬俟撫臣喬松年到皖將善後事宜面為籌商後再行統軍赴豫該撫臣見尚未到臣祇得先其所急於二月

二十六日分撥馬隊啟程作為頭起臣即帶領後起馬隊赴豫先至許州一帶相機探窺儻該逆仍踞山谷惟有派撥步隊進攻令馬隊紮於許州以南平闊地方俟誘其出山方可鈔擊惟臣營步隊兵勇不敷調遣已於皖省投誠勇丁內選擇一

千名帶豫隨剿會國藩奏金陵首逆並未出城猛撲僅於水西旱西兩門放出老幼婦女萬餘人為節省米糧之計會國荃亦悉心布置杜其衝突鮑超東壩之師久無戰事臣當檄令分營進取句容丹陽一帶如克復句容即以全軍駐守專防金

陵城破後冒死外竄之賊不令貽患他省廣德州踞匪亦以糧盡棄城遁歸湖州目下湖州羣匪麇集皆思上犯江西以寬生路幸左宗棠派軍扼防滄安遂安華埠等處甚為周密臣亦嚴飭徽甯各防聯絡要擊其業經內竄江西者二月初九日

席寶田馳剿金谿獲勝十一日收復縣城賊乃由瀘溪潛向建昌十二三四等日該郡水陸防軍在萬年橋等處三戰三捷十六日楊錦斌於郡南小挫一次韓進春於郡東獲勝一次十八日賊撲附城各營席寶田會同韓進春等軍併力迎剿賊

眾大敗有此一捷當可保全腹地完善之區沈葆楨又添調繼果營一軍回顧無建或可驅除出境惟據席寶田稟稱撫建股匪人數實有八九萬眾未可輕視應請旨飭下閩粵兩湖一體嚴防免致變成流寇又煩兵力前奉諭旨飭派楊岳斌戰

船數百號駛赴鄱陽湖並將江忠義舊部歸其統帶查刻下賊由建昌退聚兜港近偪南豐在鄱湖之南五百里江忠義舊部精捷一軍駐守婺源新建等處又在鄱湖之北四百里均非水師所能兼顧江西水師有劉于濬孫昌國二軍儘敷分布

而精捷一軍業經奏調江忠朝統帶據報啟程來江亦未便另派大員兼統是楊岳斌師船駛至上游無裨於江西防務似不若仍紮金陵江南尚可斷接濟而防竄越臣上諭議政王軍機大臣等張總愚竄至嵩縣屬之龍王廟有奔黑峪樂川之

信髮逆竄至西坪並有水陸之賊自漢中沿江直下鄧州新野亦屬喫緊陳大禧一股竄至襄陽所屬之榆山一帶欲向樊城老河口奔竄

曾格林沁恐各匪句結為患已親統全軍赴豫先至許州一帶探窺所籌深合機宜著即督同蘇克金傅振邦等誘賊出險先將此股殲滅以次削平羣寇張之萬督飭地方文武團練協同剿辦均聽候曾格林沁調遣糧餉軍火隨時籌濟不得遲誤漢中賊匪沿江而下較旱路尤為剽疾若過鄖陽指日可到老河口鄧州新野均屬緊要張之萬當抽撥

兵勇赴防無任闌入句合為患此股竄賊既有竄過鄖陽可到老河口之說而陳大禧一股亦欲由樊城老河口奔竄是楚北防務十分喫重何以近日未據官文等續報情形著官文嚴樹森飭令在防將士晝夜防範備兵力向有不敷應即相機

籌調樊城一帶儘須水師防剿亦應一併籌派不可稍有疏虞沈桂芬因張總愚有分股竄河洛之謠已調兵赴防曲襄洪陽等渡口如匪蹤逼近卽令和昌等隔河堵擊各口渡船嚴飭一律提歸北岸並著張之萬張集馨通飭所屬照辦以免奸匪搶船北渡漢南髮逆東竄恐因豫省有大軍堵截避兵而行或竄晉或回陝俱在意中沈桂芬仍當認真設防劉蓉李雲麟務當派兵出境會剿不得以驅賊出境遂謂可以卸責李雲麟前奏調澄漢九營水師防河何以此股賊匪沿江而下直犯鄖陽窺伺老河口足見水師不能得力著卽統率所部盡力追剿毋得區別畛域貽患鄰封多隆阿傷痕曾否就痊盤屋餘匪應已掃除淨盡潼關等處防務至要該將軍當與劉蓉張集馨咨商分兵籌防以期有備無患劉蓉派援盤屋之五營亦可另行改撥分防要口該撫仍當懷遵前旨察看軍情賊勢剋日出省督剿以資得力會國藩奏鮑超東壩之師久無戰事檄令分營進取句容丹陽一帶如復句容卽以全軍駐紮專防金陵城賊冒死外竄所籌亦甚周密東壩爲江浙門戶見在廣德踞匪歸併湖州皆思上犯江西沈葆楨設防嚴密該逆計無復之難保不回竄廣德由東壩圖援金陵均不可不慮鮑超一軍自富力保東壩方能進取見在廣德已經收復應卽派兵駐守以防復踞該大臣請飭閩粵兩湖一體嚴防免成流寇前已諭令毛鴻賓惲世臨徐宗幹等嚴密偵探堵禦著官文嚴樹森一體豫爲防範以免疏虞江忠朝業已啟程楊岳斌水師卽著毋庸上駛仍飭於江面嚴斷濟賊之路金陵城大而堅圍攻不易會國藩能否親往督辦俾各營將士有所稟承以期迅速奏功並著酌度辦理將此由六百里諭知僧格林沁官文會國藩多隆阿嚴樹森張之萬沈桂芬劉蓉李雲麟並傳諭張集馨知之○論本日據會國藩奏鮑超東壩之師久無戰事檄令分營進取句容丹陽等語前據富明阿奏丹句二城非厚集兵力不能節節掃蕩已派詹啟綸帶兵前赴鎮營與馮子材等會議並函商馮子材等加派熟識路徑諳練賊情之大員妥籌會剿是揚防鎮江之師亦以規復丹句爲己任見在鮑超一軍業已分營進取正宜乘機兜剿以期迅拔堅城著富明阿馮子材魁玉速派得力將弁各率所部兵勇或進攻句容會同鮑超兩面夾擊或分攻丹陽俾賊匪有所牽掣不能與句容之賊聯絡救援則剿辦亦易得手富明阿馮子材等務當酌量情形相機妥辦仍一面將城防江防各事宜布置妥協穩固再圖進取毋稍掉以輕心將此由六百里各諭令知之○諭僧格林沁奏密陳李世忠遣散部勇情形豫籌控制一摺會國藩奏接准李世忠來函請俟五城勇散後開缺引退等語李世忠因皖北肅清先將天長五河兩城交出歸地方官妥辦善後並將五河兵勇三千名一律遣散其滁全來各城亦擬於三月底全數移出遣散練兵如果言行相符消患無形固屬妥善第據僧格林沁奏查覆所稟雖屬馴順而語多剖辯心猶未平會國藩亦有該提督平日攬權專利詭詐

多端之語是其畏罪輸誠未可盡信且其部下人數眾多一朝盡行撤遣難保不遲疑畏沮滋生事端僧格林沁見擬飭陳國瑞全軍駐紮徐州精資控制所辦甚是該大臣已赴豫省督勦所有一切撫綏駕馭機宜著會國藩喬松年會商妥辦五城兵勇屆期能否遣散李世忠屆期是否前赴安慶軍營該提督果能自實其言輪忱效順卽照會國藩所擬辦理儻陽奉陰違潛圖反側亦不得謂事所必無僧格林沁會國藩喬松年亦當悉心籌畫先事防維不可稍涉大意喬松年日內計已自安慶赴任卽著照該撫前奏迅速馳赴臨淮駐於營中以資鎮撫將此由六百里各密諭知之○丁未諭議政王軍機大臣等會元福奏肅清嘉義克復斗六林文察奏擒獲首逆內山肅清各一摺嘉義縣境各逆莊經會元福督兵攻破並將附近斗六各逆莊及斗六土城陸續攻破其內山四塊唐林逆老巢亦經林文察督軍攻克生擒首逆林賴辰正法臺灣軍務漸次肅清嗣後於出力人員請獎之件著丁曰健等查明歸左宗棠徐宗幹彙覈具奏以免互相歧誤會玉明攻破北勢浦賊巢首逆洪機逃往埔裏社一帶陳啞狗弄堅踞小埔心著丁曰健卽會同林文察會玉明迅拔賊巢將首逆斬擒並將逃餘匪搜捕淨盡毋畱餘孽本日林文察報內於林文明一員因係林文察胞弟未經請獎該員應得獎敘著左宗棠徐宗幹查明具奏臺事悉平之後所有督勦之林文察等應如何獎敘之處及攻勦情形並著左宗棠徐宗幹查明彙奏見在髮逆由江西分竄閩疆防堵正形喫緊會元福一軍仍著左宗棠徐宗幹遵奉前旨迅速檄飭內渡以資防勦毋稍遲延將此由六百里諭知左宗棠徐宗幹並傳諭丁曰健知之○己酉諭內閣賈洪詔奏滇省歷年軍務徇私濫保輕褻名器請飭一律更正一摺軍興以來各直省保舉軍營打仗出力收復城池實在著有勞績者一經奏到無不立沛恩施以昭激勸乃據賈洪詔奏徐之銘在滇奏報戰功無非任意鋪張以爲保舉地步其所保之人有並未到營並未入滇而得邀獎敘者至賞給功牌五品以上卽應奏明給獎而該撫等竟有賞給功牌至二三品者其司道府及武職等官亦公然以四五品功牌充實亥無監賞二三品賞幣不下百餘人甚至與臺賤役無不濫膺頂帶尊卑等級蕩然無存疊據自滇來川官紳眾口僉同姓名確鑿實難枚舉等語朝廷名器以待有功徐之銘在滇竟敢以國家賞功之典爲該撫市恩之具等威凌替廝役混淆壞法亂紀至於斯極不但開僭濫之門啟僥倖之漸卽該省實在出力著有勞績人員亦無以自別軍心士氣何由而振見在徐之銘業經革職飭令來京聽候治罪該撫前後所保文武各員卽著該部槩行一律註銷其有實在立功者仍准勞崇光賈洪詔於抵滇後查明覈實保奏以示區別至該省各督撫所賞功牌除六品以下仍准戴用外所有擅賞之二品至五品功牌並文武各員擅賞功牌均著一併革去以重名器而肅官方嗣後滇省人員惟當爭自濯磨仰副朝廷維新之治於勞

崇光賈洪詔到滇後振刷精神方圖報效無得沾染舊習自蹈愆尤朝廷論功行賞仍當覈實加恩不至沒其實在勞績也
○李鴻章奏官軍攻克嘉興府城前經臣將大略情形奏報見據程學啟等縷晰呈稱我軍自附城偪築後偽榮王廖發受
偽挺王劉得功率眾數萬死守復句結湖州悍逆黃汝金卽黃老虎四出竄撲二月十五六等日程學啟與李朝斌等飭水
陸各軍四面分攻於沿城河邊添築月牆數座各軍自此環攻晝夜不息十七日程學啟自率親兵用開花大礮擊毀城頭
礮臺二十餘座轟塌城垣百餘丈賊仍負土掩塞更番死抗十八日湖州黃逆陡率大股萬餘由新塍直撲我軍後路程學
啟攻城正急分飭張家瑜等督師擊走之城上賊漸不支程學啟嚴催各軍豎梯登北門城悍賊瀆至抵禦我軍多有傷亡
程學啟憤極自督親兵躍過浮橋飛登當被洋槍打入左太陽偏後昏暈撲地劉士奇王永勝等急率隊以木筏分渡直抵
西北兩門陳有昇等均被槍傷裹創奮進適礮轟燒城中火藥房賊眾駭亂劉秉璋潘鼎新各率所部乘勢越過城濠搶入
東門盡城李朝斌亦抽水師登岸由南門踰牆而進築逆猶率兩廣老賊數千人巷戰各軍奮勇擊殺斬首五千餘級賊
思由西門出遁經陳有昇等與李朝斌水師攔擊分投截殺城內悍逆悉就擒誅偽挺王劉得功爲礮轟斃偽榮王廖發受
逃匿井中搜出訊明梟示遂於十八日申刻克復嘉興府城二十一日劉士奇等復將黃老虎援逆屯踞新塍四亭子一帶
賊卡賊壘踏平該逆全數遁回湖州查嘉興府爲東南財賦之區城堅池深糧多賊悍榮逆等聚眾死守又恃有湖逆黃老
虎外援使我軍腹背受敵程學啟自埽平東北門外堅壘多座一面分勦援賊一面率眾環攻誓死必克始得迅拔堅城盡
殲悍黨從此蘇滬之防漸固而杭逆糧路已絕羽翼益孤於大局似有裨益程學啟出奇制勝忠勇謀略實過尋常編修劉
秉璋身先士卒堅忍耐苦該二員臣未敢擅擬應請旨優加獎勵署江南提督總兵李朝斌常鎮通海道潘鼎新均擬請旨
交部從優議叙沈葆楨奏窺伺建昌賊匪經官軍擊敗後潛踞城東二十里之小嶺韓進春偕建昌兵勇追勦至洪門山賊
遁踞黃源村乘夜由硝石上游渡河繞竄新豐上塘等處十七日賊偪城南經韓進春擊退十八日該逆悉銳三萬餘人犯
精營營席寶田令各營散伏左右密約韓進春等分路擣虛該逆先犯中前後三營四面伏起縱橫盪決殺賊二千有奇該
逆猶折回猛撲韓進春等已將賊館節節掃蕩旁鈔而出賊大驚潰追奔四十里十九日韓進春進築上湖營壘甫定賊乘
夜涉河撲營復被我軍擊退二十日賊竄兜港去建城九十里蔓延於新城南豐各鄉前旗已入廣昌界訊據賊供該逆注
意撫建今屢撼不動思由甯都窺贛州署贛南道蔡應高等已添招勁勇布置城守席寶田統率劉勝祥等營向南豐留韓
進春於上湖以杜回竄 上諭議政王軍機大臣等杭州省城據奏探報業經浙軍攻克想左宗棠必已奏報在途所有石

門縣及湖州踞賊自必膽寒浙師可以乘勝攻取李鴻章暫令劉秉璋畱守嘉興潘鼎新分守海鹽乍浦平湖各城其前由常州丹陽竄抵江陰常熟股匪經郭松林等兜剿斷其歸路而賊尚有二三萬眾屯踞楊庫一帶李鴻章卽飭提督劉士奇等代統程學啟所部會同郭松林等之軍奮力進剿務將楊庫等處股匪迅卽掃蕩乘勝會攻常州並著左宗棠將攻克杭州及布置各情迅速奏聞仍督飭浙軍進克石門分兵替防嘉興海鹽等城以便李鴻章所部各軍併力剿辦蘇境之賊並蘇浙諸軍合力以取湖州漸次肅清蘇浙地方以慰廬望前由皖省竄入江西之賊窺伺建昌府城疊經韓進春及席寶田等軍剿殺甚多賊遁兜港蔓延於新城南豐各鄉前旗已入廣昌地界據沈葆楨奏獲賊供賊不得遁於撫建思由甯都以窺贛州著沈葆楨督飭署贛南道蔡應嵩等將城守嚴密布置以資捍禦並飭席寶田所統各軍跟蹤追剿總期就地蕪除方爲善策韓進春畱於上湖嚴防回竄曾國藩於蘇浙兩省軍情均應妥籌兼顧能否親赴金陵督辦攻剿以期迅克老巢仍遵前旨自行酌奪辦理程學啟受傷曾否就痊據李鴻章奏稱所傷極重服藥已有轉機仍著飭令妥爲調理一經痊愈隨時奏聞戈登前由溧陽進攻金壇設受槍傷並著李鴻章存問慰勞諭令休息俟傷痊再圖協剿以期得力將此由六百里各諭令知之○諭多隆阿奏攻克蓋厘詳細情形並漢南髮逆下竄各摺片該大臣於圍攻蓋厘時受傷甚重此次摺內未據提及朝廷廩繁殊深見在槍子是否取出傷病曾否漸痊該大臣已否回省就醫均著迅速馳奏並一面安心調攝以慰馳廬蓋厘既復藍大順巨逆是否殲斃仰保脫逃並著飭令穆圖善等將該逆下落查明及蓋厘餘匪一併認真搜捕毋令漏網漢南髮逆下竄前隊已入豫境擾及內鄉屬之巡檢司等處後隊仍在龍駒寨一帶南陽情形喫緊該大臣見飭藍斯明扼紮商州飭劉漢秀等扼守潼關以防西竄所等向屬周妥此股賊勢甚剽疾並有水路之賊自漢中沿江直下以犯鄖陽劉蓉李雲麟當懷遵前旨督軍痛剿越境窮追並會合多隆阿一體分兵嚴行截擊與楚豫官軍聯絡夾剿痛殄逆氣毋得以驅賊出境爲了事僧格林沁督軍赴豫業已啟程豫省張逆及東竄髮逆尤恐被剿回竄商維一帶多隆阿當飭各員認真防剿毋稍大意陶茂林進剿隴州回匪連獲全勝與雷正綰定期夾剿卽著飭令一鼓殲除肅清陝境以便進兵甘省規復平固毋得遲延將此由六百里各諭令知之○諭賈洪詔奏籌辦滇省事宜俟漢南防軍凱撤再行舉辦並昭東防回情形一摺雲南軍務以昭東二府爲進兵門戶昭通自更換鎮府後回匪仍前滋事該鎮撫聯絡紳團同心禦侮東川一帶由楊盛宗與回和好頗可相安賈洪詔擬俟川省陝防凱撤卽親統大軍由昭通進兵分別剿撫所籌向屬妥協見在漢中髮逆全股東竄劉嶽昭所部九營已由劉蓉飭令回川唐友耕見在南川剿匪亦由駱秉章派員前往接替滇省進剿機

宜正可安籌舉辦該二員或統所帶舊部或尙須增募兵勇卽著駱秉章賈洪詔會商妥籌此時滇省進兵總以兵多餉足一鼓蕩平不至另生枝節爲要儻或稍失機宜一有挫失反爲回逆所輕勦辦更形棘手駱秉章賈洪詔務宜謀定後動計出萬全固不可濡滯稽延亦不容冒昧失機是爲至要岑毓英所稟克復楚雄情形並著賈洪詔確查具奏其幫辦迤南道賈家疇等既據該撫奏稱勇於任事素不附回見克他郎鎮沅等廳城甚爲得力卽著飭令上緊攻克思普城池以清邊圉賈洪詔另摺奏徐之銘歷年徇私濫保文武各員請飭部一概註銷一摺本日已明降諭旨照所請辦理矣但此時滇省尙未進兵若遽將此旨宣示殊恐其失職缺望或愈堅其附回之心甚至造言惑眾致成固結不解之勢殊於滇事關繫非輕此旨善發交賈洪詔收存何時可以宣布著相機妥爲辦理仍一面於宣布後具奏以便補行發鈔將此由六百里各諭令知之○諭滿慶恩慶奏賈巴扎倉喇嘛搶去已革待審之總堪布照緒夷匪搶去摺件呈覽改委陳瑄署拉里糧務請飭催議補僧俗番目並催四川餉項各摺片據稱二年八月十一夜已革總堪布羅布藏稱勒拉木結帶喇嘛數百名脫逃經官兵拏獲同逃之喇嘛洛桑曲札據稱羅布藏稱勒拉木結由色拉寺行抵噶納山有喇嘛二人將該已革總堪布從馬上云放平地餘眾及羸馬概令前行惟吐多卜降巴等十餘人在彼耽延多時將該已革總堪布之騎馬空牽至噶納山打尖云羅布藏稱勒拉木結行至山頂已死又碩第巴等報稱十八日在噶納山東北尋見石板圍圈有羅布藏稱勒拉木結屍身兀坐其中見將屍身搬回當經派員查驗棺殮寄埋旋經官兵在達木屬畢納地方追殺逃犯沙克嘉盡巴等六十七名生擒吐多卜降巴等一百六十五名押解回藏查明首從照夷例懲治等語色拉寺見已將不法喇嘛交出呈繳軍械其寺中誤受挖累之領袖及眾僧均在神前盟誓具結永遠不敢妄爲卽著滿慶恩慶迎機開導妥爲彈壓毋令再滋事端福濟景紋務當星速啟程前進不得任意遷延致干咎戾前被夷匪搶去之滿慶等摺件業已照繕呈覽所有遺失佛匣著滿慶等飭知班禪額爾德尼毋庸補具拉里糧務嚴清榮撤任後經滿慶等札委巴塘糧務張啟昌署理該員因巴塘事件尙難交卸一時未能前赴署任著駱秉章迅速選賢能之員前往接管拉里糧務其未到任以前卽照滿慶等所請准其以卸任察木多糧務陳瑄暫行署理總理商上事務各員見在止有噶布倫白瑪結布一人係實授之缺其餘均屬署任據滿慶等奏呼應不靈深恐別滋事端請飭催議補僧俗番目等語自係實在情形著福濟景紋於到藏後迅速辦理將此由六百里各諭令知之○諭滿慶恩慶奏賈巴扎倉喇嘛搶去已革待審之總堪布改委陳瑄署拉里糧務請飭催議補僧俗番目各摺滿慶等所奏該已革總堪布身死情節甚屬含糊支離難保非被人謀害斃命滿慶等捏詞入告亟應徹底根究以期水

落石出著崇實駱秉章福濟景紋將羅布藏稱勒拉木結身死情形嚴密訪查據實具奏其所稱生擒吐多卜降巴等並色
 拉寺之領袖僧眾具結永遠不敢妄為亦未必盡皆確實並著一併查奏滿慶等奏請飭呼徵呼圖克圖及隨伊犯眾仍遞
 解回藏以便將兩造互相訊究萬無如此辦法並著該將軍等仍遵本年正月初三二月十四等日密諭妥為辦理福濟景
 紋務當星速啟程前進以弭藏中禍患寄諭嚴催業已至再至三母再遷延推諉至于咎戾滿慶等前將拉里糧務嚴清榮
 撤回札委巴塘糧務張啟昌署理該員因巴塘事件尚難交卸見在改委已經交卸之察木多糧務陳靖署理已照滿慶等
 所請准以陳靖暫署仍著駱秉章迅選賢能之員前往接管以重責守據滿慶等奏稱見在止有噶布倫白瑪結布一人係
 實授之缺其餘均屬署任呼應不靈請飭催議補僧俗番目等語著福濟景紋酌量情形或懷遵前旨於到藏後查明覈辦
 或權衡緩急豫行揀補均著妥籌辦理藏地餉項萬分支細本日滿慶等奏請撥餉已於另行寄諭內催令該督籌撥惟此
 項餉銀可否撥給應否解交滿慶恩慶抑由福濟等赴藏時帶往著駱秉章斟酌情形妥為辦理將此由六百里各諭令知
 之○予陝西陣亡協領穆騰額浙江陣亡參將趙三德等祭葬世職○庚戌諭議政王軍機大臣等訥欽奏馳抵榆林整隊
 前進一揭甯夏滿城被圍日久亟待援兵訥欽見雖馳抵榆林俟至定邊探蹤進剿惟定邊渡河三十里即是靈州該處回
 匪眾至數萬逆首馬化隆賊巢即在金積堡靈州附近四面俱為回逆占踞非攻破靈州不能進援甯夏訥欽見擬派副將
 趙延煥作為嚮導直指靈城設法攻剿所辦向合機宜即著督率在事將弁實力進攻並於勇往之中加以慎重毋致輕進
 失利第訥欽原帶兵二千名續調直晉兵各一千為數無多未經戰陣恐難深恃該署提督前次奏撥馬隊五百名業據多
 隆阿以無可抽撥覆奏此時整厘業已攻克漢南髮逆全股東竄陝省防務漸鬆自可酌撥馬隊前赴訥欽軍營會剿以厚
 兵力著多隆阿妥籌調撥毋分畛域陝回匪自多隆阿督兵痛剿次第削平其汗隴餘氛有曹克忠等軍分兵掃蕩不難
 剋日蕪事而甘肅自回匪起事後地方官狃於議撫遂至賊氛日熾到處蔓延若非威望素著之大臣統兵進剿大張撻伐
 不足以掃羣醜而靖邊陲本日已明降諭旨命多隆阿督辦陝甘軍務矣該大臣務當統籌兼顧俾陝甘兩省迅就肅清用
 副委任訥欽所部各軍並陝甘帶兵各員均歸多隆阿節制以一事權訥欽見督兵進攻靈州其雷正綰一軍應由何路進
 取會合攻剿之處著多隆阿酌量調派訥欽所部恐無得力之將多隆阿如能揀派數員前往於大局必更有益多隆阿傷
 病近日是否漸就痊愈日深慮繫劉蓉計已抵省陝西防剿事宜該撫所部各營足敷分布著隨時與多隆阿妥籌辦理多
 隆阿馬隊分撥訥欽後如兵力不敷即著劉蓉將所部之兵分撥多隆阿若干以資助剿訥欽摺內所稱續調晉兵千名口

糧應否仍照晉省防兵之例支發抑照直隸征兵口糧給支並趙延煊所統兵勇二三月餉應由何省籌撥之處請旨遵行等語著戶部妥速議奏將此由六百里各諭令知之○命欽差大臣西安將軍多隆阿督辦陝西甘肅兩省軍務○辛亥諭議政王軍機大臣等富明阿奏添撥馬步兵勇渡江分路進取丹陽並嚴防江面及籌濟北渡難民一摺另片奏丹陽城外接仗情形等語前因會國藩奏檄令鮑超移東壩之師進取句容丹陽一帶當經諭令富明阿馮子材等派兵會剿見在富明阿添派馬步隊渡江分路進取詹啟綸帶領馬隊由辛豐直抵丹陽北門外頗有斬獲然必須南北兩路會同攻擊剿辦較易得手鮑超一軍會否進攻句容抑或先取丹陽著會國藩酌量調派務與鎮防各營聯絡聲勢迅速奏功如鮑超進偏句容兼防金陵城外竄即著富明阿馮子材等督率諸軍察看丹陽地勢合力兜剿俾丹句踞匪不能互相援應自不難剋期攻拔揚防渡江兵勇既經富明阿飭令聽馮子材等調遣馮子材等尤當審度賊情穩紮穩進毋稍大意或爲窮寇所乘屯踞楊庫周莊花市之匪竄及長壽等沙肆意焚掠著李鴻章速派得力將弁實力掃蕩悉數殲除此股賊匪歸路已爲官軍截斷勢必乘虛而北並著富明阿嚴飭水師晝夜巡防毋稍鬆懈如江防喫緊富明阿仍當酌撤南渡之軍沿江填紮力保裹下河完善之區難民紛紛北渡泰興土橋七港圩一帶已有一萬數千人靖江尤眾該難民等兵燹餘生殊堪憐憫見經富明阿提捐廉俸籌給米石藉資接濟仍恐不敷散給著吳棠李鴻章督飭藩司萬啟琛分飭各地方官設法賑濟毋令一夫失所仍令在防兵弁認真盤詰勿使奸宄潛迹有人奏江蘇抽收釐稅設局過多商販甚累請總設一局將各卡所收之稅併於一處徵收於課項既無短缺而弊竇更易稽查等語著富明阿吳棠李鴻章將抽釐各局逐加查察應如何裁撤歸併之處並著該將軍等會商妥籌辦理原摺片著鈔給富明阿吳棠李鴻章閱看將此由六百里各諭令知之○諭左宗棠奏截剿湖州援賊獲勝並會克嘉興府城及杭州餘杭攻剿情形各摺片湖州大股援賊竄犯桐鄉烏鎮經蔣益澧調派各軍截剿獲勝破其堅壘餘賊竄遁並會合蘇軍攻克嘉興府城在事員弁均屬出力著左宗棠擇尤奏請獎勵惟嘉興克復後李鴻章派員畱守並分守海鹽乍浦平湖各城見在江陰楊庫一帶尚有賊眾屯踞常州尚未克復會經諭令左宗棠分兵替防嘉興海鹽等城以便李鴻章所部各軍併力勦辦蘇境之賊著左宗棠仍遵前旨迅派得力將弁駐守各城俾蘇軍得以騰出兵力痛剿江陰屯踞之賊進規常郡昨經李鴻章奏報杭州省城業經浙軍攻克茲據奏稱蔣益澧督飭水陸各軍攻薄餘杭縣城斃賊甚眾遙見杭城西南一帶濃煙四起知官軍業已得手等語杭城此時是否收復著左宗棠確探詳細情形迅速具奏江皖敗賊屯聚湖州如杭州餘杭均已克復即著

左宗棠督率全軍約會蘇軍迅圖湖州殲除巨憝母令一賊旁竄以期肅清全浙同膺懋賞前次上竄江西之賊已至新城距閩省光邵一帶甚近左宗棠須會商徐宗幹調撥兵將嚴密布置不可令其竄擾完善降人蔡元吉既據奏稱自投誠以後屢著戰功此次求保文職以自別於降人卽著照所請准其以通判歸部候選以示獎勵將此由六百里諭令知之○諭劉蓉奏通籌見在兵力遵旨分路追剿並布置情形一摺據稱漢南踞匪東竄前隊扶端各逆首竄往商南浙川一帶後路馬啟各逆間圖犯興安經李雲麟調兵截剿馬逆一股狂竄而北其啟逆餘黨及石逆中旗一股亦經官軍擊敗分道竄入鎮安興安以西始就肅清惟蔡逆二順一股欲由蜀河偷渡回川經澄漢營水師各軍擊走退聚雙河口一帶李雲麟擬將蔡逆破滅再行東下追賊曹燦章與洋縣賊匪竄合之後游弋於佛坪地方繞入老林時窺甯陝見飭湘果營扼要堵剿各等語蔡逆二順一股眾約二萬人由郿西上犯洵陽若不先將此股殄除勢必乘虛擾復致蔓延李雲麟既指畫輿圖謂蔡逆已入穀中可期必滅卽著責成該京堂督率所部與劉蓉所派湘果等營會合夾擊迅殄賊氛毋得徒託空言致干咎戾其曹燦章等餘逆亦應力圖接剿以絕根株劉蓉務飭駐守各軍悉力剿捕迅速蕪事仍恪遵前旨東下追賊以收夾擊之效蔡逆既有偷渡蜀河回川之謀駱秉章當飭在防員弁兵勇認真防遏毋令匪蹤得以入境端扶各逆勢極剽悍疊經諭令楚豫兩省督撫派兵迎剿劉蓉李雲麟見擬分派各營由洵陽安康鎮安三路並進爲尾追之師李雲麟擬俟蔡逆破滅順流下駛襄樊相機邀擊爲攔截之師著官文嚴樹森張之萬添派勁旅會師夾剿毋令賊蹤深入腹地致礙髮逆裹脅之眾多係德安襄陽黃州之人未必甘心從逆楚軍如能嚴扼襄樊相機截剿則被脅者自必望風解散文等妥籌辦理漢南山路崎嶇被擾之後米糧一空劉蓉見統各軍旣以轉運爲難將來出境追賊實有師不宿飽之官文嚴樹森張之萬於秦軍行抵各該省境內卽著先行籌備一月口糧軍火毋令缺乏將此由六百里各諭令知之○王子左宗棠奏杭州餘杭兩城踞逆經官軍於二月二十一日攻剿大勝後勢極窮蹙蔣益澧親督水陸各軍於二十三夜奮攻慶春艮由武林等門晝夜未息賊膽愈裂是夜啟武林門向德清一路竄走蔣益澧督隊入城殺斃賊匪無算於二十四日將杭州省城克復餘杭之賊亦於是日由東門逃竄於二十一日戰勝後知賊竄必速卽豫飭各營整隊以待是日見城中火起各營分路跟追至瓶窰鎮逆賊憑壘死拒親督各營前往追剿俟將瓶窰賊肅清再進省垣布置一切所有克復兩城詳細情形容俟查明再行具奏上諭內閣此次官軍將杭州餘杭二城同日克復辦理甚爲得手所有竄逸餘匪卽著左宗棠督飭兵勇迅速追剿盡殲醜類毋畱餘孽閩浙總督左宗棠自督辦浙省軍務以來連克各府

州縣城池茲復將杭州省城餘杭縣城攻拔實屬調度有方著加恩賞加太子少保銜並賞穿黃馬褂浙江布政使蔣益澧自調任浙江以來戰功卓著屢拔堅城茲復親督各軍克復杭州省城實屬奮勇異常著賞穿黃馬褂以示優獎所有在事出力將士著左宗棠查明擇尤保奏○諭議政王軍機大臣等杭州餘杭兩城攻克杭州敗匪竄向德清餘杭敗匪亦竄踞瓶窰鎮左宗棠見擬親赴瓶窰鎮督剿著即馳赴該處迅速進攻務乘該逆喘息未定之時將此股悉行殄除其竄往德清之賊亦著左宗棠派兵剿除毋畱餘孽昨據左宗棠奏稱清安威坪股匪續圖竄越江西者見仍折回甯國竄入湖州之孝豐縣侍逆亦由甯國竄入湖州等語是各路悍黨業已歸併一處正宜乘此軍威四面兜剿著左宗棠迅速派撥兵將進規湖州以期一鼓殲除肅清浙境左宗棠既須勦辦瓶窰鎮之賊又須赴杭城布置兼須進剿湖州用兵處甚多且距浙省邊界漸遠賊氛四逼深恐或有疏虞所有浙江及江西交界邊防著會國藩左宗棠會商妥籌兼顧嚴斷賊匪竄越之路斷不可爲其所乘致擊全局廣信一帶地方即著沈葆楨分布兵勇嚴密堵扼以防湖州敗匪竄入母稍大意蘇省常郡尚未克復楊舍股匪爲數眾多前經屢諭左宗棠分兵替防嘉興海鹽等城以便李鴻章所部各軍併力勦辦蘇境之賊惟湖州一城悍賊麇聚若徒以浙省之師圍攻恐其力不厚諸悍賊尙得伺隙旁竄著李鴻章酌量移調兵勇會同浙省之師夾攻以期迅速克捷湖州既克則蘇省無後顧之憂嘉興等處駐防之兵均可撤回洋將戈登上年冬間隨同官軍克復蘇州省城曾經寄諭賞銀一萬兩由李鴻章另給銀兩以酬其勞此次攻拔杭城洋將德克碑會於罇頭山開礮先行轟塌城垛數丈亦應給予獎勵應如何酌給獎勵之處著左宗棠李鴻章會同商酌妥籌辦理以免歧異將此由六百里各諭令知之○諭恩麟奏堵剿甯夏賊匪催陶茂林進攻秦清兩縣訪查官員從賊勸紳民捐辦糧草道員和祥病故請卹各摺片甯夏賊匪屢次竄撲滿城及平羅縣洪廣營等處靈州一帶賊蹤紛駛聲息不通中衛地曠兵單不敷防勦恩麟酌撥官兵一千餘名前往中衛又續調前次派赴安定之川黔勇丁千餘名一併交梁生楛調遣著照麟恩麟督飭派出各軍實力進剿迅速殲醜類並知會慶的就見有兵力認真固守以待援軍甯夏平羅等處匪目遞稟以漢圍伏殺被俘生事藉口狡辯梁生楛以官兵未集權示羈縻即令禁止燒殺繳獻城池以緩其謀一面相機布置密籌進剿著照麟恩麟飭令梁生楛統率所部力圖掃蕩一俟得有援師即可奮力攻剿不得專事羈縻致滋貽誤甯夏滿城糧餉鉛藥缺乏之恩麟見將泉蘭等處村莊所捐小麥酌提三千石撥充甯夏滿城兵糧另籌銀一千兩解交阿拉善王貢桑珠爾默特咨令雇辦駝隻派員由草地前來裝運解往應需鉛藥恩麟亦飭甘涼各營量爲分撥仍由阿拉善所部轉運該滿城危如累卵亟應速籌接濟即著照恩麟所擬一面知照阿拉善王貢桑珠爾默特安設臺站疏通文

報甯夏滿城嗣後兵食儻有不足仍著熙麟恩麟設法源源接濟毋令缺乏南路之西和鹽關鎮賊匪與官軍入持屢出奔竄著熙麟恩麟督率林之望痛加剿洗迅殄逆氛清水縣之張家川秦安縣之蓮花城等處賊匪時聚時散肆意衝突非厚集兵力不能迅期殄滅陶茂林一軍本俟汧隴賊事後卽當移師赴甘著多隆阿檄催陶茂林轉戰而前會合林之望張華之兵將張家川蓮花城之賊次第剿辦悉數殲除然後由秦安徑赴隆靜與雷正綰之師東西交擊以收破竹之效雷正綰務當節節進剿俾該逆腹背受敵應接不暇方可痛殲羣醜多隆阿見在督辦陝甘軍務應如何分撥勤旅妥籌兼顧之處著該大臣酌度辦理都司王錫爵投入靈州賊巢甯夏縣知縣彭慶章遊擊仇立自甯夏失陷後徧張爲示勒令官民從逆且聯名與洪廣營遊擊甯貴私函勸其投賊以保身家王錫爵等身任職官受國厚恩甘心叛逆實堪髮指著多隆阿熙麟雷正綰恩麟設法拿獲於訊明後卽行凌遲處死以昭炯戒據恩麟奏甘肅大營糧餉雖由陝省籌撥甘省仍當盡力圖維見飭平涼以西東南各廳州縣勸諭紳民捐辦糧餉草料其所捐之數或與照例議敘或准其抵收本身應交地丁銀糧隨時分別辦理等語該紳民如能急公好義踴躍輸將卽照恩麟所議行至該護督請照川陝章程興辦畝捐甘省本屬瘠苦見又瘡痍滿目民不聊生豈可再加剝削恩麟所請辦理畝捐之處著毋庸議署甯夏道和祥帶兵前赴中衛在途病故奏請議卹和祥尙有被參各案未經辦結所請照軍營病故例議卹之處著俟定案時再降諭旨至甯夏道一缺卽著恩麟所請准以朱百川暫行護理卽赴中衛會同梁生嶽併力進剿將此由六百里諭知多隆阿熙麟雷正綰並傳諭恩麟知之○予甘肅殉難副將勒豐阿知府呂際詔等祭葬世職○癸丑諭議政王軍機大臣等馮子材魁玉奏楚軍克復句容見擬移軍會擣丹陽一摺鮑超官軍由東壩進剿句容馮子材等復派陶茂森各軍由東昌街直擣句容之北進薄北門鮑超之軍已由南門攻入立將縣城克復句容與丹陽互爲犄角此次鮑超督軍進逼一戰而下堅城勦辦甚爲迅速深堪嘉尙其句容餘賊竄往何處未據馮子材等奏明著卽飭令鮑超等查明追剿丹陽之賊藩卽檄此時聞風喪膽著會國飭鮑超移得勝之師疾擣丹陽使該逆不遑喘息富明阿所派渡江兵勇先後八千餘名詹啟綸已直抵丹陽北門外頗有斬獲富明阿卽飭該總兵與鮑超之師南北夾擊迅圖攻拔馮子材以寶堰屯甸一帶尙有逆壘未平飭陶茂森移軍掃蕩著迅將寶堰屯甸逆壘削平卽乘勝併力丹陽以期功收破竹其金壇一城賊勢自己窮蹙如機有可乘各路官軍亦可分兵掩襲使各城次第收復早奏膚功李鴻章派攻常州之師前以賊氛內竄致稽戰事此時丹甸敗逃之逆更恐窮極鋌走思犯毗陵如能早將常州攻克或不至爲所牽掣覓在攻期情形若何著飭李鴻章等一面迅圖克復常州一面嚴備丹陽之賊續行內犯毋稍疏虞將此由六百里各諭令知之○諭前因甘

肅甯夏失守該處可由蒙古草地直達歸綏該二城官兵深不足恃因諭令都興阿由揚防前往該將軍奏明取道京師較爲直捷茲據到京查其所帶兵力僅止三百名爲數甚單因思僧格林沁派駐山東恩縣定安所部有黑龍江營總依能額等所帶兩起黑龍江官兵三百六十餘名若令調赴歸綏交都興阿統帶則兵力較厚庶足以資鎮壓至歸綏乃係扼要地方亟應妥籌防勦著僧格林沁卽飭定安將所帶黑龍江官兵三百六十餘名交營總依能額管帶卽由恩縣拔隊前赴歸綏歸都興阿調遣該將軍剋日由京啟程此項官兵由東取道直境甚爲便捷並著飭催迅速啟行其定安所部駐紮恩縣之兵如須添補卽著該大臣另爲籌撥以資彈壓僧格林沁自蒙赴豫何日啟行何日到許昌張總愚股匪出山以後各路官軍兜勦如何陝省漢中出竄逆匪已由商南竄越豫省內鄉等境尤恐其與張總愚等句合而鄧州新野又恐爲沿漢下竄之賊紛擾陳大澆股匪擾及襄樊亦恐其與漢中竄匪潛謀合併該大臣抵許昌後作何籌布鄂豫各軍堵勦是否得力應令如何協同勦辦之處著卽迅速奏聞以慰懸廬將此由五百里諭令知之○甲寅諭內閣嘉興杭州兩府先後克復該府屬地方久爲賊踞小民慘遭荼毒蕩析離居田土荒蕪殊堪憫惻所有杭州嘉興兩府屬新復各州縣地方著加恩將同治二年及三年分應徵錢漕悉行蠲免其未經克復之湖州一府暨石門等縣並著於克復後查照杭嘉兩府蠲免章程一律辦理該督撫卽刊刻謄黃徧行曉諭並督飭各地方官吏安集流亡妥籌撫恤務使實惠及民毋任吏胥舞弊用副朝廷軫念殘黎至意○諭議政王軍機大臣等張集馨奏陝省回務漸就肅清南山髮逆尙未竄盡調兵嚴防潼關一摺據稱多隆阿右眼鉛子尙未取出不時疼痛昏迷覽奏實深庫繫多隆阿當設法醫治以期尅日痊愈用慰懸念穆圖善見已幫辦軍務署理關防一切相機調度責無旁貸著卽督飭各軍西勦回匪南防髮逆務當妥籌兼顧毋稍疏虞雷正綰督勇援甘責任甚重見在靈臺汧隴埽蕩肅清涇州後路無虞梗阻該提督尤當督率陶茂林曹克忠激勵各營鼓行而西盡力勦洗毋得任意遷延自干咎戾逆匪背背時見與藍逆各股分踞甯陝廳之金雞河八斗坪等處雖經該廳兵勇民團擊卻該逆尙在鎮安而藍二一股游弋於蜀河一帶偏近洵陽是漢南餘孽勢尙披猖著劉蓉恪遵前旨會同李雲麟迅將曹藍各逆悉數殄除儻任其盤踞蔓延蹂躪不已或聽其結隊東竄徒事尾追以塞責必惟劉蓉李雲麟是問曹藍等逆均由川省竄入漢南劉蓉等攻勦緊急難保不遁回蜀境駱秉章仍當督飭在防將領嚴密防範期於迅殄逆氛豫西擒匪竄至盧氏縣之漫川鎮該縣毗連閬鄉盧靈關一帶防堵最關緊要著僧格林沁張之萬嚴飭諸軍速將此股迎頭截勦掃除淨盡勿令窺伺秦疆參將雷顯揚已到潼關防所著穆圖善張集馨嚴飭該參將等認真堵禦不准稍涉鬆懈沈桂芬仍恪遵屢次

奇論分節各營嚴防河岸毋稍大意駱秉章等奏官軍攻剿松潘逆番克復曼漢一摺曼漢營城業經克復賊目日吉亦已被殲該逆首自必聞風喪膽著駱秉章檄飭塞關聯昌等移得勝之師乘機進剿務將逆首擒斬以杜後患並飭該文武員弁嚴防西北兩路毋令竄入甘肅等處前據劉蓉奏川省之綦江縣復有黔匪竄擾該督本日奏報何以尙未提及著卽星速奏聞仍飛防劉嶽昭督率所部前往截擊毋令闖入蜀境將此由六百里諭知僧格林沁多隆阿雷正綰穆圖善駱秉章張之萬沈桂芬劉蓉李雲麟並傳諭張集馨知之○命西安副都統穆圖善幫辦欽差大臣多隆阿軍務並暫署欽差大臣○予山東破賊在籍道員李澤長祭葬世職陝西殉難知縣慶霖傳恩照祭葬世職建祠○乙卯諭議政王軍機大臣等雷正綰奏疊平賊壘靈崇後路肅清分軍規取平涼一摺另片奏請將西南之清水等處兵勇交陶茂林就近節制請飭陝西勸捐糧石濟餉各等語慶昫奏甯夏近日防守情形一摺覽奏均悉雷正綰由靈臺截剿汧麟竄逆復復自崇信連克雙廟集神浴河白水鎮眉見鎮等處賊巢更番移營前進靈臺崇信後路一律肅清見與陶茂林晤商該提督由東北白水鎮四十里舖一帶陶茂林由西南華亭一帶分道規取平涼府城所辦均屬妥協著卽會同陶茂林剋日進取平涼以期漸次掃蕩被脅難民自應准其反正如有真心從賊者仍應分別嚴懲該提督由東北路進兵與西南聲息不通所有清水安定隆德靜甯一帶兵勇卽照所請交陶茂林就近節制訓練以專責成卽著熙麟雷正綰傳知陶茂林認真統率並須兼顧蘭州省城不得稍有疏失所請於陝西北山一帶勸捐糧石以濟軍食著張集馨派安員會同雷正綰所派之員實力勸辦但不得指定十分之一以免騷擾並著熙麟設法接濟雷正綰營糧石藉收飽騰之益曹克忠見在駐軍何處應由何路進剿著多隆阿等迅飭進兵以收夾擊之效多隆阿傷病屢經寄諭詢問如子已取出傷可無礙卽著迅速馳奏仍一面督飭穆圖善雷正綰等分道進剿迅速奏功以赴委任穆圖善旣已幫辦軍務暫署關防不獨辦陝省回逆是其專責卽漢南髮逆亦應幫同劉蓉妥籌截剿不可顧此失彼慶昫等奏甯夏匪眾情形時來撲犯該將軍等固守待援見據熙麟咨稱已在中衛左近捐籌小麥二千石馱運接濟著該將軍等嚴催運送仍督率在城文武固守待援毋稍疏忽此後仍著熙麟會同恩麟隨時設法陸續解濟以蘇民困訥欽一軍前經諭令速援甯夏並著派員催提內外夾擊以保危城訥欽之兵未經行陣該署提督恐難獨當一面前諭多隆阿揀派大員幫同訥欽帶兵勦賊卽著多隆阿穆圖善迅速妥籌調派馬隊五百名曾否派往並卽催令啟程以資得力雷正綰攻剿平涼如已得手卽分軍前赴甯夏會同慶昫痛殲醜類規取郡城無失戎機將此由六百里諭知多隆阿雷正綰穆圖善慶昫熙麟並傳諭張集馨知之○予甘肅陣亡知州談保和祭葬世職○丙

辰諭議政王軍機大臣等見在蘇杭均已克復金陵圍攻日緊前聞李鴻章奏內有三四月可以克復之言當此大功垂成各路統兵將帥及各該督撫允宜同心勦力以期共濟自陝省漢中之賊出富甯陝商州一路並有分由漢江水路下竄者節據多隆阿張集馨等奏報漢南賊欲回救金陵約於鄂省襄陽老河口等處會齊官文等前奏克復厲山並索陽霸山解圍收復上津堡等情形摺內具稱藍二順首惡稽誅漢南逆匪悉數東下張總愚股匪自南魯山中逸出逼近南陽豫省敗捻又越襄陽或由王家河以窺襄樊或由雙港司以達新邵均未可知襄樊爲全鄂上游南北鎮鑰東西北三面之賊紛沓而來鄂軍能否自固藩籬猶無把握所派成大吉歐陽正埔梁作楫及副將龍藻琦都司周有全總兵周鳳山等水陸各軍分駐襄陽並當陽各處以上各軍是否均已到防何以各軍戰守情形經月全無奏報當此金陵垂克之時若令賊得肆其狡謀於襄樊一帶會齊乘上游建瓴之勢順流直下將使圍攻金陵大軍爲所牽動豈不又礙全局官文嚴樹森如不能將此賊嚴密防剿致誤大局自問當得何罪軍情緊要鄂省各路官軍深恐事權不一爲兵家大忌官文嚴樹森二人內卽當商定一人出省督辦防剿毋得安坐省垣一任賊之紛竄俟得有勝仗一奏塞責以爲了事並著於商定出省後一面迅速奏聞會國藩能否親往金陵督辦攻剿見在襄樊喫緊該處爲金陵及皖省上游亟應豫爲防範不可稍涉大意該督前奏楊岳斌統帶師船嚴防江面不能調往他處此時江面上游有事著卽於楊岳斌彭玉麟二人內酌留一人防江一人溯流而上以資防剿如鄂省派出成大吉等軍無所統率楊岳斌等無論何人前往均可登岸將鄂省各路陸軍併歸統帶調遣以期得力僧格林沁日內當已行抵許昌該處與襄樊較近軍情賊勢諒能偵查明晰張總愚股匪出山以後剿辦若何漢中竄匪逼近內浙境地一犯南陽與襄樊賊股又虞串合而張逆一股前據張之萬奏竄及嵩縣等境該處又與河朔切近有關北路之防究竟中州軍務見以何路最爲緊要著僧格林沁於抵豫後酌量緩急將各軍分別調遣並著一面迅速奏聞其襄樊一帶竄賊官文嚴樹森必當嚴督將士剿除淨盡不准有以鄰爲壑之心並不准因有僧格林沁在豫稍存推諉會國藩爲國重任身繫東南全局安危官文等向來辦理軍務尙能不分畛域均屬有功之人值此大功垂成應始終罔懈同濟艱難以維全局若令垂成之功又有中變事屬何人貽誤必將該督撫重治其罪不能以前此有功稍存寬宥也將此由六百里加緊各諭令知之○諭前因沈葆楨奏江右軍務緊要請將茶稅牙釐仍歸本省徵收諭令戶部妥速議奏茲據奏稱蘇浙敗賊奔突堪虞儻防禦稍疏不獨江西遭其蹂躪卽會國藩亦添西顧之憂會國藩軍營各省協餉及釐金等款爲數甚鉅通盤籌畫尙可補苴措拄其江西茶稅牙釐請擬照該撫所請歸本省分提一半等語江西防剿見在極形喫緊

與其糜爛之後分兵籌餉不如先事豫防俾江省得以自固藩籬卽會國藩亦可專力東南著照該部議准如該撫所奏將江西牙釐茶稅由本省分提一半作爲該省防餉其餘一半仍歸會國藩軍營俾得各資接濟原摺著鈔給閱看將此由五百里各諭令知之○丁巳諭內閣本日據多隆阿由八百里馳奏全陝回務肅清一摺此奏殊涉鋪張陝西回匪自多隆阿入關後節節掃蕩地方漸就肅清惟此項匪徒逃入甘省根株尙未淨絕前經明降諭旨命多隆阿督辦陝甘兩省軍務該將軍正宜乘此聲威督飭各軍分路進剿將回匪悉數殲除俾漢民反回得以安居樂業仰懇朝廷除莠安良之意漢南竄匪尙未殲除亦應會同劉蓉分兵截剿俾全省一律肅清方爲不負委任見在朝廷但求實際不尙虛文該將軍仍當督飭各將士奮力進取以竟全功而膺懋賞有厚望焉○李鴻章奏常州丹陽竄擾江陰常熟股匪經我軍力戰解圍該逆仍踞江陰東南歸路已斷賊數雖眾屯駐楊庫華市周莊沙山五六十里間面面有我軍屯紮常州丹陽踞逆屢由江陰青山等處衝入接應均被我軍剿回賊漸危蹙二月二十四日臣添調劉士奇等帶隊二千人會合郭松林循福山鹿苑江岸偪剿臣於三月初二日由蘇州馳赴長涇規督各軍會戰初六日臣派令各軍分路進擣華市行抵沙山腳距華市三里賊眾列隊山阿倚營拒敵劉士奇等帶隊鈔入營後槍礮環施賊陣稍亂鄭國魁等乘勢督隊撲營拔椿踰濠一擁而進賊眾敗潰緣山亂竄臣飭各軍分道猛進追殺四十餘里賊屍枕藉自華市至樹山賊壘百餘處一律掃平日已嚮晦遂令李鶴章等繞至江陰會合駱國忠等由北路攔頭截剿劉士奇等帶隊暫駐周莊邀擊楊庫竄路臣督鄭國魁等軍馳往青陽會合楊鼎勳等由南路從後兜剿是夜五鼓楊庫踞賊惶遽南奔欲併歸雲亭一路劉士奇等設伏於雞籠山下太平橋賊整隊來衝我軍槍箭齊施賊眾駭奔乘機蹙之落水死者無數先是初四日夜僞英王叔及忠逆之子兩股因東路援軍大至率眾由華市花山馳回三河口乘夜搭造浮橋三道憑河築壘以護初五日張樹聲等以小隊誘敵逆眾二三萬由秦望山包裹而上張樹聲等力戰卻之殄斬六百餘名是夜又在三河口添搭浮橋二道初六日華市周莊楊庫敗賊併聚雲亭花山一帶北抵南廂南至越城橋圖竄丹常李鶴章夜抵江陰飛令郭松林等分路會剿初七日辰刻郭松林李昭慶列隊南廂前面駱國忠由花山鈔擊該逆見眾軍堵住歸路拚死來撲黃兆來等迎戰將賊衝作兩段前隊萬餘人向越城橋西奔後隊二萬餘人由花山奔竄郭松林躍馬橫出直撲三河口賊營賊卽棄壘渡河浮橋五道擠斷兵四人馬落水堆積數丈河爲不流楊鼎勳等復由間道截住前後夾擊其未過河之賊或陷入圩中或棄械乞投數以萬計其已過河之賊張樹聲等分追截殺賊屍遍野餘眾星散日晡收隊統計各軍俘獲近二萬人沿途淹斃殺斃無數其逸回常州丹陽者約僅二三千人

訊據賊供稱僞王侯及大頭目鮮得脫者查此股逆眾經諸軍兩日痛剿擒馘解散實有二三萬眾緣歸路先斷子藥俱盡該逆遂不耐戰大半徒手受縛所攜百姓米糧衣服概行拋棄當即散給窮民見在沿江腹地一律肅清所有守城殺賊尤爲出力各員謹先行開列懇請從優獎勵其餘出力及傷亡員弁兵勇可否彙案獎卹之處出自恩施 上諭議政王軍機大臣等此股逆匪爲金陵常州外援官軍於兩日間將該逆二三萬眾悉行剿除解散賊僞王侯及大頭目鮮得脫者沿江腹地一律肅清辦理甚屬妥速此時常郡賊援已絕李鴻章正宜移得勝之師會攻常州迅拔堅城以斷金陵外應仍一面分軍規復金壇毋稍延緩鮑超自克句容後進攻丹陽此時會否得手並著會國藩檄飭該提督並飭知馮子材等軍會同攻丹陽迅將該城克復以期肅清金陵東路見在金陵賊勢當更窮蹙值此功在垂成務當慎益加慎會國藩當飭圍攻金陵各營將士嚴密防範以杜該逆出竄毋稍大意程學啟槍子取出後續據李鴻章奏漸有轉機此次報內未經提及是否痊愈著李鴻章遇便奏聞戈登輕進失利情形如何何以綏覆全軍並著李鴻章詳細具奏道員張樹聲前經李鴻章奏請記名簡放與吏部奏定章程不符此次復由常州分兵堵紮要口擒斬甚多著交軍機處存記候旨簡用降調總兵鞠耀乾前失守福山李鴻章因其熟悉江面水師情形且前次曾有戰功奏請以水師參將降補當經降旨允准茲據給事中王憲成奏稱該撫前奏懲處該總兵之處與條例不符請照例治罪一摺著李鴻章將鞠耀乾功罪是否可抵之處查明覆奏原摺著鈔給李鴻章閱看將此由六百里各諭令知之○諭多隆阿傷病情形屢降諭旨詢問此次謝恩摺內具稱奉到賞去如意拔毒散當即敷治神氣稍清可有生機而受傷處所槍子尚未取出覽奏彌深慮念陝省回匪雖就肅清而漢南竄匪尙肆擾於鎮安蜀河一帶甘省逆回盤踞平固甯夏等城多隆阿遽以陝省肅清鋪陳入奏且由八百里馳遞紅旗報捷而所保之員又非專指盤屋克復案內而言殊屬夸張失實甚非該大臣向來忠勇樸誠辦事情狀且於張集馨等各員附片陳請特予鼓勵寬奏之餘深恐多隆阿傷病昏迷於此等奏報失於察奪尤難保非其左右辦事之人欲得保舉意存見好乘其病中脅亂所爲姑免深究仍著多隆阿趕緊設法將傷口槍子取出調治速愈以資倚任張集馨係棄瑕錄用之員見以臬司暫護撫篆德興阿亦係棄瑕錄用見以副都統署理將軍卽官銘亦監司大員且係官文之弟其爲賢否與平日辦事情形朝廷豈不深知予奪用舍自有權衡何必該大臣特爲陳請至雷正綰等各員自係衝鋒打仗及隨營辦理軍務出力之人亦經屢次優加獎敘如果陝甘兩省回匪軍務普律肅清仍當覈其勞動論功行賞此單著卽畱中俟陝甘軍務全行肅清再行降旨穆圖善署理關防於軍務一切自當懍遵前旨督飭各軍西剿回匪南防髮逆相機調度妥籌辦理

劉蓉身任陝撫於陝省收復各郡縣地方善後事宜尤屬責無旁貸著即飭藩臬兩司妥籌辦理鎮安一帶竄匪劉蓉前奏與李雲麟商定督率各軍分投截剿究竟能否得力不至任賊再行紛竄肆擾鄰疆此時整厯既克多隆阿所部諸軍應如何商同調遣著即與多隆阿穆圖善會商布置雷正綰與陶茂林均已師偏平涼該提督前請與陶茂林分路統率以專責成之處當經寄諭准如所奏辦理著即迅速進兵攻拔平涼以次漸圍歸蕩熙麟尙駐慶陽一隅之地於全甘地方不足以資控制恩麟暫權督篆爲時已久恐於一切呼應不靈致多貽誤見在雷正綰等之軍已偏平郡慶陽不過糧臺轉運如有明幹道府之員卽足以資任使著熙麟酌量刻下慶陽無甚緊要事件卽當作速前往蘭州接篆視事或慶陽糧臺一時未有更替得力大員卽俟文煜到後交其管理亦卽速赴蘭州以慎封守而重委任將此由六百里各諭令知之○戊午諭議政王軍機大臣等通政使司通政使王拯奏江浙踞逆日就削平事機至緊第皖軍仰食仍惟江省總臺是賴以兩湖捐釐之數爲皖軍十萬養命之源不特浙餉不能分撥卽會國藩所部月餉亦止能放數成粵東情形迥非昔比釐捐一項籌辦甚難近日沈葆楨又因江西剿賊緊要請將協皖餉銀酌定分數並於茶稅牙釐項下分提其半以爲本省之用誠恐軍前將卒傳聞餉源將窒眾心或生缺望殊於大局關繫非輕請飭江皖楚粵各疆臣同心勦力以求共濟各等語近日蘇杭疊復金陵合圍江浙地方可望以大肅清惟常郡丹陽尚相犄角浙賊悉萃湖州其竄入江西之賊又蔓延於撫建一帶並有由瀘溪新城而潛越閩境者若非任事諸臣和衷共濟迅將金陵老巢剋期攻拔並將各路竄踞餘匪悉數殲除萬一師者財匱必致餘燼復然不可收拾從前和春張國樞等大軍之潰卽由司計者培克月餉所致王有齡因守杭城亦以王履謙等不能接濟致浙省淪陷於賊前車之鑒可爲寒心著官文嚴樹森輝世臨將辦有成效之釐捐隨時整飭源源接濟皖餉毛鴻賓郭嵩燾於粵省釐捐一項恪遵屢次諭旨妥爲區畫務令利歸公家毋資中飽以裕餉源沈葆楨因本省剿賊亟須暫將稅釐提出一半充餉亦是實在情形第皖軍關繫全局沈葆楨平日公忠體國畛域不分仍著於無可籌畫之中力圖撥解皖北地方新復如有可以設法接濟之處並著會國藩喬松年酌度辦理原摺著摘鈔給與官文等閱看將此由六百里各諭令知之○諭富明阿奏揚防官軍擊退丹陽援賊並續撥兵勇渡江助剿馮子材等奏官軍會齊丹陽連日接仗情形各一摺丹陽一城與常州金陵互爲犄角見在詹啟綸張文德已直薄城下揚鎮兩營之兵共有一萬五六千名富明阿此次又添派營總富陞等馬步兵勇一千一百餘名兵力已不爲少著卽督率詹啟綸等實力進攻迅拔堅城盡殲醜類鮑超自克句容後曾否會攻丹陽並著飭令詹啟綸等與鮑超一軍聯絡一氣勿任窮寇復竄他處致辦理又形棘手倘英王

叔陳逆兇狡爲諸酋之冠此時悉眾來援勢必拼死力圖圍解城圍在事各員務令嚴密防維相機痛剿無爲所乘將此由六百里各諭令知之○諭勞崇光奏確查滇省近日實在情形官軍剿辦回逆克復景東元謀等廳州縣暨楚雄府城各一摺另片奏馬如龍忠義自許必能殄滅巨孽擬即以回攻回及新選維西協副將尙阿布等不宜署理昭通鎮等缺各等語前據賈洪詔奏徐之銘徇私濫保請將所保各員撤銷當經明降諭旨照准當因滇省尙未進兵恐失職人員必懷怨望諭令賈洪詔將此旨收存相機宣布茲據勞崇光奏馬如龍彈壓省垣籌濟糧餉軍火岑毓英帶兵出省數月之中克復堅城十數處請溫語褒嘉將馬如龍賞加提督銜岑毓英賞加布政使銜仍將該二員一併賞加勇號自係爲鼓勵人材起見惟馬如龍岑毓英均曾經徐之銘保奏前次所降諭旨應在撤銷之例若徑照勞崇光所請辦理不免與前旨兩歧著勞崇光賈洪詔速將官軍攻克楚雄府及景東廳縣出力各員確切查明具奏再降諭旨前旨仍著賈洪詔暫緩宣示勞崇光奏稱訪察馬如龍岑毓英行事不過因初登仕版不諳體制小節多疏而其心實皆勉圖上進其才亦尙可用馬如龍擬俟期除杜汶秀後再將馬榮馬聯陞二犯設法槍斬勞崇光見在責成馬如龍岑毓英就本地選舉回練次第勦辦既不至多糜官餉而已撫之良回不至再生疑忌等語勞崇光如確有把握即著嚴飭馬如龍等迅速進攻大理府城將杜逆剋日誅滅以自明其心迹且徐之銘係奉旨革職罕問之員何以日久尙未起解並著該督責令馬如龍等速將徐之銘派員押解來京毋得任意延玩自取罪戾尙阿布係部選人員既據勞崇光奏稱該員於滇省情形未能熟悉即著照該督所請仍委楊盛宗署理昭通鎮篆王棟是否聽回人指揮左葆楨於昭通府一缺能否勝任著勞崇光賈洪詔會商委署期於地方有裨各省武職凡有總督駐紮者尙由總督專政巡撫並不與聞嗣後滇省委署鎮將以下各缺即著勞崇光斟酌辦理如賈洪詔有所見聞亦不妨彼此函商以盡同舟共濟之誼其文職各員該督撫仍當和衷商榷會同委署斷不准各存意見致有齟齬福陞聞耳無能已於上年據路秉章參奏將其革職雲南提督一缺已放唐友耕勞崇光何以尙未知悉勞崇光見駐黔省於滇省聲息尙能相通成都則非滇撫駐紮之地且去滇較遠此時蜀境防務已鬆劉嶽昭所部九營前已由秦回蜀賈洪詔當督同該臬司馳赴昭通府城將勦匪事宜次第辦理勞崇光俟交查之件辦理完結亦即前赴昭通與賈洪詔面商進止機宜較爲有益勞崇光等奏滇黔兩省餉項萬難各省協餉屢催不到請仿照湖南東征局章程於川省水路設局抽釐即委川東道吳鎬專司其事各摺片設局抽釐原屬萬不得已之舉湖南册設東征局照該省釐金減半抽收以爲接濟楚軍之用楚人自樂於從事若於川省大江要路夔州重慶敘州瀘州凡有釐金之處添設滇黔釐局所收之項滇黔兩省

各半支用恐不無窒礙難行之處如果於川省無損於滇黔餉需大有裨益自當照湖南章程妥爲興辦勞崇光見已委派大員赴川省會議著駱秉章察度情形據實具奏該督素顧大局當不以事屬鄰封稍存畛域之見勞崇光等原摺著鈔給駱秉章閱看前寄賈洪詔諭旨及明發諭旨並著鈔給勞崇光閱看將此由六百里各諭令知之○己未諭議政王軍機大臣等富明阿奏水師上下游疊獲勝仗江防布置情形並詹啟綸擊敗丹陽援賊各摺片逆匪因人眾糧絕趨重上下游爲擄糧謀生之計雖經吳全美等師船擊敗難保不悉數回撲沿江紛竄著富明阿仍飭吳全美督帶師船策應江面並於各沙要隘上下梭巡以期聯絡聲勢北岸一帶尤須加意嚴防前據富明阿奏稱詹啟綸等軍業已直薄丹陽城下此次截剿援賊頗有斬擒即著富明阿馮子材魁玉仍遵前旨督令詹啟綸等並添派之富陞等軍與鮑超之師聯絡進剿迅拔堅城盡殲醜類僞英王叔陳逆悉眾來援既據賊匪供稱見在逆眾五六萬散布錢家廟等處打館擄糧並欲會合城賊夾攻官軍營盤又在港口搶奪民船冀圖外竄使官兵首尾不能相顧各情逆謀兇狡著富明阿馮子材等嚴飭在事員弁務須嚴密防維不得稍涉大意將此由六百里各諭令知之○諭張之萬奏髮逆圍攻內鄉官紳竭力解圍陳大澐未遂句結張總愚竄盧氏之欒川見飭繞前截剿一摺豫省宛洛一帶寇氛四集防不勝防目前軍務以先剿張總愚爲要領張之萬已飛飭張曜宋慶等軍繞出其前扼紮桃灣以防西竄朱陽關之路並令善慶等馬隊會合剿洗著即嚴飭該將領等卷甲疾趨滅此朝食毋再任其蔓延張曜前由黑峪追剿張總愚擒斬甚少竟成尾追之勢此次若再不得力即由僧格林沁張之萬嚴參懲辦陳大澐回竄浙川之李官橋襄陽之老河口髮逆竄商南之竹林關等處是襄陽二府均屬十分喫重官文等一月無報實屬不知緩急究竟所派之梁作楨等軍能否得力應否添調新軍均須認真布置不至縱匪深入蹂躪地方該匪本爲圖救金陵而來若由隨棗黃麻直趨英霍或由水路順流而下則會國藩不能不力爭上游恐於金陵垂成之局又生枝節襄陽一帶地勢寬廣官文所派防邊各將職分相等無所統率必將貽誤事機漢南前軍可鑒官文嚴樹森當懷遵十六日諭旨即日商定一人出省督師一人畱辦防務不准稍有遷延致干咎戾並仍遵前旨飛咨會國藩移調楊岳斌等水師於襄樊一帶督同陸師夾剿僧格林沁見已由許州取道長葛新鄭等處進紮洛陽該親王威望素著各逆自必望風逃避惟當通籌數省大局移緩就急妥籌調度並嚴督各軍會合豫軍剋日將張總愚一股先行剿除再將各股以次掃蕩見在陳大澐一股及漢中竄逆一股均聚內鄉內鄉以北有僧格林沁駐紮洛陽之師足資捍禦其由內鄉以東係髮捻圖援金陵之路著僧格林沁一面迅飭蘇克金等軍由南陽進兵剿洗一面嚴飭張之萬等派撥重兵扼其東竄免致由豫入皖

擊動金陵大局其分竄老河口捻股著官文等督飭嚴密截剿以上各路竄匪如由何路掣動大局惟何省督撫是問其應於何路扼要設防之處並著僧格林沁官文等悉心調派彼此知照無誤事機張之萬另片奏汝南各軍攻克小鄭寨見在圍攻趙寨及信陽州知州宮國勳捕龍井餘匪正陽縣知縣白渠攻克周寨各情著該撫會同毛昶熙督令汝防各將士及地方團練將趙寨及未復各寨次第攻克以靖地方原奏稱攻克信陽州之龍井寨有出示安良另派首事之語信息一帶圩寨林立總因首事者不得其人往往投誠後旋即反覆聚眾爲害張之萬諒已深鑒此弊所派首事務須慎選安分馴良之人不得敷衍目前意存遷就將此由六百里各諭令知之○諭多隆阿奏全陝軍務漸就肅清所統全軍應赴援何省請旨遵行一摺另片奏軍餉支絀派員赴同朝一帶試辦捐輸等語前因蓋厓克復陝省逆回掃除殆盡降旨命多隆阿督辦陝甘軍務原以該大臣征勦髮逆戰功卓著自調赴陝西勦辦逆回屢戰皆捷逆眾望風披靡俾各處踞匪次第蕩平而甘省回匪勢尙猖獗陝南餘匪尙未撲滅必得該大臣總統諸軍運籌決策乃能所向克捷迅奏膚功多隆阿此次摺報自係未接奉前旨故有請旨遵行之奏據奏槍子雖未取出久之與氣血相屬卽於身體無傷並據穆圖善奏稱多隆阿自敷貼拔毒散後頓覺痛滅神安覽奏頗爲欣慰仍著發去如意拔毒散兩料交該大臣祇領趕緊醫治以冀速痊所稱部曲均係南人每以北地苦寒不服水土爲慮自係實情惟刻下陝省匪回逃入甘省者不少甯夏平涼等處均尙爲回匪占踞其餘亦皆徧地伏莽未受大創僅恃雷正綰陶茂林兩軍其力尙薄且無所稟承亦恐呼應不靈進剿未能得力甘肅勢據上游回氛一日不靖則山陝皆難安枕唇齒輔車最關緊要多隆阿本係西安將軍又有督辦陝甘軍務之責而回匪又皆震懾該大臣之威自應以廓清兩省爲己任惟據稱所部不服水土若強令入甘恐多渙散著該大臣毋庸親督各軍深入甘省仍駐西安調理傷病一面將勦辦甘肅回匪事宜妥籌調派劉蓉所部兵勇爲數不少川勇固可調赴甘肅卽楚勇亦在川日久習慣自然著該大臣與劉蓉籌商調其所部得力宜於入甘者數千名可否卽派穆圖善統帶前往或另爲一路或卽爲雷正綰後路聲援其入甘以後應由何員統率各軍總歸該大臣節制調度之處均著多隆阿妥籌辦理漢南踞賊尙與劉蓉李雲麟相持不下仍恐乘虛窺伺陝西腹地及楚蜀邊境多隆阿所部不宜入甘之軍正應移剿此股賊匪或繞出潼關迎頭截擊或於陝南一帶攔腰截擊儻賊匪東竄卽可追出陝境盡力勦洗如在豫境則此軍可卽交僧格林沁調遣在鄂境則此軍卽可歸官文等調遣如此量爲移調兵力既可因地制宜餉項亦可於楚豫兩省分任兼籌係屬兩有裨益多隆阿所部各軍由東南而西北轉戰數省均甚得力此次如能截剿髮捻不令東竄掣動大局則金陵指日可以克復將

來該大臣所統之軍亦必同膺懋賞多隆阿即將此旨豫行宣示諸軍俾各奮勉圖功以副委任同朝一帶殷實之戶漸必復業該大臣因餉需不繼勸辦捐輸著劉蓉督率地方官會同多隆阿委員妥爲經理昨有旨令熙麟迅赴蘭州省會期於整頓一切茲據奏稱慶陽係糧臺重地爲甘省東北屏藩陝省西北保障等語著仍遵前旨赴蘭州接印任事酌派一軍駐紮慶陽以資防剿熙麟或俟文煜到慶陽接派糧臺後再赴蘭州並著該督斟酌辦理另片奏雷正縮由涇拔營赴靈雷步隊四營令成祿統領駐涇等語雷正縮見與陶茂林等分道進取平涼即著該提督奮力進攻迅拔紮城毋稍延緩將此由六百里各諭令知之○命五城煮賑展期兩月○庚申左宗棠奏杭州餘杭兩城經官軍於二月二十四日同時攻克業將大槩情形先行馳奏二月二十一日蔣益澧派提督高連陞等率各營攻清泰門外觀音堂賊壘派副將周廷瑞等率各營攻古蕩賊壘派洋將德克碑用大礮轟攻鳳山門城垣蔣益澧分親兵五哨助之自率四哨爲諸路策應卯刻高連陞等齊抵觀音堂督隊猛進立破賊壘二座賊卡數處聽逆陳炳汶率悍黨萬餘來援蔣益澧與總兵劉清亮等馳至將賊擊退時德克碑在饅頭山開放大礮已將鳳山門城垣轟塌三丈餘蔣益澧調轉大隊搶上高連陞等緊逼城根我軍奮勇先登城賊拌死抗拒高連陞王聯芳均受槍傷猶裹創力戰逾時始收隊還其周廷瑞等進攻古蕩賊壘因賊營隔水環攻未下乃分兵先攻葛嶺之賊忽悍賊千餘由錢塘門外來援都司賀國輝等擊敗之周廷瑞等乘勢將葛嶺賊壘兩座攻克其斃悍賊七百餘名遊擊徐文秀等又連破武林門外二壘並古蕩一壘追至武林門外十里街始收隊而還二十三日蔣益澧復派水陸各營分攻武林錢塘鳳山望江清泰各門自率親兵往武林門督戰徐文秀等督隊疾至十里街躍進內濠奮勇環攻首逆陳炳汶率悍黨萬餘來援劉清亮等各營分投堵擊賊勢稍卻時周廷瑞等奮攻賊壘勢已垂破城中又出援賊數千蔣益澧飭都司謝茂勝等率洋槍隊緊逼城門轟擊陳逆拌死相持鏖戰三時斃賊極多而官軍傷亡者已四百餘名攻至酉刻收隊是日賊壘雖未攻拔然悍賊已多傷亡聽逆是夜四鼓潛啟武林門逃竄蔣益澧急派徐文秀等軍分兩大隊由武林錢塘等門衝殺而入蔣益澧率親兵繼之將逆賊悉行駢戮賊屍枕藉高連陞等及德克碑亦各率所部同時由鳳山清波清泰慶春等門梯城而入四路接殺斃賊數千名生擒千餘名拔出難民無數卽於二十四日卯刻將杭州省城攻克蔣益澧一面分軍移紮各門一面抽派馬隊跟追沿途又斃賊數百名其餘杭踞逆疊經官軍奮擊攻克倉前李家塘等處賊壘斃賊近千名二十日夜臣飭各軍環攻城壘賊勢驚亂至曉收隊已刻復出康國器令遊擊林本等爲前隊同知康熊飛等繼之倉前接賊經參將吳光亮等衝擊斃賊不少乘勢將附近蔣元壩賊卡焚毀偽積王劉逆率悍黨來援官軍立

將劉逆轟斃並斬黃衣賊目多名賊即敗走時倉前援賊由橫渡橋斜鈔而出遊擊蔡盛恩中槍落河身死參將古捷芳亦力竭陣亡勢甚危迫遊擊林珠等率所部突圍而入奮力衝殺賊始奔潰官軍又斃賊數百名其西門南門所出之賊復被截殺無算賊勢窮蹙將城中輜重婦女悉搬出城外壘中臣知該逆將遁當飭各營輪流猛攻並令礮船駛入餘城南湖以備轟擊賊益怖二十四日汪逆海洋率黨由東門向瓶窯一路竄走當將餘杭縣城收復已革總兵羅大春等各營分路追殺斃賊甚多追至瓶窯而杭城之賊亦已竄至瓶窯踞逆憑壘抗拒臣得報飛飭各營跟蹤緊追自率親兵繼進賊連夜竄走臣馳抵瓶窯即飭各營疾追抵安溪關該處悍賊半伏壘中半匿林內安翼分股包鈔羅大春等先將伏賊按剿殆盡乘勢攻壘賊匪紛紛潰竄當將安溪關要隘攻克餘賊向武康德清等處敗走臣飭各營緊追武康之賊飭道員楊昌濬率親兵暫駐瓶窯爲各路策應蔣益澧分督各營速攻德清石門之賊以期規復湖州斷賊回竄之路竊維杭州爲全浙根本餘杭又爲杭州西北屏蔽逆首陳炳汶汪海洋負隅死守大軍數月以來攻剿殆無虛日茲幸兩城同克浙西大局漸可次第肅清見據探報逆首黃汶金李遠繼等廣聚湖州侍逆李侍賢及各悍賊又復竄入是湖州爲諸逆淵藪最爲喫重臣自當殫竭心力慎爲圖之賊在湖境則圍攻賊出湖境則追剿務將巨寇聚殲免致流毒完善地方此次克復兩城在事文武不無微勞足錄浙江布政使蔣益澧等先行懇恩分別優加獎敘其餘出力員弁兵勇可否容臣查明從優保獎出自恩施陣亡參將古捷芳等均請飭部從優議卹臣拜摺後即入省辦理善後事宜又奏杭州踞逆僞北王錢貴芒前曾遣人納款獻城嗣因人多謀泄被汪逆知覺將內應之人概行殺害錢貴芒即深自隱飾不敢輕舉自蔣益澧攻入杭城投殺逆匪錢貴芒即率其黨千餘跪伏道旁泣求免死據蔣益澧稟報前來臣以錢貴芒雖劫於兇威未能立功贖罪而事前通款實屬尚可貸其一死已飭令分別遣散挑留 上諭議政王軍機大臣等前據左宗棠奏報攻克杭州餘杭兩城業經明降諭旨宣示茲復據左宗棠將攻克詳細情形具奏蔣益澧前已賞穿黃馬褂見復賞給雲騎尉世職記名提督高連陞亦賞穿黃馬褂以示優獎左宗棠當飭令蔣益澧等益加奮勉立功自效杭州餘杭之賊併竄瓶窯經左宗棠督兵攻克該逆踞壘並將安溪攔要隘攻奪取匪分趨德清武康該督見已派兵追躡武康之賊而令蔣益澧督兵速攻石門德清以期進拔湖州郡城著即嚴督各營將士奮勇進攻毋稍遲緩湖州爲各路賊匪麇聚之區黨與尙多必思出竄江西不肯坐困孤城左宗棠當會同蘇皖各軍分布要隘杜賊出走之路以期聚而殲旃毋得任令紛竄徒成尾追之勢上年十一月間英國總兵戈登隨同官軍攻克蘇州會經明降諭旨賞給該洋將頭等功牌並賞銀一萬兩復以外國本有寶星名目諭令李鴻章將賞

給戈登頭等功牌仿照製造變通辦理嗣據李鴻章奏稱於賞銀一萬兩外先已允給常勝軍犒賞洋銀七萬元均經如數籌給等語英法兩國中國一例相待不可歧異左宗棠請賞加德克碑提督銜並賞給大小荷包衣料之處與前次獎敘戈登論旨不符未便互有參差本日已於明降諭旨內將德克碑一例賞給頭等功牌並賞銀一萬兩以示嘉獎矣所有頭等功牌式樣亦應與前賞戈登式樣一律即著左宗棠向李鴻章咨取前式仿照製造並著左宗棠無論何款動用銀一萬兩一併賞給其片內所稱由該督另行籌給德克碑銀二萬兩分賞所部常捷軍出力弁兵之處與李鴻章前次另籌洋銀七萬元給與戈登犒軍辦法相符即著照所議辦法將來浙省軍務肅清後亦須將該洋將撤回本國降目錢貴芒既經事前通款投誠尚可賞其一死餘黨即著分別遣散挑畱將此由六百里密諭知之○以克復浙江杭州餘杭兩城賞布政使蔣益澧雲騎尉世職提督高連陞黃馬桂道員楊昌濬等加銜升敘開復有差權授總兵官德克碑頭等功牌並銀一萬兩子陣亡參將古捷芳等祭葬世職加等○辛酉會國藩奏金陵城賊常放婦女幼孩出城以爲節食之計洪酋忠逆堅忍異常前兩次掘穿地道及雲梯猛攻均未得手鮑超一軍於三月初六日大破賊於句容城下次日克復縣城擒斬僞漢王項大英僞列王方城悰從此金陵城外賊壘悉爲我有當不能以入股衝出貽患他方惟營中餉需奇絀米糧昂貴深慮軍心不固另生波折杭城克復後賊由德清併入湖州該處股數日多恐仍前覓食上竄與左宗棠之師在徽浙之交節節布置以防羣賊再犯江西其前此竄入建昌之賊一趨南豐一趨新城並分股擾及廣昌界席寶田劉勝祥韓進春等均在南豐二月二十三四等日屢獲勝仗斬僞天將譚幅於陣其精健營一軍亦由貴溪馳赴南豐新城若能克復該縣使前股不能立定巢穴則後股亦難跟蹤上竄庶鞫辦易於得手沈葆楨奏髮逆窺伺建郡經官軍痛剿後河西賊館既破宜黃之路亦隔僞沛王遂於二月十九日潛竄南豐縣城僞天將譚幅以悍黨數萬人築壘於城之西北爲固守計僞王宗一股於新城各鄉肆行擄掠僞天將林正揚一股犯廣昌界二十二日席寶田劉勝祥率隊進剿紮營於百花亭距南豐城二十里韓毅春營於其右之謝坊二十三日韓進春由右路進踏毀包坊賊館截殺二百餘名逼近城根劉勝祥破其左路山卡與精毅營揜斬各以百計斃逆目金添幅一名該逆退伏城中二十四日席寶田等分路進攻沛逆譚逆於去城十里之蘿蒲洲迎敵猛撲祥字營數次我軍屹立不動遊擊張集雲等直搗賊堅遊擊陳宜道等分隊旁襲環攻移時都司朱勝祥等以火彈火箭奮擊賊眾大亂沛逆踉蹌入城譚逆負創而西當將北門逆壘四座平毀我軍乘勝截殺逆眾望風駭遁千總會佐朝陣斬僞天將譚幅一名河東之賊由上游淺灘渡河東門亦出賊數千馳援均爲總兵邊曉堂等擊退沛逆復自北門出大

股回撲我軍合隊覺之該逆賊匿城中統計殺賊三千餘名溺斃千餘名生擒七百餘名二十五日韓進春進茶離城五里之樟樹下以牽制賊賊二月初一日席寶田等會隊攻城槍礮環施該逆堅匿不出以皖浙防兵既集調回精捷營進新城繼果營進南豐與席寶田等合力夾剿以期迅速會殲水師統領臬司劉子溥等均派飛划上駛護南頓鎮總兵普承忠亦抽隊前進計日內可陸續到齊會同攻剿內閣侍讀銜前翰林院編修吳嘉賓因賊攻三都督關迎剿力竭遇害殊堪憫惻可否仰懇 天恩飭部加等議卹准於殉難地方建立祠宇以慰忠魂陣亡之疑保把總黃永全袁正泰並懇飭部照把總例從優議卹 上諭議政王軍機大臣等沈葆楨所奏南豐新城等處剿賊情形會國藩片內亦經陳及即著該督撫督飭席寶田劉勝祥等軍並精捷等營趕緊會合聚殲羣醜速將南豐縣克復使賊前股不能立定巢穴則後股亦不得跟蹤上竄不至踟躕又形棘手其徽浙之交會國藩與左宗棠所部節節布置並著嚴密堵扼毋使羣賊再行越犯江境飽起一軍克復句容後是否飭令進攻丹陽金陵一有可乘之機會國藩自當督令會國荃激勵諸軍迅圖攻拔擒渠堵穴以成全功至會國藩奏以該督所部各軍自開截去江西釐金之信人心惶惑大局實虞決裂恐致功虧一簣請將江西釐金仍歸該督經收以竟將賊之功自保實在情形惟所稱沈葆楨截留釐金之奏並未與該督商酌詞氣涉於激切鈔錄往來文函各件呈覽沈葆楨前因江西軍務緊急懇請將該省牙釐茶稅等款仍歸該省經收支用如窒礙難行請分提其半以應急需經部臣的覈覆奏准其分提一半之請朝廷亦因江西與金陵需餉同一緊急不能顧此失彼降旨准行嗣因通政使王拯陳奏此事復經寄諭會國藩沈葆楨等仍當同心共濟以維全局而竟成功今會國藩所奏既以江西釐稅一歸本省經收恐致軍心惶惑著即照所請江西省牙釐茶稅仍舊歸會國藩經收並准沈葆楨分提一半以爲本省防兵之用江西防兵席寶田等軍即毋庸會國藩再籌分濟此項釐稅本係會國藩冊立章程抽收有年若一改歸本省經收事屬紛更亦恐替換生手必致所收之數不能如前沈葆楨前奏未經先與會國藩商酌辦理似疑會國藩不允所商而然事屬因公各督撫臣同膺疆寄遇有交涉之件縱意見稍有不同亦應往復參酌以歸一是方爲同寅協恭之道若自恃因公而各執一是不肯相下則均屬非是朝廷本無所用其調停止恐該督等意見各存被左右所窺伺從中播弄貽誤事機屆時縱重治該督等之罪亦已無及此次所奏業經朝廷持平定議會國藩沈葆楨務各欽遵辦理毋得各存意見惟經手抽收釐稅之員必須廉明公正能知大體者方可派往著會國藩慎重選擇爲要本日總理各國事務衙門奏爲金陵見在攻剿得手公同設法籌濟餉需各摺片該衙門以金陵功在垂成而餉需短絀竭力籌濟以期迅速賊事著即照所請將該衙門總稅務司

赫德所呈上年奏撥輪船回國經費等項銀五十萬有奇如果均係實存即全數撥歸會國藩軍營充餉又據聲稱此項內有二十萬兩零本屬見存有著之款著李鴻章查明先行儘數發解會國藩軍營該大臣亦可暫時以資散放以上銀兩如已起解來京即照該衙門所請作為江皖鄰近各省前奉部撥解充京餉之款並准於各該省將奉撥京餉照數劃抵撥解會國藩軍營以期簡捷其各該省應如何劃撥之處著李鴻章俟戶部覈定再行諭知辦理此項銀兩係應解京師歸庫之款刻下部庫尚不免於支絀京旗兵餉亦籌放時艱該衙門止以金陵一贊之功顧全大局先其所急以資轉注江西誼切輔車沈痼慎更當不分畛域均勻協濟而會國藩得此協餉尤當飭令會國藩奮力圖功相機穩慎進取激勵將士速奏膚功以副厚望將此由六百里各諭令知之○以潘祖蔭為左副都御史由光緒寺卿遷○于江西陣亡在籍翰林院編修吳嘉賓祭葬世職建祠○壬戌諭議政王軍機大臣等前因多隆阿奏全陝回匪肅清所統全軍應赴援何省請旨遵行當經諭令多隆阿將所部不宜入甘之軍移剿陝南賊匪見在曹藍各逆勢尚猖獗劉蓉所部近日剿賊情形未據該撫馳奏實深慮念此股匪徒若不及早撲滅不獨與安商州等處受其蹂躪將來會合髮逆必致竄擾鄂豫腹地陝省回務既已肅清多隆阿所部多係南人勢難進剿甘肅即著多隆阿商同穆圖善於所部酌調兵勇四千名交姜玉順余福象統帶馳赴陝南會同劉蓉各營迅將藍曹各股匪徒盡力剿洗仍遵前旨追賊出陝行抵鄂境即歸官文調遣並著官文將此起兵勇四千名催提赴鄂以資得力劉蓉務當激勵諸軍督飭李雲麟肅清漢南餘孽毋得任令盤踞蔓延致負委任漢中一郡關繫緊要余福象係漢中鎮總兵如須調兵彈壓自應令余福象酌帶親兵百數十人速赴本任其所帶之勇一併交姜玉順統帶並著劉蓉妥籌調派擒匪張總愚一股竄擾盧氏勢將乘間西趨而陳大澗及漢南竄逆均聚內鄉勢將句合亟須一軍由陝省迎頭截擊並著多隆阿等速飭諸河清孟宗福等酌帶四千人由雒南一帶確探賊蹤分投迎擊僧格林沁見已駐紮洛陽此軍即可催提赴豫歸僧格林沁調遣務期將張總愚等股迅速剪除肅清河清既帶兵剿賊潼關一帶應派何員帶兵駐守著多隆阿穆圖善劉蓉張集馨酌量調派穆圖善本係西安副都統省城根本重地不可無兵駐守多隆阿馬隊除酌留四五百名交穆圖善統帶外其餘均著交蘇倫保常星阿溫德勒克西等分起管帶由陝赴豫遇賊即擊抵豫後一併歸僧格林沁調度以一事權穆圖善酌留省後著即會同德興阿將存城之兵認真操演以備緩急其酌留之馬隊四五百名並著穆圖善等隨時訓練如省城防兵已敷分布即著將此項馬隊派赴訥欽軍營以資攻剿前諭多隆阿選派得力之員前往訥欽軍營幫同帶兵可否於蘇倫保等數員中酌派一員前往著多隆阿穆圖善劉蓉張集馨妥商調派曹克忠一軍著暫留

陝省以爲遊擊之師張集馨將善後事宜妥爲布置並將省標兵弁勤加訓練以備不虞襄鄆軍務緊要不可無大員總統寧經諭令官文嚴樹森酌定一人出省督師尚未據官文等覆奏其陳大澂見由老河口竄往何處陳得才等匪曾否與陳稔會合亦未據官文等馳陳西望不勝焦灼官文威望素著即著該大臣剋日出省將襄樊等處水陸各軍力加整頓迅殄逆氛所有在事文武員弁知懼怯無能迎勦不力該大臣務當從嚴參辦毋得諱飾瞻徇貽誤事機自取咎戾官文出省後省城防務嚴樹森責無旁貸並著認真經理期於有備無患不可稍涉大意多隆阿前次所保各員曾交軍機處存記該員弁等即調往他省如續有功績仍當格外施恩甘肅回氣甚熾僅恃有雷正綰陶茂林等軍節節進剿著劉蓉迅即酌量情形如兵力尙單卽仍遵前旨將該撫所部兵勇分撥數千名派得力大員統帶前往分路進剿以資接應正在寄諭間據穆圖善奏多隆阿傷病增劇勢甚危篤須重用漢民以固其氣等語覽奏益深廬繫著發去人漢六兩交該大臣祇領醫治安心調理用冀速痊另片奏連日據百姓報稱藍逆受傷十分沈重此股敗匪見趨甯陝圍與曹藍二逆台股匪數無多卽著劉蓉派兵截擊悉數殄除毋稍疏懈將此由六百里加緊諭知僧格林沁官文多隆阿穆圖善嚴樹森劉蓉並傳諭張集馨知之○諭張集馨奏統兵大臣傷病難救謹陳該營詳細情形密籌辦法與十九日寄諭多隆阿等諭旨大致暗合本日已另降諭旨作爲特旨照所陳辦理矣該署撫請令姜玉順余福象率諸將將四千人赴鄂惟余福象係漢中鎮實缺當令赴任歸劉蓉節制以資鎮守所統親兵不得過多該處如須重兵防守劉蓉自能量爲調派姜玉順卽令帶兵四千名由子午谷過甯陝將竄匪節節掃蕩迅至湖北交官文調遣蕭河清等卽令率四千人由雒商進兵將盧靈關一帶西竄之匪迎頭截擊並會同常星阿等各帶馬隊赴河南歸僧格林沁調遣已令僧格林沁官文分別檄調至穆圖善係西安副都統應回本任並著雷馬隊數百名在省令與德興阿將存城之兵認真訓練操防以備不虞欽差大臣關防仍歸穆圖善暫署再降諭旨曹克忠卽令至藍屋將來雷在西安附近該署撫當與之妥爲聯絡以資指臂之助當此主將創深軍情不靖誠恐一朝有變將士從而生心張集馨歷練有年務當不動聲色豫遏亂萌如多隆阿竟至不起該署撫或親往藍屋拊循將士於應行辦理之事一面妥辦一面奏聞劉蓉見未到任該署撫責無旁貸務須籌策萬全以副委任正在寄諭間穆圖善奏多隆阿病勢危篤覽奏彌深廬繫著張集馨隨時探悉奏聞穆圖善另片奏藍逆傷重宜至甯陝圍與藍曹二逆台股等語張集馨卽飛檄姜玉順等將此股敗匪會合劉蓉所派之兵盡數殲除藍逆下落並著確探具奏○癸亥 萬壽節 上詣 慈安皇太后 慈禧皇太后前行禮停止 升殿 御乾清宮王以下文武官員行慶賀禮自是每歲皆如之○諭議政王軍機大臣等前因

總理各國事務衙門奏請將上年奏撥輪船經費銀五十萬兩有奇全數撥歸曾國藩軍營充餉當經諭令李鴻章等將此項內有著之款二十萬兩零先行儘數解赴曾國藩軍營如已起解來京即於鄰近各省奉撥京餉項下劃抵撥解其如何劃撥之處俟戶部覈定再行諭知辦理茲據戶部片奏曾國藩營餉除湖南等省應協之餉仍令照常協解外所有此項輪船餘款等銀兩先經總理衙門札飭解部見在奏充曾國藩軍餉如未起解北上應由李鴻章迅速委員分批解往如已起解即責成李鴻章分晰奏明再由該部查照總理衙門原奏將原撥江皖鄰近各省解部京餉照數劃出飭令就近解交等語著李鴻章按照該部所奏將見存未解之輪船經費儘數先解曾國藩軍營如已起解來京即將所解開平規平各銀兩及洋銀一款統合共庫平若干兩迅速分晰奏明由戶部查照將原撥江皖鄰近各省解部京餉照數劃出就近撥解曾國藩軍營以資應用曾國藩一面傳知各營俾各奮勉圖功一面催提此項未解之銀將月餉散放以收飽騰之益而竟重成之功沈葆楨當懷遵前旨將江西牙釐稅項仍歸曾國藩經收江西分提一半以濟本省之用至江海關零稅一款究係何項稅銀並著李鴻章查明報部將此由六百里各諭令知之○僧格林沁奏督軍馳至宜陽督紫調提督傅振邦自南陽帶領步隊駐紮嵩縣以扼東路飭蘇克金帶領馬隊仍紮南陽以防南面並令總兵張曜自西路進兵偏賊出險復將所帶步隊兵勇一千名撥往嵩縣歸傅振邦調遣自東路黑峪進兵即飭該提督統帶其張曜等軍俱歸調遣以一事權旋據張曜等稟報該逆於樂川池西山口修築四壘挑挖長溝阻我兵路該總兵連日進攻斃賊多名十五日督率副將尹嘉賓等奮勇進攻破其兩壘斃賊無算是夜該匪遺棄輜重向南翻山越嶺由大坪頭一帶狂奔逃竄該處由二郎坪可通內鄉鎮平南陽之路張曜見已督兵追剿並酌留數營暫駐樂川防勒朱陽關髮逆等情復飭傅振邦督同張曜等軍實力追剿該逆被勒窮蹙竄出山險即係內鄉鎮平一帶復札令蘇克金整軍以待一至平關地方即行截擊見在北面情形稍鬆即於十九日督軍進紮嵩縣以便相機策應上諭張總愚股匪盤踞盧氏縣之樂川經張曜尹嘉賓等帶領兵勇連日進攻該匪越嶺南趨由大坪頭一帶狂竄亟宜跟蹤追剿該大臣見已前紮嵩縣著即飭令傅振邦督同張曜等軍奮力追擊偏賊出險蘇克金所部馬隊見紮南陽俟該逆竄出山險即令由南面迎頭截剿以期盡殲醜類並著張之萬嚴飭南陽鎮府率領在防兵勇會同蘇克金迅速兜剿毋任紛竄他境致滋蔓延前據張之萬奏陳大濟一股回竄浙川之李官橋襄陽之老河口漢中髮逆竄往內鄉之下瓦亭相距甚近曾否句合著僧格林沁張之萬派兵分投堵擊迅速殲滅勿令句結東趨擾及腹地昨日諭調多隆阿所部諸河清孟宗福蘇倫保常星阿溫德勒克西等各帶步隊兵勇共四千名馬隊除酌留西安四五百外約有千名分起由陝赴豫著僧格林

源迅速催提前進以資攻剿將此由六百里各諭令知之○諭徐宗幹奏閩省籌辦防堵情形一摺皖南賊匪由浙入江復由江西之玉山等縣分股四出擾及崇安相近之黃公橋等處經遊擊劉朝太等督團截剿小有斬擒該逆旋由鉛山竄往弋陽等處前據沈葆楨奏賊竄南豐新城已諭令該撫等嚴密防剿江西辦理軍務尚屬認真該匪窮無復之必圖擾及鄰境新城與光澤邵武等處均屬毗連徐宗幹見派已革參將蔡潤澤等帶領兵勇赴浦城之二渡關等處扼防道員陳維漢等防光澤邵武等處布置均尚周密著即督飭在事各員勤加偵探擇要防守遇賊即擊毋令入境滋擾並令地方文武聯絡紳團輔助官兵以收眾志成城之效如其賊蹤竄越邊防緊急即著徐宗幹相機出省督勦浙省軍務漸平左宗棠身任兼圻自應力圖兼顧能否撥兵助防並著酌量辦理張連蘭屢經有旨飭催赴任著徐宗幹迅即咨行毛鴻賓催令帶勇啟程英桂簡任福州將軍爲日已久見在因病請假數日著俟假滿即行啟程赴閩與徐宗幹會商辦理以期格外周妥將此由六百里各諭令知之○乙丑諭議政王軍機大臣等富明阿奏官軍連敗丹陽援賊添兵渡江並水師剿賊情形一摺與馮子材等前奏情形大略相同見在賊勢尙眾復於黃墟村一帶搶築賊壘五座意圖牽掣官軍阻遏進攻之路富明阿見已添調總兵楊心純等勇丁九百名渡江助剿著即飭令詹啟綸等聯絡鎮江各營速將賊壘掃除以期會攻丹陽至鎮江之師前已將丹陽湖埂逆壘攻克進逼西門著馮子材魁玉卽嚴督張文德等前敵各營會合揚防援師互相策應一面聯絡鮑超所部諸軍迅將丹陽城池攻拔毋稍遲緩沿江一帶屢有逆匪出竄並有大股欲由江干紮壘爲竄渡太平洲之地經揚防水師擊敗其竄往恤蔭沙武家橋等處之賊亦經師船迎擊轟斃甚眾見在沿江下游之賊既併竄上游太平洲江面又極狹窄尤須防其搶渡北岸富明阿已飭吳全美酌撥師船添赴上游堵剿著卽嚴督水師各營將士梭織巡防毋任該匪於太平洲偷築營壘致剿辦又形費手江蘇釐局應如何歸併裁撤之處著富明阿會同吳棠李鴻章力行整頓務將積弊訪查明確奏明覈實辦理將此由六百里各諭令知之○諭多隆阿奏擒斬首逆並該大臣養傷情形各摺片藍大順由盪屋逃出負創甚重沿途裹脅二三百人意圖徑竄甯陝與曹逆等合股經佛坪團練擊斃二百餘人復經漢陰廳紳士管湧等在該處齊團邀截立將藍大順殲斃並將逆黨王老么等擒獲實足以快人心該逆餘黨仍恐復有漏網著多隆阿檄飭將士嚴行搜捕毋任一名免脫該大臣在營調理傷病連服葢茂漸有轉機覽奏稍紓塵繫前經頒給人葢六兩諒已遞到著卽安心靜攝以冀速痊將此由四百里諭令知之○調吉林黑龍江兵各一千名益富明阿軍○飭四川等省撥解慶陽軍餉○予江南陣亡委參領圖普新祭葬世職○丙寅左宗棠奏杭州餘杭兩城經官軍攻克後逆賊一趨武康一趨德清以武康德清爲湖州屏蔽石門爲

通杭湖要道必先克此三城而後可進圖湖郡當飭楊昌濬督率各營由瓶窰安溪關進規武康飭蔣益澧分軍進規石門德清飭李耀南等馬步七營出孝豐武康之間截剿竄賊楊昌濬等疊破犂頭上陌各賊卡進攻武康縣城先是武康逆目吳開俊曾遣人通款於羅大春約爲內應楊昌濬令羅大春率所部先進曉以禍福一面飭余萃隆等各率所部駐上陌偏之時陳逆炳汶汪逆海洋及侍輔利來各賊酋麇聚德清賊眾不下十數萬三月初一夜張聲恆密遣降人乘夜潛入賊中燒毀賊營賊館數處羣賊驚擾達旦初三日紛紛由德清遁入武康羅大春率親兵遇賊於黃洞橋殺賊數十名溺死無算立將黃洞橋拆毀連夜各營分伏武康城邊用火器攻擊賊大震降人楊芸桂等約爲內應初四日羅大春等薄城環攻逆首吳海勝憑卡抵拒楊芸桂等開門迎納官軍吳海勝棄卡逃遁羅大春等一面入城一面分兵追剿直抵三橋埠適德清之賊大股擁至吳海勝復率眾回關官軍扼橋抵禦排礮轟擊賊數百名賊始敗走立復武康縣城其德清一路經蔣益澧令高連陞王月亮兩軍進駐上七鋪地方探悉陳汪二逆將由德清竄走侍逆殿後初五日高連陞馳抵城西見賊賊開門逃竄高連陞等策馬衝入詎街巷破屋中伏賊突起出城之賊仍折回抗拒高連陞等併力猛攻自辰至未鏖戰四時達等進逼石門踞逆鄧洗明出城乞降初五日將縣城收復臣與蔣益澧提訊鄧洗明據供罪民久已蓄意投誠因爲陳炳汶所逼不能猝脫見惟束身歸命以俟刑誅臣見其左手已廢疔瘡特甚縱令乞降非眞抑亦殺之不武旣不忍以其求生而置之死傷朝廷好生之仁更不敢因前奏該逆業已陣斃稍涉回護因傳令免死令挑其黨之悍者分爲數營隨同進剿以規湖郡其先竄德清之僞利王僞來王一股繞出武康之西圖竄孝豐初五日李耀南等督率各營出犂頭陣截擊該逆急向菰浦竄去正追殺聞陳炳汶一股續又竄至聶邦光率隊從旁殺出斃賊數百名賊勢大潰利逆率眾回援劉明燈等馳至夾擊又斃賊數百餘逆棄械狂奔官軍乘勢追殺斃賊無算拔出難民數千該逆經官軍屢次痛剿人心渙散李侍資楊輔青陳炳汶等逆圖分路以竄廣德孝豐黃汶金李遠繼等逆圖守湖郡及見官軍逼近李繼遠又欲由吉安以竄甯國初八日高連陞等乘賊勢紛亂率師急進行至離湖州四十里地方遇賊隊蠡擁而來縱兵大擊斃賊數千名焚燒賊船千餘號羣賊望風潰竄項據探報前由孝豐竄去賊股已繞從千秋關太陽埠竄至昌化縣境臣前因蘇皖諸賊麇聚湖州卽慮突犯上游擾我完善當飭分水新城嚴州遂安各處守軍嚴防並調康國器張聲恆兩軍赴臨安截剿見在賊旣悉由廣德孝豐上竄嚴遂之防尤爲緊要臣又加派劉清亮各軍由新城赴嚴州唐學發等營水師於桐嚴一帶梭巡各軍若前後夾擊或可聚而殲旃卽有漏

網他竄。當督飭各軍出境追剿。務將此股肅清。此次尤爲出力各員。謹先行開列懇請分別獎勵。其餘出力員弁。可否由臣存記。俟克復湖州。彙案保獎。出自 天恩。又奏。於三月初二日。進駐省垣。巡視各城。堞身間有轟塌之處。尙易修葺。惟

駐防城身。概行拆卸。房屋但存牆壁。省城以內倉庫衙署。蕩然無存。街市房屋大半拆毀。存留遺民及陸續來歸者。合計不過數萬口。見已遣派官紳設立賑撫局。收養難民。掩埋屍骸。並一面招商開市。一面將急須修濬工程。辦理以期通商。惠工暫收時局。其餘善後事宜。容再次第籌辦。上諭。議政王軍機大臣等。官軍克復武康。德清。石門三縣。自可乘勢進取。湖州

惟賊酋李侍賢。楊輔青。陳炳汶。李遠。繼窮無所之。希圖突犯上游。擾及完善。左宗棠見調康國器。張聲恆兩軍赴臨安。截剿並派劉清亮各軍。由新城馳赴嚴州。防剿唐學發。彭大光。督帶水師於桐嚴一帶。梭巡布置。尙屬周妥。卽著嚴飭水陸各軍前截後追。乘該匪喘息未定。聚而殲旃。不至漏網。他竄方爲妥善。江忠朝會否已抵江省。陳鳴志等所統江忠義舊部。見紮

何處。著沈葆楨酌度機宜。或卽派此軍赴江西。浙江毗連處所扼要駐紮。以杜該匪上竄之路。如已乘間闖入江境。卽著左宗棠檄飭諸軍迅速越境追剿。務將此股竄匪悉數殲除。俾江省得以悉力南豐。新城肅清腹地。高連陞等率師進趨湖郡。離郡城四十里地方。擊賊獲勝。羣賊望風潰竄。此時計已緊逼城下。官軍自必倍加奮勇。左宗棠卽當乘機鼓舞。令其迅拔

堅城廓清。全浙前因嘉興克復。諭令李鴻章督率李朝斌等會同浙軍設法進取湖州。見在浙軍業已前進。並著李鴻章分兵會剿。兩路夾擊。用收速效。該撫派兵援浙。尙能不分畛域。此時機有可乘。尤當激勵軍士協力兜剿。以竟前功。見派何將何營會剿湖郡之處。著李鴻章迅速奏聞。廣德甯國一帶係湖賊出竄要衝。李侍賢等見又有圖竄廣德等處之議。該處防

剿正緊。會國藩前有會同浙師在徽浙之交。節節布置之奏。刻下廣德甯國等城防兵是否足資分布。著該大臣妥籌調派。務將廣德甯國一帶賊竄之路嚴密堵截。毋稍大意。致羣賊續犯江西。又成不了之局。鄒沈明束身待罪。左宗棠見其左手已廢。尙特甚。准暫免一死。辦理自屬正大。所部悍黨。見經分爲數營。隨赴湖州攻剿。並著左宗棠密飭湖州各營將領。隨時加意防範。毋令別滋事端。江西大兵雲集。所有竄踞南豐。蔓延新城之賊。著沈葆楨激勵將士。痛加剿洗。務使前竄賊匪

盡皆殄滅。庶後股不敢接踵而來。於東南全局大有裨益。左宗棠另片奏進駐省垣籌辦善後事宜等語。杭州兩次淪陷。被禍尤酷。存留遺民及陸續逃歸者。合計不過數萬。覽奏曷勝矜憫。左宗棠見已設局賑撫。收養難民。並將善後各事宜逐一興辦。卽著督飭在事官紳認真經理。不可有名無實。前據左宗棠奏訪查前署布政使麟趾湖州府知府瑞春均於城陷時殉

難。諭令將該員等死事情形查奏。此時杭州已復。著左宗棠卽將麟趾殉難詳細情形及道員遲福有無下落一併查明據實

奏聞知府瑞春著俟克復湖州後再行確查具奏將此由六百里各諭令知之○諭劉蓉奏官軍追剿曹藍各逆獲勝一摺另片奏團勇擒斬藍逆全股撲滅等語曹逆燦章與洋縣餘黨竄合游弋於佛坪之松花坪等處經劉蓉派令彝字營折往追剿沿途剿洗賊壘平毀賊巢多處追至洵陽壩該逆步隊連夜由腰竹溝楊泗廟小路奔竄藍屋克後藍逆潰圍分起由新口峪奔板房子圖竄金雞兩河與曹逆餘黨合股經黃鼎等設伏邀擊因夜雨未能窮追藍逆帶傷逃遁旋竄紫溪河地方經在籍主事管湧率團勇擒獲首逆藍朝璧並戮傷統領林姓等多名辦理均尙得力藍逆是否正身仍著劉蓉查明具奏藍曹餘逆竄入北山該處林深箐密路徑紛歧若不趕緊撲滅恐致復釀燎原之患該撫已派蕭慶高等就甯陝鎮安一帶分路接捕並派廖溥明前往誘降著卽飭令迅速妥辦曹燦章一犯務須擒獲勿任漏網禁逆竄擾蜀河恐爲川邊之患著李雲麟會同湘果各軍剋日掃蕩並著劉蓉督飭該京卿妥爲辦理以期早日奏功多隆阿受傷並未回省仍在藍屋養病劉蓉欲赴西安與多隆阿籌商剿回事宜卽著酌量辦理並仍趕緊赴潼關一帶安籌防剿陝西邊患方亟羣賊如毛奔竄靡定該撫當慎以圖之切不可自鳴得意致負委任將此由六百里各諭令知之○丁卯諭議政王軍機大臣等官文等奏擒逆兩次圖踞襄樊官軍援剿獲勝一摺襄樊爲形勢之地久爲羣寇垂涎此次擒逆陳大澐等由棗而西力爭上游其勢甚熾幸成大吉梁洪勝等軍援剿獲勝襄樊賴以復安惟敗擒西趨老河口而漢南髮逆已竄至鄧州之厚坡將與陳大澐一股會合後股竄至雒南又將與竄往嵩盧之張總愚捻逆合股楚豫各邊千有餘里數十萬之賊麇聚其間防務萬分喫重官文等見派水陸防兵嚴防上游要隘並於下游黃岡等處相機扼堵所籌均尙周密賊勢正盛而官軍分布各處必須總統有人方能事權歸一著官文恪遵屢次諭旨卽日出省督師分飭各路將士將西趨老河口捻股乘勝剿滅並偵探髮逆蹤跡迎頭截擊毋令與捻匪勾結蔓延爲患嚴樹森居守省垣務將漢黃一帶防守先事豫籌督飭水陸各營嚴密防範毋稍疏虞僧格林沁前已移軍嵩縣計張總愚一股不難剋日殄除惟髮逆頭起竄擾鄧州境內其後股又竄雒南必須痛加剿洗方能遏其兇鋒不至竄擾腹地著僧格林沁會同張之萬督飭南路各軍與楚師兩路夾擊速殄賊氛前諭將多隆阿軍營馬步各隊約共五千餘名調赴僧格林沁軍營此時剿辦大隊揔逆正宜厚集兵力仍著僧格林沁將此項馬隊兵勇迅速催提赴豫漢南剿賊之姜玉順一軍四千名並著官文迅速飛調赴楚藉資策應將此由六百里各諭令知之○廣江西南昌府學額五名撫州四名崇仁縣十名豐城五名湖北興國河陽荆門咸甯漢陽江陵各四名蒲圻崇陽孝感蕪水鍾祥監利各三名武昌漢川黃陂黃岡麻城京山天門應城松滋宜城南漳當陽各一名江夏嘉魚通城大冶黃安羅田廣濟潛江安陸公安襄陽東湖長樂恩施遠安各一

名○子湖北陣亡遊擊朱心俊等祭葬世職入祀昭忠祠○戊辰諭議政王軍機大臣等李雲麟奏首逆伏誅餘黨期盡通籌見在情形次第追剿各摺片所陳主事管滂率領團勇於紫溪河地方合剿藍逆股匪殲除匪首等情與前日劉蓉所奏略同而管滂等由規溝場追賊餘黨及之於葉家坪與舉人張承燮等團勇相遇併力夾擊將賊餘黨全行殄滅並軍功王重良率勇接尋藍大順正身並其偽巡部藍三順四順等八人同時殺斃等情較劉蓉前奏爲詳劉蓉前奏本有先於紫溪河殲斃眼有肉瘤之藍大順外間傳說並非該逆正身之語茲據李雲麟奏據獲賊供係屬偽都統王包包假名此次王重良所殺藍逆正身劉驗首級實屬確切當爲可信主事管滂及張承燮王重良等帶團剿賊殲斃賊首自應量予獎敘惟據李雲麟奏稱管滂蔣常垣二員前經劉蓉保獎之處均與新例不符應行改正著劉蓉將李雲麟此次所保之管滂等各員獎敘並管滂蔣常垣前保應如何改正一併覆覈擬定具奏再降諭旨前諭令李雲麟會同相果各軍速剿蔡逆股匪今該京堂所奏既以痛剿此賊自任劉蓉仍遵前旨督飭迅速掃蕩藍曹餘孽竄入北山並飭蕭慶高等軍趕緊剿滅毋任深入林箐日久蔓延致成棘手何勝必駐軍興安防賊回竄自可與蕭慶高湘果各軍相爲策應其主簿李百魁所部各營將已抵商卽當與藍斯明一軍合力追剿東竄逆股至李雲麟所稱多隆阿見又派兵三千赴商會剿是否卽姜玉順等所帶之兵抑係另有派往何項官軍卽督令會合藍斯明等迅將竄賊併力痛剿以絕延蔓將此由六百里各諭令知之○毛鴻賓奏探報金陵逆賊僞侍王李侍賢分大股竄其前隊廣東花旗股匪已由浙繞越江西之廣豐玉山漸及撫州建昌地界獲賊供稱該逆有回竄粵東之意查咸豐六年廣東紅匪大股數十萬人竄擾吉安等處會石達開至臨江句結其眾另編花旗股匪肆擾多年其黨與散歸者亦數萬人時虞蠢動前聞侍輔諸逆有由福建江西回竄廣東之說臣前度該逆乘間上竄爲浙蘇皖之軍備窮蹙糧道漸斷必分股肆擾出險求生以冀掣動官軍進規杭州之勢以大勢論之江楚當防其竄擾未必遽及廣東及聞侍逆大隊爲浙師所截獨花旗及沛逆一股裹糧疾馳先期竄入江境是此股賊匪本無定向又非若侍輔諸逆與金陵有互相維繫之心其回竄廣東句結黨與以圖一逞亦情勢所應有粵東伏莽遍地尤易句結蔓延不可不早爲之備見在足備堵剿者僅有張運蘭所部湘勇三千人臣見飭移紮南雄州探明賊蹤相機辦理兼顧韶南一帶邊防如賊已占踞城邑卽當越境助剿以期聚殲復飭知府劉德謙管帶信字營移紮樂昌以資鎮壓仍飭添募楚勇三千人期與張運蘭一軍相爲犄角以厚兵力其嘉應州一路毗連福建江西兩省道路紛歧擬飭副將方耀挑選所部潮勇三千名駐紮鎮平兼顧平遠大埔邊防見准閩浙督臣左宗棠來咨飭令張運蘭挑選所部二三千人馳赴福建臬司本

任臣查廣東見存兵勇均不得力此時張運蘭一軍未可輕離粵境如探明撫建一帶官兵可以合圍環攻社其四竄即當飭令張運蘭酌量會剿顧全大局 上諭卓興之軍追剿陽江等屬分竄客匪疊有殲賊並將匪首曾白面豬擒獲而餘匪尚復分竄信宜東安所屬各地信宜久爲賊擾之區甫經蒞事斷不可令賊再行煽亂東安富霖洞新甯天堂墟地勢如何粵地率多山險尤不准任賊久踞又成負隅致滋棘手即著毛鴻賓郭嵩燾督飭卓興及侯勉忠等各軍實力進剿痛殲醜類客匪與逆匪究屬不同其應如何剿撫兼施妥爲安插總期畏威懷德得以一勞永逸彌其罅隙免滋事端方爲妥善其由皖南竄越江西逆黨早有由新城等處圍越閩境光邵一帶者並有欲回竄粵東之說不可不豫爲之防前據左宗棠奏請飭令福建臬司張運蘭一軍前赴本任以資防剿節經諭令毛鴻賓等遵照辦理茲據奏稱張運蘭一軍此時不可輕離粵境並據陳見令知府劉德謙添募楚勇各情朝廷不爲遙制第張運蘭既不能即赴任而閩省防剿亟須豫爲籌布著左宗棠徐宗幹催督曾元福內渡之軍迅移得勝勁旅回顧腹區以資調遣由江竄閩賊勢如何並著隨時馳奏張運蘭之軍馳往英德於該處零星股匪自當迅速掃蕩劉德謙楚勇即准其添募與爲犄角速將各處伏匪剪除嚴布粵東毗連江閩邊境以防逆匪回竄其南部與嘉潮兩路均屬不可大意而嘉潮民俗尤悍逆匪由閩之邵汀一路奔趨路尤徑捷且恐其黨與散歸者於該處爲多張運蘭如移紮此路相機堵剿於閩省較爲聲息易通即以劉德謙新募楚勇專防南部亦覺便捷應即如何辦理之處著毛鴻賓等妥籌辦理該督既稱潮勇多不可靠其方耀所部駐紮鎮平以顧嘉應一路是否合宜並著毛鴻賓妥籌調度毋稍疏虞將此由六百里各諭令知之○武蔚文以病免以唐訓方署湖北按察使候補布政使○己巳李鴻章奏遇缺提奏提督江西南贛鎮總兵程學啟前攻嘉興府城槍子貫入頭腦既絕復甦回營醫治進築數劑言語神氣稍爲清楚臣於三月初二日出省赴楊軍督勦復往看視程學啟言賊雖潰敗勢悍且眾請飭諸將慎重兜擊又言人才難得恨將死不能爲國家驅除殘寇輒哽咽流涕向臣太息臣猶勉以安心調治並屬地方官時往照料迨臣追賊至青陽忽接省信以程學啟日漸危篤傷處成洞時有髓流血火責喉六日滴水不入惟神志尚清初九日屬家丁爲穿 御賞黃馬褂望闕叩頭旋繞室行走數步見案上有茶舉杯至口不能下咽悽然淚下並令其營務處知縣韓杰馳赴臣處屬專心勦賊不及等候回省語不及私臨絕時大呼心事未了 聖恩未報腦漿迸流當於初十日子刻出缺臬司郭柏蔭督同府縣親視含斂料理後事臣適行抵常州接信不勝悲悼各營將士慟哭失聲江浙遠近官紳士民無不同聲呼愴查程學啟籍隸安徽桐城遭亂被擄陳逆四眼狗欲重用之程學啟嘗自逃去爲賊追回拘繫不得脫咸豐十一年四月間今浙江撫

臣曾國荃督軍進逼安慶程學啟密赴曾貞幹營中納款曾國荃兄弟見其志趣忠勇迥異尋常遂置營帶隊旋克復安慶省城程學啟之功居多臣奉命赴滬即帶程學啟所部兩營東來五月虹橋之捷八月北新涇之捷十月四江口之捷皆殺賊近萬大挫兇鋒實賴程學啟多謀善戰以少擊眾臣因爲程學啟陸續增募至萬餘人部勒嚴整所向克捷先後克復青浦嘉定太倉鎮洋崑山新陽吳江震澤各州縣二年七月進逼蘇城程學啟以水陸一萬人由婁門外跨塘逐漸進剿苦心經營將城東之寶帶橋五龍橋城北之蠡口黃埭城西之泔關虎邱各處石卡賊壘次第掃平又兩次遠剿嘉興援賊於八拆平望一帶助剿忠逆大股援賊於大橋角望亭一帶分剿湖州援賊於太湖東山一帶出奇入險賊中怖爲神兵洋槍炸礮爲攻戰利器程學啟隨臣入滬悉心講求晝夜研究去冬克平望堅城今春壽嘉興名郡臣購覓大洋礮三尊交給演放竟能指揮如意功效屢著其深心遠略謀勇精勤設使天假之年功業詎止於此今年甫三十五歲遽因攻克嘉興隕身鋒鏑每念時事多艱將才不易臣誠私心痛之程學啟無子以嫡姪建勳爲後年尙幼小念其攻克安慶後兩年之間連復江浙名城十數處並克復蘇州省城似爲東南第一戰功可否仰祈飭部准照提督陣亡例從優議卹並加恩予諡宣付國史館立傳並於安慶蘇州嘉興各府建立專祠以彰忠藎 上諭內閣遇缺提督江西南贛鎮總兵程學啟由安慶來歸帶隊攻克皖城上年復隨李鴻章督兵由滬赴蘇所向無敵兩年之間先後克復蘇州省城嘉興府城及江浙名城十數處實爲東南戰功稱最朝廷見其謀勇兼優勳勞卓著屢擢提鎮賞給世職殊恩異數屢錫褒嘉乃於本年攻克嘉興時該提督躬冒矢石首先登城致槍子貫腦絕而復蘇屢經降旨詢問病狀方冀安心調治就痊重責任使詎意竟因傷重出缺將才難得悼惜殊深程學啟著追贈太子太保銜照提督陣亡例從優賜卹任內一切處分悉予開復加恩予諡入祀昭忠祠所有戰績及死事情形宣付國史館立傳並於安慶蘇州嘉興各府城建立專祠靈柩回籍地方官妥爲照料並著李鴻章酌派司道大員前往賜祭一壇伊子程建勳著俟及歲時帶領引見候旨施恩用示眷念勳勞優加哀卹之至意尋予祭葬加三等輕車都尉世職諡忠烈○諭前因前任漕運總督袁甲三在陳州防所積勞病故當經降旨從優賜卹嗣因官文之請復准在陳州府地方建立專祠茲據喬松年奏稱鳳陽府紳民稟請在臨淮建立袁甲三專祠除批准外附片陳明等語袁甲三從前統軍淮甸克復鳳陽府縣各城功績卓著至今遺愛在民允宜俯如所請准在臨淮地方建立專祠以順輿情惟以統兵大員生著勳勞歿膺廟祀係朝廷曠典豈臣下所得專擅喬松年既據紳民呈請自應據情上達候旨遵行乃未經奏明先行批准片內並無可否請旨字樣殊屬瀆率喬松年著傳旨申飭○李鴻章奏臣於三月初十日由青陽行抵常

州十四日徧察城西賊營橫五十餘里分為兩路一當西北通丹陽一當西南通金壇中夾運河左右環築形如列星計據逃賊供稱踞逆偽護王陳坤書所部人眾數萬蘇錫宜溧敗賊併歸常州又添數萬見城內外眾向十萬惟兩廣悍黨尤多因溧陽路斷丹陽金壇又有官兵圍攻無路可竄城中糧食尙支四五月護逆決志死守待援等語臣飭劉銘傳由北門先攻西北遠處賊營破其一座乘勢進攻新牘三營用炸礮轟塌營牆數丈劉銘傳親督將士大呼齊進立將踞賊七百餘人圍殺淨盡護逆率眾渡河來援將過浮橋賊壘已破黃翼升劉銘傳乘賊半渡揮眾迎擊賊匪落水死者千餘人南岸頭營二座亦即潰退十七日臣先令王東華帶水師三營由隔湖萬年橋進擊郭松林楊鼎勳合攻陣渡橋大石壘復調程學啟礮隊協攻自辰至午壘賊死守兼拒楊鼎勳親率將士奮呼殺入郭松林帶隊填濠而進令易用剛繞堵賊壘後門賊屢衝不出悉數捨斬逃南三營相繼潰走郭松林督軍追殺連踏賊壘六七座鄭國魁築營新牘賊隊隔河相拒劉銘傳分搭浮橋過河猛追賊不能支王東華礮船適由三河口衝出軍勢正合臣與李鶴章飛調周盛波等折回向西北與劉銘傳前後夾擊賊眾緣河狂奔自相蹂踐死者甚眾王萬釗曾明魁以槍礮排擊斃賊無數有廣賊數千回戈迎戰郭松林等縱橫衝殺擊斃二千餘人又踏平沿河賊營二十餘座鄭國魁張桂芳卽扼紮河北高壘三座郭松林楊鼎勳扼紮河南壘壘五座於是丹陽金壇兩路俱斷祇西門城根尙有賊營六座緊護城根小南門尙有賊壘一座土營兩座十八日張樹聲周盛波合攻小南門賊營劉銘傳郭松林合攻西門賊營羅榮光用炸礮轟倒小南門橋上石卡周盛傳乘勢攻奪土營及石營之賊皆潰我軍擒斬多名張樹聲復督隊向西門追擊賊方踞高阜拒戰張樹珊等直衝而入繞出賊後賊眾駭奔張樹聲乘勢攻奪一營殺斃悍賊數百名郭松林劉銘傳等由西北兩路夾攻復踏毀鞏城賊營二座其西北城角兩營亦即潰退時護逆在西門城頭見各營不守立將城門堵塞營中潰賊多係兩廣悍眾盡向城根奔竄各軍三面擠殺填屍盈河所有城外賊營數十座一律掃平我軍分壘屯駐長圍已合戈登屢請帶隊協剿常州臣准令前來適於十八日趕到西門正我軍合力攻營之候亦以炸礮助剿查蘇省賊眾屢敗併聚金陵常州兩城拚死鉅險互爲犄角若任其他竄必貽鄰省無窮之憂茲因嘉興克復湖州之賊全數上竄蘇省東南防務稍鬆自應併力常郡設法攻城臣飛調劉士奇王永勝帶五營行隊用程學啟攻嘉興巨礮分攻正南門小南門令劉銘傳炸礮隊攻北門郭松林攻西門張樹聲攻東門約期並舉惟常城係各路敗賊精銳所集約有十萬其兩廣悍眾積年死黨一旦窮蹙無歸勢必拚死拒守爲萬死一生之計臣惟設法招撫一面開礮轟擊脅以兵威仍離其眾心相機妥慎籌辦馮子材魁玉奏丹陽逆匪自西路被劫後援賊屯聚東北聯營築壘

悉力相持三月十九日大股悍賊先後圍撲遊擊胡世英等前敵各營總兵詹啟綸督飭所部開放槍礮疊礮前鋒逆目多名賊始敗退我軍仍由黃墟禹王廟一帶進逼臣等因羣逆趨重東北勢漸蔓延慮其闖入新豐鈔截官兵後路二十一日臣馮子材率親軍小隊馳赴新豐察看東北一路逆巢聯築九壘餘皆沿村包紮縣五十餘里因屬倉故綸相機諸勦隨由張官渡過河自北門至西路查看總兵張文德各營是夜即派勇五成疾擣西門並攻勦十里牌逆壘以牽綴東路之賊竟夕環攻擊斃守垛之賊無數旋聞金壇之賊紛紛外竄提臣鮑超紮營西洋截殺甚眾查金邑既下丹陽各逆聞風喪膽亟應乘機規復當派各營於二十二日徑擣西南兩門暨附城逆壘副將楊青山等分三路齊發副將汪柱元帶隊策應一面函令詹啟綸同時大舉揚青山等銜枚疾走直薄城根賊於城上開放大礮我軍奮力攻擊槍礮環施焚毀附城逆卡數處殺賊甚多時詹啟綸派馬步各營直撲黃墟一路逆壘賊見西路攻城甚急未敢離巢抗拒我軍四面兜剿斬賊無算當將該處逆巢九座全行奪毀仍飭詹啟綸張文德等乘此聲威迅圖攻克至鎮城根本重地當此逆氛潰竄尤當加意防維臣即日回城督飭雷守各營晝夜梭巡未敢稍涉大意上諭議政王軍機大臣等李鴻章親督將士兜剿江陰東南竄賊殲除殆盡旋由青陽赴常督籌攻勦將城西南門外賊營數十座全行踏毀官軍分壘屯駐業已四面合圍諸軍連日倍加奮力踊躍用命甚屬可嘉惟城賊陳坤書與各路敗賊所餘驍悍麇集其中且多兩廣積年頑惡死黨勢必拚命死拒此時官軍長圍已合賊之飛走路窮諒不復能鋌而出竄李鴻章仍當穩慎圖功以策萬全該撫所調劉士奇王永勝帶五營行隊與戈登等分攻各門是否能相浹洽俾資其力著隨時妥為駕馭該撫摺內所稱湖州之賊全數上竄究係竄往何處湖州曾否收復李鴻章如果探實即先行馳奏馮子材等所奏鎮揚各軍會勦丹陽城援各逆壘有殲賊丹陽之賊內衝外撲其氛甚惡而詹啟綸等各營均能持重堅定復經馮子材親往西北各路察看布置飭令各軍聯絡堵剿奪毀賊之附城營卡並據探聞金壇賊已紛紛外竄鮑超紮營西洋大加截殺是金壇一城已為鮑超攻拔丹賊更必聞風喪膽著曾國藩即飭該提督迅移金邑得勝之兵與鎮揚各軍會攻丹陽以期速拔則兩邑連下常賊之勢益孤攻勦更必得手馮子材以鎮防緊要於各路布置應定旋即回城著仍嚴密周防以備賊氛潰逸毋稍大意將此由六百里各諭令知之○諭文祥奏查辦墾荒開渠大槩情形並郡王伯錫爾捐辦渠工暨哈密短鉛丸軍械各摺片哈密地方籌辦開墾地畝經文祥先赴東路塔爾納沁蔡巴什湖兩處查勘除原額屯地外沁屯共得荒地五千六百六十畝蔡屯共得荒地一千七百餘畝均可開墾惟患水利不足文祥見擬將老渠挑挖子渠加濬寬深使水流通暢藉資灌溉並首先倡率設法勸捐以濟工需著即

照所擬辦理所有按戶升科一切事宜並著詳細安定章程以期經久其西路一帶查有蕭爾齊火石鐵岡茨梅花湖二段荒地均皆肥沃擬將北山五道溝水源開渠引水澆灌此項工費浩繁籌辦不易該回子郡王伯錫爾見願自雇夫工捐備口糧木料設法開挖渠道情詞出於至誠殊堪嘉尚著文祥即會同伯錫爾妥籌商辦俟將來工竣時由文祥奏請獎敘至哈密庫存鉛斤軍械舊有虧缺前經易棠飭令該營自行賠補除賠文外尚有虧缺鉛丸一萬四千七百餘斤之多實屬疲玩著文祥即嚴督該營將虧缺鉛丸並所虧軍械各件趕緊賠補以重軍儲並查明虧缺緣由從嚴懲辦毋稍隱將此諭令知之○庚午以孟夏時享 太廟 上前期親詣行禮○諭議政王軍機大臣等張之萬奏張總愚股匪翻山南竄見飭緊躡追剿並擬移營進紮南陽一摺捻逆張總愚盤踞樊川經官軍進剿躡平賊壘該匪立腳不住翻山由大坪頭一帶狂奔張曜督兵追躡該匪由下關出馬山口直奔鎮平內鄉山內雖係震懾兵威亦欲勾結髮逆且頭股倪逆已由鄧州竄至新野圍撲縣城端逆一股與後股鍾得終先後攻撲內鄉縣城而陳大澹大股由鄧州示青山孟家樓南竄亦有句合髮逆之勢宛屬西南處處伏莽張總愚一經句結其禍蔓延僧格林沁見由嵩縣馳赴南陽剿辦並派傅振邦統帶前敵各營所籌均合機宜惟新野係四達之區張之萬見派丞奎等前往援剿設該匪被剿他竄南窺襄樊北走葉裕在在可慮僧格林沁自應與張之萬分投扼剿方可力遏狂氛惟北路之防仍宜兼顧僧格林沁若久駐南陽恐漢中之賊伺隙向東北奔竄有鞭長莫及之勢著僧格林沁酌量情形可否仍駐嵩縣控制諸賊東北竄路而調度張曜等軍會合馬步將張總愚一股剋日殲除並調派各軍將麇聚內鄉鎮平鄧州之髮捻及陳大澹各股分投掃蕩多隆阿部下蕭河清常星阿等管帶之馬步約共五千名前經諭令調赴僧格林沁軍營嗣又據劉蓉李雲麟奏派駐紮商州之英毅六營會合藍斯明一軍赴鄂豫越境追賊此軍入豫亦可歸僧格林沁調遣通計前後所調之兵數已不少僧格林沁酌量布置調派來豫偵賊所向迎頭截擊兼顧商維邊防毋令回竄張之萬見駐汝州應由何處會剿抑或專顧東北兩路並著該大臣相機商辦斷不可令該匪闖入腹地致官軍反落賊後又成尾追之勢官文接奉疊次諭旨計已出省督師此時鄂豫邊境羣匪聚集窺伺奔突靡定襄樊隨東一帶均關緊要著官文馳檄各路將領認真防剿毋得稍有疏失致負委任如髮捻各匪被僧格林沁剿敗遁入楚境即著嚴飭諸軍越境追躡會同官文派出之師併力兜剿庶兩路夾擊可收殲殲之效嚴樹森仍遵前旨將省城防守及下游堵剿事宜豫爲籌辦毋稍大意將此由六百里各諭令知之○諭恩麟奏關外匪徒聚眾滋事踞堡戕官經官軍

多人攻陷赤金堡地方經護總兵德祥等督兵掩捕旬日之間立將全股殲擒撲滅辦理尙屬迅速至逸犯楊春係起意謀叛賊目斷不可任令漏網著嚴飭該員弁等設法緝捕務獲置之重典以絕根株河州狄道一帶回匪怙惡不悛必須痛加懲創恩麟見令道員趙必達統領新募果義營一軍五千餘人馳往剿辦並飭都司王勇等聯絡民團以壯聲勢著卽督飭趙必達等乘新軍銳氣正盛之時迅速進剿務將河狄賊匪悉數殄除庶可分道直趨東北兩路與雷正綰等合師夾擊恩麟另片奏頃接探報鳳翔回匪又復蠢動陶茂林回軍剿辦因而汗隴賊蹤紛擾各等語鳳翔回匪疊經陶茂林等剿辦據報陝省一律肅清陶茂林見已由清水等處進規平涼恩麟此奏是否係未經肅清以前情形著恩麟等確查具奏將此由六百里諭知恩麟並傳諭恩麟知之○予四川殉難提督占泰參將文梅勝建祠○是月減免貴州各府州廳縣被擾上年額賦蠲緩陝西甯羌等十一州廳縣隴州等九州縣被擾新舊額賦

同治東華續錄二十三

夏四月辛未朔日食○諭議政王軍機大臣等富明阿奏水師連獲勝仗並揚防官軍擊退丹陽援賊踏平賊壘一摺南岸逆眾直奔江口經吳全美等督帶水師擊退另股逆匪復在薛家橋等處焚掠又屢於江口紫筏搶渡均經各防水師隨時擊敗賊不得逞仍著富明阿督飭吳全美等各防師船晝夜梭巡毋稍疏懈丹陽援賊經各軍四面兜剿斬賊無算金壇縣城亦被鮑超攻拔丹陽賊勢更蹙著卽嚴飭詹啟綸會合鎮軍聯絡鮑超之師相機進拔丹陽以期迅速蕪事該將軍傷疾已愈步履尙艱惟當選派得力將弁奮勉圖功卽爲不負委任毋庸親身督剿以昭慎重將此由六百里諭令知之○王申曾國藩奏句容踞逆偽守王方海悞因部黨攜貳又聞鮑超大軍將至卽在金壇寶堰等處糾結偽翰王項大英僞列王方城悞兩大股同守句容三月初五日鮑超親督各營冒雨疾馳行過溧水攻破三岔賊卡初六日軍次句容所屬之塔岡距城止十里正在修築營寨城中突出三四萬眾密布山岡意將乘我立營未定悉銳猛撲鮑超卽令周有勝等直前迎敵宋國永等左右環攻戰至數時賊不少卻黃海清等各率騎隊分左右兩路越過田隴直抵賊後婁雲慶更以步隊佐之賊見歸路將斷大譁欲遁我軍且戰且進直至城下殲賊數千附壘之賊一開散走鮑超料城賊膽落飭令各營徹夜環攻漏至四下忽見城東角火光燭天知內變已作急引軍東向而賊已啟南門傾巢衝出諸將士乘勝截剿斬敵尤多並內應之翟本邦等七人將僞翰王項大英僞列王方城悞縛獻我軍遂於初七日黎明入城立將句容克復派員檻送二酋前來安慶訊明正法距句容四十五里之寶堰南通金壇北達丹陽尙有堅壘五座維時句容逆首方海悞遁

至該處與壘賊僞顯王袁得厚謀阻進兵之路初九日鮑超率隊前往摩壘而攻賊但穴牆施礮堅閉不出是夜派雲慶等潛伏壘下又派馮標等五路併進賊漸不支各營負草填濠爭先躍入一壘既破眾壘俱亂壘中逸出之賊又經伏兵掩殺躉偪入河者無算方逆袁逆遁往金壇丹陽而去查句容一城與金壇丹陽鼎足而三實爲金陵之左輔鮑超率師進剿一戰克捷並執二僞王毀五賊壘而金陵亦有日孤之勢裨益全局厥功甚偉又奏近日杭州賊首陳炳汶汪海洋等分道犯徽三月十三日唐義訓戰於徽郡之南殺傷相當毛有銘在郡東三十里外迎戰失利十四日羣賊併犯郡城圍攻東北兩門力戰卻之十五十六等日官軍出城奮擊均獲勝仗詎湖州僞侍王大隊續由昌化而來十七日唐義訓毛有銘渡河進剿竟大挫於楊村刻下嶺內徧地賊氛徽休祁夥四城岌岌難保而賊之前隊已紛紛由龍灣婺源上竄江西後股續至者猶復絡繹不絕蓋侍堵輔三巨酋實有二十萬眾自湖州克後悉數由徽竄江其杭餘德清武康之賊數亦甚多金壇丹陽業經鮑超會同鎮揚兩軍克復常州亦有克復之信計蘇境各賊皆將繞由浙皖竄犯江西臣見調石埭二營青陽四營入嶺救援徽州又調鮑超全軍回援江西道途太遠竊恐已落賊後欽奉疊次諭旨詢臣能否親往金陵督辦攻剿目下徽境賊勢如此浩大上游無所稟承臣自不宜前赴金陵顧彼失此所有金陵圍師仍責成曾國荃一手經理臣屬其不可令大股衝出貽患他方並屬萬一金陵倖克卽由曾國荃彭玉麟楊岳斌將大槩情形先行馳奏以慰聖懷其詳細戰狀則轉咨官文與臣會奏至漢中髮捻各匪前聞竄至鄧州內鄉之交頃接稟報鄂軍成大吉等於三月初六日在樊城附近大獲勝仗賊已全竄豫境該逆欲以舟師水路下竄援救金陵斷無可慮所慮者由豫皖陸師衝至鳳潁廬州巢縣一帶擄船南渡圖解金陵之圍是應防者在安慶以下之江面不在蕪黃以上之江面也臣見咨商楊岳斌彭玉麟於浦口以上七百里要津渡口節節布置以防漢中東援之賊至鄂中需用水師該省本有礮船四五百號下游如楊岳斌全軍向食鄂臺之餉朝調夕至前准官文嚴樹森咨調李濟清萬化林二營臣飭派前往想已到矣前奉諭旨飭於楊岳斌彭玉麟二人中酌分一人溯流而上統帥鄂省陸軍之處俟接到官文來咨再行酌度辦理沈葆楨奏髮逆竄至新城署知縣唐先霖集團迎剿小有斬獲另股由間道犯城該署知縣率團入城守禦三月初二日賊向城南塌處猛攻遂被闖入唐先霖及把總劉興榮退守皮家源初七日道員陳鳴志等統六成隊並唐先霖所集鄉團攻東門外之南山亭賊悉銳來拒盪決數次遊擊權光輝等裹創血戰殺賊甚多都司邱采芹守備谷開文殞於陣初九日提督黃仁遠等冒雨由張司

哨志等營各營堅壁以守俟其近壘擊之賊恃眾猛撲我軍連開巨礮擊斃七八十人賊卻而復集黃仁遺率所部出擊慶戰三時賊氣稍沮王順慶等潛從左右路繞出賊後鄧善慶等同時繼進羣逆奪路紛逃自相蹂踐我軍勇氣百倍斃賊四千餘人生擒七十餘人據逃出難民供稱賊有他竄之勢是夜四鼓唐先霖及紳團冒雨疾進五鼓逼近賊壘及東北兩門已聞人聲洶洶黃仁遺等遂由城南缺處登城署知縣唐先霖等繼之該逆且戰且走劉光文等由北城衝入劉興榮等繼之城賊一時俱潰或走新豐橋或晁水向西南路而竄踐死溺死者不可勝計當將新城克復殺賊二千餘人生擒八百餘人救出難民千餘人該逆旋越邱家隘入福建之建甯縣境初八日劉于濤等進剿南豐踞逆以小隊誘賊於城西伏兵伺擊斬賊甚夥初九日席寶田飭東岸各營分路並進擊賊於八都墟后竹等處賊匪敗潰追至大洋源斬其僞信天侯張在明橋背太坪堦之賊見我軍至依壘而陣遊擊魏玉彩等分左右路進剿遊擊王耀亮督戰船轟擊賊勢不支敗向水南楓嶺一路與僞天將林政揚合力以拒席寶田親統各營合擊之羣逆棄壘狂奔追至劉家灣賊斷橋而去敗賊不得入城而城賊爲戰船所扼不得東援乃出悍逆萬餘圍撲城西營壘韓進春劉于濤等奮勇迎擊賊不能支遂潰入城十一日祥宇營築壘於橋背街城賊出爭精殺營護之水師溯流而上斃賊不少十二日韓進春移兩營於偏左漸爲長圍之勢城逆出眾猛撲韓進春等率兵迎擊賊陣大亂斬賊無算追至城下而還是日劉勝祥聞林政揚尙踞城南五十里之丹陽墟復追殲其後隊該逆遂入建甯縣境席寶田以東路已固悍逆屢犯城西十四日仍統隊西渡聯絡轉營作長圍以困之上諭議政王軍機大臣等沈葆楨摺內於記名提督黃仁遺徐生德二員履歷未據開送已於明降諭旨內將該二員先行交部優敘仍著沈葆楨將該員等履歷查取開送俟南豐攻拔再行候旨加恩曾國藩所陳賊酋陳炳汶汪海洋等分道犯徽其氛甚惡雖圍攻郡城力戰卻之而侍逆大隊復由昌化踵至徽州嶺內徧地賊氛微休祁黦四城危急等情江浙軍務正當得手賊之分竄皖南江西前後踵接甚爲可慮曾國藩見已飭令鮑超全軍回援江西調石埭二營甯陽四營之兵入嶺援徽著即嚴飭各員趕緊分投援剿鮑超援江路途太遠恐落後著勢未必能繞越賊前沈葆楨所奏新城克後南豐一城尙未攻克即著沈葆楨督飭席寶田韓進春等乘此各軍雲集之時速將南豐縣城攻克以絕後股竄匪希圖入江合併之意劉典已酌帶所部啟程赴浙著沈葆楨飛催前進江西得此一軍剿賊必更得力黃仁遺等所帶係江忠義舊部此次獨力克拔新城甚爲得力並著沈葆楨相

機調遣迎探後股宵賊攔頭截擊新城餘匪與南豐分竄之賊均已由江竄走閩境建甯地方前諭左宗棠徐宗幹催調曾元福內渡之軍以資防剿此軍何日內渡該督撫等作何調度隨時奏聞仍恐由江竄閩之賊其勢過重則曾元福一軍力尚薄弱前以張運蘭之軍剿辦逆匪向稱得力諭毛鴻賓等即飭該員酌帶所部回福建臬司本任以備閩防嗣因毛鴻賓奏謂此軍未可驟離粵境復經諭令酌量調赴粵閩毗連境地駐紮俾與閩省聲息相通相機防剿見在由江竄閩之賊日多如由邵武汀州一路奔趨閩省官軍恐難堵截著毛鴻賓飭令張運蘭仍即速回本任帶領所部迎頭堵剿使賊之竄閩者不得肆行奔突即所以保完粵境並著將知府劉德謙添募楚勇酌定如何調撥豫防賊由江境竄粵之路粵東剿除各處餘匪兵力如尚不敷須行另募道員唐啟蔭見在何處該員是否得力能否籌給勇賞飭令添募西勇及楚邊各勇以資調遣之處著毛鴻賓郭嵩燾酌量辦理曾國藩本日奏片內有湖州克復賊悉由徽竄江金壇丹陽業經鮑超會同鎮揚兩軍克復常州亦有克復之信等語湖常兩郡克復左宗棠李鴻章想各奏報在途此時全局通籌李鴻章克常州後即可移軍助攻金陵以圖速拔毋令大股再行竄逸擾及他處自是第一要著如兵力有餘尚可分撥由宜深東壩入皖助剿兼防本省邊境要隘其皖南賊勢已眾惟左宗棠克湖州後將蔣益澧等各軍由浙派赴徽境所屬會同曾國藩調往之青陽石埭各營併力截剿向為捷近著該督等安速籌辦並著催令劉典之軍迅即取道江西與江省各軍規賊所向以為迎擊之師暫歸沈葆楨調遣曾國藩患病自屬實情當此事機緊切之際全在該大臣運籌決策以竟成功著賞假一箇月安心在營調理其於軍務要件仍可照常督辦金陵圍師即責成曾國荃一手經理務令拊剿土眾奮勉圖功如果克復准其失由曾國荃彭玉麟楊岳斌會銜馳奏襄樊賊勢亦眾官文等前奏鄂省勦辦未即大挫其鋒賊本有於該處聚齊回救金陵之說亦屬不可不防曾國藩所慮賊由豫皖陸路至鳳穎廬巢一帶擄船南渡之處本日已寄諭僧格林沁檄令陳國瑞之軍遇有逆捻等股由豫竄皖即自徐宿一帶移軍援剿以備不虞楊岳斌彭玉麟水師江面布置仍著曾國藩隨時籌商辦理兵部侍郎崇厚奏江浙新復郡縣請飭籌辦賑濟一摺其中所奏是否可行著曾國藩左宗棠李鴻章查覈辦理崇厚原摺均著鈔給閱看將此由六百里各諭令知之○諭前有旨令僧格林沁調派陳國瑞之軍赴豫嗣據吳棠奏請將陳國瑞一軍駐紮徐宿當經允照所請仍令聽候僧格林沁隨時調遣嗣經僧格林沁覆奏仍令暫駐徐州鎮撫屆時酌量調派茲據曾國藩奏稱漢中髮捻各匪竄至鄧州內鄉之交襄樊賊勢甚眾慮由豫皖陸路衝至鳳穎廬巢一帶擄船南渡圖解金陵之圍等語皖北防剿各軍節經官文曾國藩移調湖北皖南見存皖北各營兵力已不甚厚金陵功在垂成漢中髮逆人數

蓉不日即可到省著即查明具奏鄂縣距省甚近防堵最宜嚴密張集馨見已咨明穆圖善撥兵進剿著多隆阿即飭令穆
 圖善迅速籌兵馳往遏截毋令延入腹地並著劉琴飭令該縣多集鄉團固守要隘以固省城門戶川兵見在濠溝西峪溝
 等處兜剿若再得一軍進峪夾擊則此股可期殄滅著劉琴迅即撥兵與穆圖善所撥兵勇前後夾攻將該匪全股掃除毋
 得縱令他竄省城既有奸細徐殿揚冒充職官洩迹城內則防守稽查宜慎密張集馨務當隨同劉琴妥籌布置不可稍
 涉大意隴州同匪前已據多隆阿張集馨報肅清何以此時馬鹿鎮等處又有逆回屯踞陶茂林一軍見與雷正綰合攻
 平涼疊獲大勝逆首木三已為雷正綰兵勇生擒若陶茂林所部不返隴州則平涼郡城指日可復甯夏滿城亦可進籌援
 應曹克忠見已由雨亭拔營前往隴州劉蓉即到省亦可酌撥所部將士分防鄂縣城池及勞峪口一帶俾穆圖善等軍
 移剿汧隴並峽口等處回匪以通甘省糧路著多隆阿穆圖善劉蓉與雷正綰斟酌情形會商籌辦雷正綰所需餉銀五千
 兩並軍火器械等項即著張集馨與林壽圖等設法妥籌源源接濟毋令稍有缺乏山陽商南鎮安各踞賊雖已東竄難保
 不復行折回盧氏之木陽關瓦穴皆與商南各隘口相連即著多隆阿劉蓉嚴飭在防文武嚴密防堵整屋營中將士仍著
 多隆阿飭令穆圖善整齊約束以肅營規將此由六百里諭知多隆阿穆圖善雷正綰劉蓉並傳諭張集馨知之○論張凱
 嵩奏圍攻貴縣賊巢擊退援賊見籌進取情形陽春客匪擬竄西省楊廷桂一軍援剿黔匪各摺片貴縣黃逆踞伏平天寨
 抗拒全軍經劉坤一等設法圍攻殲滅援賊購覓內應直倡該寨而營逆勢益形窮蹙著張凱嵩督飭各軍乘此聲威直搗
 堅巢務將該寨迅圖克復以竟全功陽春縣屬客匪經東省官軍擊敗見擬逃竄西省陽春毗連信宜西省容岑兩縣緊與
 信宜接壤不可不豫為之防著張凱嵩檄飭西省毗境文武督率兵練嚴密防守並飭令蔣澤春確探賊蹤迎頭截剿並聯
 絡東省官軍兩面夾擊以圖聚殲黔省匪徒廖萬服楊通朝等率黨千餘竄越西林之潞城地方著張凱嵩即飭知府吳其
 達激勵紳團實力勦辦並著勞崇光張亮基嚴飭該地方文武跟蹤緊躡以期迅殄逆氛黔省賊匪勾結李逆併股圖擾省
 垣其入寨之賊竄入獨山之霸街八蒙一帶又進踞紀賴秀寨等處該處一由獨山可達南丹土州一由荔波可達思恩楊
 廷桂見已進軍荔波黃仲慶亦折回獨山分路進攻著張凱嵩即飭該員等先將李七一股殲除仍視黔省緩急情形相機
 援剿並著勞崇光張亮基檄令本省各軍與粵西派出官軍聯絡督援次第剿除毋令匪蹤益形滋蔓將此由六百里各諭
 令知之○甲戌諭議政王軍機大臣等慶昫奏接奉寺諭行知阿拉善旗就近接濟及近日防守情形一摺另片奏遵旨將
 佛爾果椿正法援兵漸近賊勢漸蹙等語阿拉善旗見撥粟米一百石銀二千兩陸續運濟省城前撥小麥及山西撥解協

餉餉可解到著慶均安派兵舟楫路迎提以濟眉並著嚴催代辦提督梁生嶽催集兵勇移營納家牖先分賊勢且可進
府城迤南各鄉堡糧路仍設法勸諭沿山一帶神富捐輸以固兵食而保危城訥欽一軍見已行抵何處並著慶均等迎探
催令迅速進兵務須內外夾擊免致日久懈生或生他變城上防軍雖尚得力殲賊並不能多賊未大創該匪故作進退相
持之狀恐是誘敵之計城外焚掠愈甚則城內之糧草更難且恐各路解濟爲賊所截不可不慮該將軍等惟當慎守待援
多發偵探毋恃賊之不攻遂謂可以大意也將此由五百里諭令知之○丙子諭議政王軍機大臣等前因閩省防務喫緊
並江西賊匪闖入閩省光澤等處疊經諭令左宗棠徐宗幹催令總兵曾元福由臺灣內渡茲據左宗棠等奏稱臺屬彰
化斗六等處搜捕善後事宜均須籌辦曾元福在臺年久爲紳民素所信服應留臺郡並委總兵曾元福署理水師提督
一摺福建水師提督著曾元福署理所遺臺灣鎮總兵著曾元福署理見在江西新城克復南豐疊獲勝仗該二處賊匪
陸續竄越閩省之建甯一帶地方黨與眾多必須厚集兵力方足以資堵剿曾元福既留臺郡著左宗棠徐宗幹即速催
令曾元福督率所部將士趕緊內渡馳赴建甯一帶相機進剿昨據曾國藩奏稱僞侍逆大隊由昌化竄擾徽郡並有湖
州克復後侍堵輔三逆悉數由徽竄江等語湖州郡城於何日克復左宗棠此時諒已奏報在途見在浙境是否一律肅
清著即迅速奏聞唐義訓毛有銘兩軍在徽郡剿賊竟至大挫徽休祁夥四城岌岌難保前經諭令左宗棠於湖州克復
將蔣益澧各軍由浙派赴徽境惟此時皖南賊蹤遍地非厚集兵力不足以殄寇氛該督前奏有逆眾他竄當督飭各軍
出境追剿務將此股肅清之語著即調集各路兵勇馳往徽郡會合曾國藩見調之青陽石埭等營聯絡夾攻務將該逆
就地殲除不可再任紛竄他處左宗棠既以追剿湖郡竄賊自任自當不分畛域與皖南各軍併力齊心同殲醜類毋稍
遲延所有浙界防務仍著左宗棠飭令王開琳劉清亮等軍嚴密堵遏毋令賊蹤再行入浙繞竄江西是爲至要將此由
六百里各諭令知之○諭都興阿見在由京啟程前赴歸綏原令即在歸綏辦該處防務本日訥欽奏報馳抵定邊偵探
回匪情形因續調直晉兩省官兵尙未到齊署總兵趙延熈定邊招募勇丁亦未募足均須催調並候多隆阿馬隊到營方
能籌畫進攻靈州並有自卸署直隸提督篆務一切深恐呼應不靈等語馬化澂逆燄鴟張甯夏滿城特接孔亟日前雷正
綰奏到進兵已偏平涼可期得手甯靈一路尤須從定邊及早進兵期與雷正綰等軍夾擊之效都興阿老於兵事諳
練較深著即趕緊由京啟程直赴定邊接統訥欽所部各軍速籌進攻甯靈一路該將軍到後即行傳諭訥欽回駐歸綏會
同德勒克多爾濟籌辦歸綏防務訥欽所部兵勇見有七千餘名著該將軍酌量如兵力已敷可酌撥千餘名交訥欽帶往

歸後以資守禦都興阿行抵定邊續調直晉官兵定可到齊趙延煊勇丁募足成軍堪資嚮導應即如何調度進兵之處著
 即迅速籌辦一面奏聞雷正綰進圖平郡屆時能否攻克該將軍應與如何聯絡進取並著妥為籌商將甘省回氛迅圖掃
 蕩以副委任將此諭令知之○丁丑沈葆楨奏新城克復後偽王宗一股蔓延於邵武府屬建甯泰甯兩縣地面去江境均
 不過百餘里南豐屢經各營力攻賊仍負隅不出臣本擬飭令精捷繼果兩營緊追偽王宗一股精殺韓字等四營猛攻甯
 豐乃後股賊匪三月初八日忽由昌化竄至績溪極為剽銳可饒可廣防不勝防遂改令精毅精捷繼果三營東馳仍以韓
 字等三營留甯南豐計此撤甯經到營而二十日陳炳汶汪海洋等逆已及德興之海口十七日李侍賢黃汶金等逆已及
 休甯之巖市江省軍務實有進退維谷之勢日祇得嚴催各軍迅速拔營探賊所向穩紮穩進飛催浙江臬司劉典江西道
 員王文瑞各統新募楚勇星夜來江其接統精捷營之總兵江忠朝已報啟程日期茲准湖南撫臣來咨復以舊傷觸發中
 止仰懇飭下湖南巡撫催令該總兵迅速醫治稍愈即行來江接統以資得力見因兵力萬分不敷祇得令席寶田添招一
 千五百人以便調遣李鴻章奏三月十九日金壇踞逆為鮑超之軍偪窮變棄城出竄二十日道員吳毓芬探知逆眾
 已抵南渡距深陽不遠恐其窺伺縣城即帶隊三百名前往察看逆眾約二三千人屯列南渡東北小山大股直自山下
 行走吳毓芬伏兵山後令武和勝等率數十人誘之賊以五百人來撲吳毓芬揮伏兵兩路衝出斃賊數十名賊即退走
 是夜復探知賊在南渡西南二三十里之小蜀山丁上橋周城鎮等處滋擾二十一日吳毓芬帶隊至離城三十里之烏
 鴉嶺遙望丁上橋西向有賊旗整隊馳勦斃數十名追過周城鎮二十五日探聞偽直王率眾約會常州西路孟河呂
 城各賊由金壇境內竄往廣德已至南渡占踞侍逆舊營三座並分屯山下各村約有萬餘人吳毓芬出賊不意自率陳
 占榜等出南渡正路吳毓芬率陳占榜列隊山上令余嘉鼈率姜全政先圍村卡該逆睡熟悉數擒斬營賊驚覺與我山
 之後是夜二更齊至吳毓芬率陳占榜列隊山上令余嘉鼈率姜全政先圍村卡該逆睡熟悉數擒斬營賊驚覺與我山
 上之軍對擊適羅義勝礮船駛至排礮並發賊棄營狂走吳毓芬令羅義勝扼守南渡陳占榜武和勝沿山搜鈔賊館自
 帶余嘉鼈追剿大股時黑夜無月賊未知虛實驚竄蹂躪死亡枕藉四鼓至招仙橋吳毓蘭列陣截擊賊沿河亂竄吳毓
 芬等由後掩殺逆眾梟水溺斃者甚眾二十六日追至丁上橋又追至周城鎮四面兜裹賊棄械就戮已刻至建平交界
 已無賊蹤途中伏屍數十里陣斬偽直王林得善偽林天安黃有才偽愚天福李六偽洞天福袁明勝等多名皆於屍身
 搜得偽印生擒廣西偽天將黃金龍訊係金田老賊偽護駕王黃金鳳之弟即行梟斬計共斃賊四五千入解散江浙被

晉雜民三四千人此次吳毓芬等以少擊眾全股殲除期辦甚爲奮勉其尤爲出力之遊擊余嘉鼐等謹先開列可否分別獎勵出自天恩又奏自常州西南門外賊壘掃除後臣即督飭劉士奇等將前攻嘉興大礮在小南門安設轟擊常勝軍礮位在大南門安設轟擊劉銘傳礮隊在北門安設轟擊夜以繼日至二十二日午刻各將城垣轟塌數十丈僞護王抵堵大南門缺口僞誌王抵堵小南門缺口僞天將費姓抵堵北門缺口拚死救護墮墮隨堵我軍屢次撲過城濠未能搶登僞誌王業經炸礮轟斃兩粵悍黨仍捨命拒守兇狡異常我軍暫行收隊休息一面飭催蘇州礮局趕製各項炸彈多備攻具剋期再舉連日城內逃出脅眾供稱護逆因丹陽被圍金壇收復我軍四面密圍無路能逃堅志死守城內米糧可支數月惟油鹽子藥久將缺乏等語查侍聽堵輔各逆見由湖州廣德分路上竄江西常州護誌二逆與丹陽僞英王叔一股本欲約會陸續併竄誠恐江蘇完善之區又受擾害爲患更大臣一至常州即督各軍奮力攻塌西南門賊營先斷竄路然後嚴密合圍以冀設法剿滅該逆亡命困聚冒死格鬪固在意中臣惟督飭各軍穩慎以圖設再轟擊不進卽長圍困之當有聚殲之日附近各城俱已收復丹陽又有馮子材富明阿派兵牽制僞英王叔雖擁眾三四萬屢敗之後終必竄走其勢似不能援常卽使來援蘇軍全力聚於一城尙可以分撥迎剿臣前商令黃翼升派淮揚水師周圍與一營赴小河口查禁接濟昨據周國興稟稱常丹交界之奔牛孟河圩塘魏村蠓蠓灣沿江一帶賊壘俱雜髮繳印乞降周國興收撫降眾一萬餘人分別遣散並畱守要隘丹陽來路已斷北路更可無虞又奏嘉興復後臣因湖州尙有餘眾踞守商令李朝斌派太湖水師在湖面梭巡防期因湖州濱湖之錢漚有賊竄踞並築石壘三座三月十六日水師往剿賊眾迎敵開礮猛轟賊漸不支我軍乘勝登岸追斬頗多卽將石壘踏毀又聞大錢口內楊渡踞賊築壘一座十九日水師以兩營登岸設伏桑林中兩營對壘轟擊賊始猶抵禦適伏兵由林中突出槍礮齊施賊遂棄壘狂奔追殺無算查蘇常各屬濱湖地界甚多湖州踞賊未除防期未可稍懈仍飭李朝斌督令各營嚴密梭巡以期周密上諭議政王軍機大臣等江西賊氛過重岌岌可危沈葆楨見以韓字等營留圍南豐而撤精銳精捷繼果三營東馳探賊所向穩紮穩擊卽著嚴飭各軍迅速拔營前赴德興一帶攔頭截剿仍一面飭韓字營等軍迅拔南豐以免後股跟蹤踵至致前股賊勢復張益形棘手此次賊以大股併犯江西其氛甚惡曾國藩前奏賊犯徽城唐義訓毛有銘兩軍竟至大挫以徽浙之軍層層布置尙不能力遏奔突此時賊已入江而待逆等復陸續上犯江右兵力單微復須除腹地賊氛豈能當此巨寇曾國藩前於句容克復後飭鮑超全軍回援江西此軍是否業已拔營著曾國藩檄令迅赴事機與江西官軍前後夾擊並飭皖南防軍將竄至

休甯之李侍賢等逆攔邀截擊以免其接踵上竄左宗棠前於桐嚴一帶已調劉清亮等軍馳往扼守而賊之由昌化入徽者絡繹而來在防各軍曾否扼期湖州克復之信亦尚未據左宗棠奏報見在湖賊悉數由徽竄江是湖城自已攻克其弊益漴等各軍能否即令馳赴徽境與皖南之軍將後股竄賊聯絡堵擊即著該督速籌辦理劉典已酌帶所部啟程王文瑞新募之勇亦由湖南籌給行賞催令趕緊料理何以至今均無入江消息著左宗棠俾世臨檄飭飛速兼程前進並由沈葆楨一面迎催飭令視賊趨重何路即由何路截期江忠朝已報啟程因舊傷觸發中止著俾世臨催令該總兵趕緊醫調稍痊即行迅速赴江接統江忠義舊部以資得力沈葆楨指內稱新城克後偽王宗一股蔓延於福建之建甯泰甯兩縣地面徐宗幹前派閩邊防軍為數崎零深恐堵期不能得力曾元福見已畱臺其曾玉明內渡之軍徐宗幹迅即催令督率所部馳赴建甯一帶痛加期洗如曾玉明年老不能得力即著左宗棠徐宗幹另選將才派往張運蘭前為毛鴻賓奏畱粵省嗣經寄諭仍飭赴閩見在閩邊喫重著毛鴻賓仍飭張運蘭速回本任迅統所部即赴建甯與曾玉明妥籌會擊不准堅畱瀛請展轉耽延貽誤大局其粵東毗連江閩各邊並著毛鴻賓郭嵩燾嚴密布置豫籌分扼以杜窺伺之路正在寄諭間據李鴻章奏溧陽官軍截期金壇竄逆全股殄除期辦甚為得手各路官軍若於敗賊紛竄均能如此期除不令善脫則賊數日滅何至殘寇復張嗣後遇有此等竄賊著李鴻章即飭各軍攔截聚殲毋令竄逸常州圍攻甚緊轟坍塌垣數處皆為偽護偽誌等逆糾眾堵護丹陽未克湖州踞賊未除曾國藩前奏丹陽湖州收復常州亦有收復之信自係傳聞之誤見在常賊米糧雖可支數月而油鹽子藥又將缺乏已成坐困李鴻章籌備攻具剋期再舉即著督飭諸軍穩慎轟擊期拔堅城仍當嚴斷竄路以免旁逸湖州既未克復而賊之大股已陸續上竄湖賊勢難堅守浙軍期辦情形見在究竟若何著左宗棠速催蔣益漴等軍乘賊勢瓦解併力攻擊以圖克復徽浙之交一面催令防軍嚴密堵遏以防敗賊踵竄如兵力不敷抑或添派數營前往與皖軍聯絡扼截之處即著左宗棠不分畛域妥速調派李朝斌太湖水師營破湖州濱湖之錢溲楊溲等處賊壘仍著李鴻章督令相機進取並於濱湖地方嚴密梭巡防其內犯蘇浙情形左宗棠李鴻章務須隨時咨會曾國藩與皖軍督息聯絡通籌大局援剿兼施是為至要將此由六百里各諭令知之○諭旨文嚴樹森奏擒逆句結縲竄棗陽出省調度總兵梁洪勝於光化縣境續獲勝仗各摺片捻逆自襄樊敗走之後復欲北竄經梁洪勝等軍擊敗竄向河南浙川之李官橋等處漢中逆股竄至鄧州新野之交適與之合乘虛闖入棗陽縣境而賊尾股仍在河內內浙鄧州等處其眾數十萬蔓延數百里逆氛頗熾其地由湖北之安麻新羅可達棗陽由河南之信羅光固可達六安到處虛賊之欲縲豫楚以

擾皖軍後路而解金陵之危計頗狡毒官文等以志保漢黃安德四府及力扼長江廣漢爲切要之圖派令周鳳山等軍分駐襄陽等處布置均爲妥協官文見在出省督師自應擇要駐紮以便居中調度惟分布各路兵力尙虞單薄前諭多隆阿等派令姜玉順等帶兵四千名由甯陝迅赴湖北交官文調遣曾否啟程卽著多隆阿穆圖善催令姜玉順星速前往官文卽飛檄迎提以厚兵力穆圖善暫署欽差大臣關防節經諭令將各軍分投調撥何以隻字未見覆奏所有前諭將蕭河清帶領之四千餘人由淮南一路會同常興阿等馬隊前赴河南歸僧格林沁調遣是否亦已派往並著飛催前進僧格林沁亦卽迎提到豫以資臂助官文等所奏賊竄情形與前日張之萬所奏略同漢中逆匪恐與張總愚陳大澂等均已勾合捻逆蠶屯蟻聚盡竄鄂疆僧格林沁由嵩縣督軍馳赴南陽與鄧新及棗陽一帶漸近賊勢一片恐非鄂軍獨力所可支僧格林沁大軍並傅振邦所帶前敵各營應與鄂軍如何聯絡前截後追著卽迅速籌辦仍遵前旨兼顧北路之防以備賊復回竄豫境張之萬前奏髮逆曾在荆子關爲李殿元等設伏邀擊繞竄內鄉何以近日復有豫軍在荆子關爲髮逆攻破之事是否前奏諱敗爲勝著該撫查明具奏並著卽與僧格林沁趕緊商定督率張曜等與傅振邦等軍分投堵剿如須越境窮追毋得遲延觀望坐失事機致干罪戾曾國藩前奏派往鄂省之李濟清萬化林二營已據官文等分派襄鄖一帶其咨商楊岳斌彭玉麟於浦口以上津渡節節布置以防賊之東援部勒諒臻嚴密此時捻逆羣黨麇集鄂境其由水路下竄圖擾皖軍後路以解金陵之危均須加意防維不可稍涉大意諒曾國藩必能籌畫萬全也陳德才等股既已攻破荆州關逼擾鄖境恐其後股尙復游衍商雒一帶多隆阿所派藍斯明等軍自應由後追躡與楚豫官軍前後夾擊藍二順逆黨尙在蜀河鄂軍憑漢堵擊僅能扼使不得東渡李雲麟前奏以專剿此賊自任此時正可與鄂軍合力痛殲若再坐失事機避賊而行又復任意枝梧該京堂自問當得何罪正在寄諭聞劉蓉奏到連日追剿曹逆疊勝見飭兜圍及赴多隆阿軍營相視情形各摺片曹逆股匪由孝義一帶入山經劉蓉飭令蕭慶高等軍派隊圍進剿賊勢已蹙惟賊尙踞文公廟老巢亟須乘此聲威搗穴擒渠毋畱餘孽多隆阿傷病猶劇殊增慮念見在派撥諸軍分道征剿事宜至關緊要劉蓉到省接篆後不准在省耽延著卽親赴多隆阿軍營會同穆圖善妥爲籌布催督各軍分投前往楚豫各路奮勇剿賊毋稍稽延如各將士有依戀主帥未忍遠離等情卽可告以多隆阿傷病就痊亦當規賊所在前往統率以慰其心劉蓉出省著卽奏聞所有省城日行事件照例飭司代辦其防禦撫輯等事宜仍著各該文武加意整飭毋許鬆懈襄鄖與陝毗連而潼商等處仍恐餘氛未靖事機均極喫緊劉蓉書無旁貸惟當妥籌調度嚴飭各路官軍正當勦力滅賊豈可安坐省垣轉形諉卸本日又據張

之萬奏報追期張總愚股匪至馬山口突遇賊匪大股截期獲勝見在分兵剿辦等情正與此諭多相符合張總愚股果與逆匪竄合其由內新唐鄧一帶疊被剿擊竄去大股即係陳德才陳大濤等全股南趨僧格林沁已抵馬山口督率蘇克金張曜等軍於赤眉城西大獲勝仗餘賊折入山陬避我馬隊著僧格林沁即飭各軍將此入山殘匪掃除以便分兵擇要堵截逆捻大股張之萬已由汝州移營南陽著即飛飭宋慶葛承霖之軍由內鄉等處跟追期與楚軍合力會剿並令連美李承先馬步各隊馳赴信陽實力堵截總當不分畛域越境追擊共殄逆氛毋得徒託空言南北賊氛本相連一氣值此游氛四合其勢雖張各路官軍亦須會合四面兜剿以期聚殲該大臣督撫等其各同心齊力以赴事機是所殷望將此由六百里各諭令知之○戊寅諭議政王軍機大臣等憚世臨奏楚師越境收復貴州古州廳城連克尤洞等處賊巢一摺據稱二月十三日周洪印戈鑑派隊焚毀尤洞賊巢賊併趨筆架山等處周洪印復會合彭炳武等連克順寨漂寨賊棄筆架山受洞巢穴遁往古州趙福元等亦先後趕到會同代理古州鎮穆雙有等直搗古城賊分門擁出官軍截殺多名遂將古州州城克復賊股遁往平江等處周洪印等派隊猛進焚毀賊寨官兵窮追因荒山小寨無處覓糧且貴州總兵金泰文尚無成軍拔營信息前途無迎剿之兵孽師跟追不及飭拔回古州相機進止等語湖南官軍屢次入黔剿賊若貴州派軍會合痛剿何難將黎平匪股盡行撲滅此股逆眾究竄何處何以未據勞崇光張亮基奏報殊不可解總兵金泰文見在何處何以日久未見該營赴防著該督撫催令迅速赴任責令將竄匪悉數殄除如再遷延觀望或致賊眾竄擾完善地方即著從嚴參辦以肅戎行俾世臨仍飭撥黔各軍酌度前進會同黔軍將此股匪徒全數殄燬無任回竄包毛仙一股句合多人屯聚孟溪頭坡距松桃城止五六十里又有黃號教匪任五等各股在松桃印江交界之天馬寺一帶滋擾伍雲召圍貴東道於石梁黨眾盈萬知府陳昌運撥練勇馳援留否得手所圍貴東道係屬何人包伍等逆數均不少何以均未據勞崇光等馳奏著將黔省賊氛並見辦情形據實查奏毋再遲延髮逆及余唐等匪擾及荔波三洞粵軍副將楊廷桂赴荔波搜剿俾世臨即飭周洪印戈鑑等與之聯絡會剿此股量不難悉數蕩平將來黎古肅清援軍應赴何處協剿仍著不分畛域出境追剿以固邊防江西防剿十分喫重王文瑞劉典兩軍已募齊勇丁陸續入江著俾世臨即催令帶勇迅速前進毋稍延緩江忠朝因病尚未啟程而江忠義舊部需人統帶該撫仍遵前旨催令力疾啟程赴江以期得力湘省東路各邊仍照舊布置如兵力尙單即調回趙福元等軍力顧東防保全大局以副委任將此由六百里各諭令知之○諭俾世臨奏遵催田興恕赴川並添派知縣呂鳳藻馳赴鎮守會同川省委員押解前進等語田興恕押解入川據俾世臨前奏本有二月二十

六日啟程之說何以至今尙無就道確期當此事有轉圜之際豈容該革員遲延不前致生枝節俾世臨務當恪遵前旨迅飭胡鑄等催令田興恕刻日啟身並飭呂鳳藻會同四川委員姚寶銘押解前進儻敢再有稽延必惟憚世臨是問駱秉章仍當派員迎提將田興恕在川羈禁一面馳奏一面飛咨黔省迅速查辦勞崇光張亮基於田興恕到川後即將教民一案趕緊審辦奏結事關中外大局想該將軍督撫等自能恪遵迅辦也將此由六百里各諭令知之○諭前因勞崇光奏賈洪詔委新選維州協副將尙阿布署昭通鎮篆恐於滇省情形未能熟悉請仍令楊盛宗署理當經降旨允准並諭令嗣後滇省委署鎮將以下各缺卽著勞崇光斟酌辦理其文職各員該督撫仍當和衷商榷會同委署茲據賈洪詔奏用兵之道事權宜一見當籌議進兵如以勞崇光身任總督統兵是其專責請飭迅速由黔籌辦儻勞崇光未能兼顧請明降諭旨交賈洪詔專辦其武職提鎮等官均歸調遣等語覽其所奏似不以勞崇光委楊盛宗兼護昭通鎮爲然殊屬非是各省武職凡總督駐紮省分向由總督專政賈洪詔豈不知之勞崇光以尙阿布係部選人員恐人地未宜仍委楊盛宗署理亦係因公起見賈洪詔何得因撤退尙阿布遂以事多牽制意抱不平且黔省兵餉兩絀匪徒充斥勦辦尙無從著手賈洪詔請令勞崇光由黔督兵赴滇明知事不能行故爲此奏不免意存嘗試該撫甫膺疆寄輒悻悻自好動與總督齟齬將何以副朝廷委任賈洪詔著懷遵前旨迅卽馳赴昭通駐紮督同臬司劉嶽昭及地方文武將勦匪事宜次第籌辦毋得安坐成都遷延觀望於滇省軍務僅憑地方官稟報一奏塞責且據該撫另片奏參將梁士美會同夏家疇等分攻思普破賊寨七八處見在出示招徠漢人以孤賊勢已飭隨營藩司儘力撥發經費以資接濟其出力各員俟到滇後詳查另奏等語是賈洪詔亦以梁士美等所稟打仗情形未可盡信更當速赴滇境俾將士有所稟承而所撥餉需庶可功歸實用較之千餘里外徒事遙制者當有裨益並著勞崇光將奉旨交查之件迅速催辦完案一俟奏結後卽遵前旨前赴昭通一帶與賈洪詔將進止機宜妥籌熟計期於萬全無失勞崇光久任封疆深於閱歷如賈洪詔用人調兵各事確有所見該督仍當虛懷採錄以收集思廣益之效斷不可豫有成見貽誤事機將此由五百里各諭令知之○己卯諭議政王軍機大臣等富明阿奏水師擊退沿江竄賊及揚軍進攻丹陽連日獲勝並遣散降眾情形一摺另片奏請調臨淮馬隊來揚等語僞英王叔負固丹陽意在與金陵富州相爲犄角牽掣我軍而句容金壇餘黨及常州西門擊敗悍賊五六千人屯聚於斗城東南門外並據降賊頭目等供將來金陵常州如實不能支持亦必竊聚丹陽併力出竄是丹陽一城爲該逆必爭之地富明阿請令鮑超會兵攻取丹陽策亦頗善惟因侍堵各逆由皖南上竄江西前經曾國藩奏請令鮑超一軍上援江西已允其請是鮑超之軍不獨不能助攻丹陽並

不能固守東壩仍著富明阿馮子材督飭詹啟綸等就見有兵力實力攻拔不准耽延並不准任賊出竄蹂躪他處劉巷木橋等處降眾富明阿等捐廉資遣設局辦理飭令該委員等實心經理不得有名無實臨淮馬隊無多前經喬松年奏請遣撤更換當諭以吉林等處官兵調出已多不能再調如須添兵可於附近軍營酌商奏調是臨淮見存馬隊不甚得力已可槩見若調赴揚營則該處更形空虛見在楚豫賊匪圍犯皖疆以援金陵不可全無備豫除富明阿本日所請如有警信南渡之軍尚須酌撤回揚准其照辦外陳國瑞見已銷假前據吳棠奏令其駐紮徐宿著僧格林沁酌量將該提督一軍調赴臨淮一帶扼要駐紮以備不虞如楚豫賊匪有竄近皖疆之信即可飛調陳國瑞一軍截剿並遵照疊次諭旨催提陝西所撥之常星阿等馬步各隊迅速赴豫一俟到營即酌撥馬隊數百名赴皖交喬松年調遣以防賊匪下竄喬松年即可騰出克蒙額所統馬隊全數赴揚歸富明阿調遣以資得力將此由六百里各諭令知之○增設江甯駐防協領二佐領防禦各四經制筆帖式候補筆帖式各三○予江蘇陣亡參將李慶圖祭葬世職○予四川殉難知縣石文卓祭葬世職建祠生員陳廷銓等附祀○辛巳諭內閣左宗棠奏覈減紹興府屬洋收錢糧一摺浙東各屬錢糧以紹興徵數為最多而浮收之弊亦最甚經左宗棠查明覈減除正耗仍照常徵解外共減去錢二十二萬有奇米三百六十餘石民困諒可稍蘇即著照所議辦理嗣後並著為定章永遠遵行其地方官吏尤當潔己奉公剔除積習儻敢陽奉陰違添設名目格外需索及大戶不遵定章完納者即著該督撫嚴實查參懲辦以重國賦而恤民瘼○左宗棠奏自武康德清石門三縣克復後各賊酋擁眾十餘萬由安吉孝豐上竄偽堵王黃汶金偽祐王李遠繼偽輔王楊輔青仍堅踞湖州臣當飭蔣益澧派軍進攻湖州飭楊昌濟督各營進駐武康飭分水嚴州洶遂各處守軍相機截剿三月初九初十等日該逆陸續竄至昌化縣境前股已超績溪十一日駐防分水副將劉明珍率所部四營前赴昌化攔擊兼理昌化縣事署分水縣知縣邵杜亦率鄉團助剿將其後隊截殺六七百名生擒悍賊百餘名十二日劉明珍復率各營追至白牛橋搜殺粵賊二百餘名遣散者四五百名侍逆李侍賢及各逆繞由昌化十都過老竺嶺悉向安徽績溪竄去復由開道走歙西之嚴寺塢墩以竄屯溪其聽逆及偽濂王汪海洋等逆走歙縣之水南村分路向南源口深渡過河折竄浙境十五日徑趨小川希圖分犯洶遂十七日駐防遂安總兵王開琳令王福昌一營嚴守雪嶺黃蔚村自率親兵並龔隆貴等三營由黃蔚村進丁長勝等三營並水師後營師船由威坪街口沿河直上行近小川該逆出隊夾撲官軍奮擊賊退踞石橋官軍乘勢急進衝過橋北丁長勝等各隊繼至師船遙於河中轟擊斃賊六七百名賊敗走一向深渡一向小川裹山而遁王開琳應兵趕殺約追七八里賊復回拒羅瑞山等沿山圍剿而上賊始大敗爭向山谷狂奔自相踐踏死者無

數其向深渡逃竄一股亦經龔隆貴等截殺四百餘名落河溺斃者無算餘賊悉敗竄屯溪是役殺賊二千餘名生擒百餘名踏斃溺斃者倍之其湖北一路自初八日高連陞進剿獲勝後羣賊皆退聚菱湖東村山茅菁山一帶築壘復於西北之長興及四安梅溪安吉等處連營數十里臣當飭劉連陞水師各營駛赴德清飭蔣益澧分撥高連陞各軍由德清進規湖郡西南劉樹元各營由石門進規湖郡東南三十四等日劉連陞等各率師船進攻菱湖破賊一卡蔡元吉復率軍進駐靈山高連陞等率軍進駐棲溪二十二日湖郡之賊分路來撲高連陞等營壘各軍擊敗斬殺數百名賊潛竄洛舍亦經高連陞等擊退見在浙江一省惟餘湖州一城及長興安吉兩城未卽克復賊數雖多然形勢漸蹙尚可緩圖惟蘇皖餘逆李侍賢等與杭城餘杭漏出首逆陳炳汶汪洋竄入皖境決意竄擾江西必須節節截剿豫爲戒備臣於杭餘等城克復後卽飭黃少春等嚴密準備並催調劉明鑑等各營馳赴嚴衢各要隘以厚兵力乃各軍甫抵嚴州而賊已竄至徽境進竄屯溪鎮旋又竄至婺源之江灣汪口等處距江西之德興樂平不遠臣方飭王開琳由馬金街出大鋪嶺以趨婺源之南戴奉聘等三營由萃埠出德興之東截之忽接黃少春飛報聽逆汪逆前股擊退退回屯溪後復翻白際嶺折竄遂安昏口楊村一帶黃少春已帶所部馬步各營與王開琳一軍出楊村橫擊之魏喻義等急馳赴馬金街與黃少春所派黃元吉李良平兩營合隊爲迎頭截擊之兵臣已飭劉清亮一軍速赴馬金街尙未知能否趕在賊前昨接署浙江臬司劉典來稟知新募之軍四月初旬始可由湖南啟行道員王德榜回湘續募兩營已抵廣信臣擬俟此股竄賊剿除後卽飭王開琳王德榜戴奉聘各軍赴江西與劉典會合其黃少春劉清亮兩軍則仍應留防清遂侯湖州賊蹤稍定乃可他調蓋皖南之廣德州甯國縣績溪縣一路空虛湖州之賊以長興安吉爲出路一舉足卽入徽境不由此竄江西必由清遂竄江西未可任其衝突也上諭議政王軍機大臣等左宗棠所奏李侍賢與陳炳汶汪洋等賊竄至皖南圖擾江西與節次曾國藩沈葆楨所奏大略相同而左宗棠此次奏稱於昌化小川深渡截剿疊有殲戮餘賊竄向小川裏山及由深渡悉竄屯溪當是皖南池東一帶情形曾國藩前奏皖南賊勢甚眾唐義訓毛有銘兩軍均有挫失祁夥休委岌岌堪虞當是皖南池西各境逆氛更肆左宗棠所派王開琳等軍由馬金街出嶺以截賊於婺源之南德興之東又因汪逆折竄浙境遂安一帶勢不能不同軍合隊迎頭截擊其所續派劉清亮之軍赴馬金街若能趕到賊前速與諸軍併力截剿將濼逆此股就地殲除則由皖竄江之賊勢又稍輕卽飭王開琳王德榜等各軍速赴江西會同劉典之軍助剿江境之賊其黃少春劉清亮兩軍自應留防遂安等境俟湖賊剿平賊蹤稍定乃可移動惟皖南池東之廣德甯國以至績溪一路空虛不但蘇境餘賊全由此路竄走卽湖州之賊以長興

安吉爲出路亦可由此竄徽以入江境毛有銘等近日軍威是否重整堪資截擊丹陽尚未即克鮑超一軍赴援江西曾否啟行著曾國藩將皖南徽甯一路之防加意布置嚴督諸軍節節截剿但能剿滅一賊即少貽江境一賊之患湖州官軍漸次合圍著左宗棠督飭高連陞等軍迅圖攻克浙省惟餘此城及安長兩邑未復並著速行掃蕩全清浙境李鴻章派赴助攻湖郡各軍前奏破賊錢淩著即飭令乘勝會合浙軍併力攻擣以資得力江西南豐一城曾否攻克著沈葆楨嚴飭席寶田等各軍實力進攻所派精捷等營東馳前赴德興一帶攔截皖南續竄賊股並著飭令會合皖浙諸軍前截後追其收夾擊之效其劉典王文瑞兩軍並遵前旨催提星速來江以憑調遣該撫前奏又有飭令席寶田添招二千五百人此項新軍係由何處召募見在曾否招齊作何布置並由江甯閩之賊有無續往兵力能否支持均著隨時馳奏將此由六百里各諭令知之○諭昨據惲世臨奏楚師收復古州廳城克復尤洞等處賊孽惟貴州總兵金泰文尙無成軍消息粵軍亦尙未入黔前途無迎剿之兵其勢必將不及各等語當經諭令勞崇光張亮基迅催金泰文赴防剿匪茲據勞崇光等奏黎平髮逆經官軍擊敗後竄至古州平江地方焚掠洋洞一帶亟須迅圖兜剿免與苗匪土匪句結等語似係尙未知楚軍收復古州之信著勞崇光張亮基迅飭總兵金泰文馳赴防所會同湖南粵西兩省援軍嚴密勦洗分路堵遏將該逆逼入古境爲一鼓聚殲之計毋令匪蹤旁竄致官軍著落後徒事尾追如金泰文遲延不進即著勞崇光等嚴參懲辦昨據惲世臨奏楊廷桂已抵荔波飛飭周洪印戈鑑彭炳武等探蹤前進與廣西之軍聯絡會合著勞崇光張亮基惲世臨即檄令周洪印一軍仍於黎平古州一帶會合貴州派出之梁成珍等軍聯絡搜剿迅殄逆氛張凱嵩派援黔省之副將楊廷桂一軍據奏業已師次羅城本可直趨黎平惟髮逆見竄古州周洪印楚軍已由黎平前進若粵師亦由此道進剿則大兵皆萃於東路西路未免空虛該逆伺隙蹈瑕銳意西竄恐由獨山荔波逸入定番廣順一帶即可窺伺省城且該處毗連思恩河池等處粵省亦有防不勝防之患著勞崇光張亮基張凱嵩檄飭楊廷桂所部由思恩一路赴黔在獨山荔波一帶扼要駐紮與黔楚各軍兩面夾攻迅殲醜類興義克復賊首張喙三率死黨竄併新城著勞崇光張亮基飭令官軍乘勝跟追殲除首惡務絕根株將此出入百里各諭令知之○癸未召龔自閩來京以裕麟爲貴州布政使承齡爲貴州按察使由糧儲○甲申李鴻章奏官軍合圍常州自三月二十二日轟塌城垣臣與諸將日夜派隊嚴守缺口適連旬陰雨該逆每黑夜冒雨偷築塌處弁勇時以槍箭防護壘賊甚多四月初三日各項炸彈配齊臣添調劉士奇王永勝所部全隊赴常州令戈登礮隊仍攻南門劉士奇等礮隊移攻東南角又於城濠外豫築長牆百數十丈使兵勇有所護身礮位可以移近部署既定臣與李鶴章

頭守賊知覺自初更至天明槍礮不撤且互有傷亡如是三四夜而浮橋已成六道初五日雨稍止臣即令戈登王永勝劉銘傳等開礮轟擊至初六日午刻戈登仍將南門舊缺口轟塌數十丈劉銘傳仍將北門舊缺口轟塌十餘丈劉士奇王永勝督同管帶礮隊都司劉玉龍將東南角亦轟塌十餘丈黃翼升督派各營水師分門對轟城賊死力堵拒墮塌隨墮經我軍礮斃槍斃甚夥無處立足臣見機有可乘未刻傳令各軍大隊同時由缺口齊上郭松林等分路突衝而上受傷多人其南門缺口後隊稍卻郭松林橫刀亂砍一擁直前劉士奇王永勝催隊愈急頃刻間我軍旗幟布滿城頭戈登督常勝軍槍礮繼進忽護逆率兩廣悍賊數千拌死由水北門來撲王永勝劉士奇由東門循城迎擊張樹聲乘勢督三營搶上東城會合兜剿賊漸不支而北門守賊仍與劉銘傳所部拌死拒圍劉銘傳率所部猛力撲進遂將護逆一大股擊入街心王永勝劉士奇劉銘傳張樹聲節節追剿賊亦節節回撲沿衢塞巷屍血狼藉追至偽護王府該逆仍率死黨紮立石卡以槍礮對擊我軍圍之數重副將龔生陽衝入賊隊生擒偽護王陳坤書遊擊朱雲龍生擒偽佐王黃和錦賊眾奔潰殲戮靡遺郭松林劉士奇等見城內人眾不可勝誅傳令伏地棄械者免死於是男女老幼跪降者六七萬有餘郭松林戈登等由南門沿城追剿偽列王費天將帶賊六七千人由小南門蠡擁撲來又戰十數合忽前忽卻周壽昌等大呼陷陣周盛波王東華等由缺口進合力堵擊該逆前後受敵猶亡命猛衝其絕落城下數百人經周盛傳等截剿淨盡大股繞城亂走亦經各軍追殺內有廣東悍逆數百埋伏僻巷持矛格鬪儘數斬之周盛波所部生擒費天將捆送正法自未刻登城巷戰直至酉末始將賊眾全股殄殺無得脫者遂克復常州府城當將偽護王陳坤書凌遲處死臬司常州東門外以洩眾忿查常州爲護逆分地暫從最多荼毒最甚臣沿途察看百數十里內村市平毀農田全荒白骨荆榛絕無居人即從此招徠撫恤一二年內農商斷難復業臣惟有亟爲休養冀慰宸廑此次攻克常州除臣弟李鶴章無功可錄不敢仰邀獎敘外所有尤爲出力之統將提督劉銘傳屢卻大敵福山鎮總兵郭松林提督王永勝劉士奇均首先登城不避矢石可否請旨酌加優獎准揚鎮總兵黃翼升勞苦功多可否請旨交部從優議敘其勞績尤著之將佐文武先行開列請獎以昭激勸其餘應獎應卹員弁兵勇容俟查明專案奏辦上諭內閣李鴻章奏官軍攻克常州府城生擒首逆全股撲滅一摺此次李鴻章親督各軍痛殲巨股克拔堅城實屬謀勇兼全深堪嘉尚著加恩賞給騎都尉世職道員李鶴章遇缺提奏提督劉銘傳記名提督郭松林王永勝儘先提奏提督劉士奇俱能親冒矢石奮勇爭先均著賞穿黃馬褂以旌勞勩遇缺提奏提督黃翼升著交部從優議敘權受江蘇

省總兵戈登帶隊助勦疊著戰功此次協同攻克常州尤爲出力善賞加提督銜並著照李鴻章所請頒給旗幟功牌以示優異仍俟將所部常勝軍部署妥協再由李鴻章奏請嘉獎○馮子材魁玉奏鎮揚官軍圍攻丹陽四月初八日酉刻張文德派副將楊青山等分路梯攻西南兩門另派軍功蔣湧源等管帶各起降勇隨同進剿副將林從太等統帶各營馬隊截殺潰匪鄉團練勇豫備包鈔布置既定張文德直抵城下令諸軍賈勇先登該逆憑巢抗拒官軍前隊受傷數十人楊青山等奮不顧身指揮將士從礮火中填壕而進將城上更樓哨臺轟毀數處守塚之賊殲殪無數官軍斬開直入時詹啟綸所部亦由東北兩門合力圍攻逆勢大潰揚鎮兩軍四面截殺斃賊近萬生擒一千二百餘名卽於是日亥刻克復丹陽縣城其西南各門附近賊巢數十處一律焚毀殲斃甚多在事鎮將尉昌矢石著有微勞合無仰懇 天恩先行獎勵其餘出力文武官弁兵勇容臣等擇尤保奏 上諭議政王軍機大臣等李鴻章奏克復常州府城馮子材魁玉奏克復丹陽縣城各一摺賊首陳坤書聚黨負隅與金陵賊窟爲犄角李鴻章督軍苦戰克復郡城竟將賊首生擒就戮全股殄滅無一漏網江南大局得以漸定所辦至爲周妥覓在丹陽亦已克復雖據馮子材等奏稱斬擒不少恐竄出之賊尚多且未將賊竄往何路明晰聲敘丹陽城中悍賊甚眾若任其奔突又將貽患他處覓在賊股竄往皖南江西等處者其勢已重尤當防其陸續竄往合併著李鴻章卽飭劉銘傳等迎探賊蹤攔頭截擊並著富明阿馮子材等嚴飭揚鎮各軍奮力追剿丹陽賊與劉銘傳等軍前後夾擊務將餘股全數殄除毋得以克復丹城遂置竄賊於不顧曾國藩調鮑超一軍赴援江西而令李鴻章酌撥勁旅接防東壩東壩爲賊竄要道該撫以丹陽未克先令提督周盛波等八營由溧陽進紮南渡與東壩聯絡截剿此時丹陽已克北路防鬆是否卽可調派各軍進紮東壩二溧一帶以便騰出鮑超一軍及早援江抑將丹陽出竄之賊剿滅淨盡再行調派著曾國藩李鴻章會商妥籌相機辦理戈登帶隊協剿常州之賊甚爲出力該撫所奏前項賞銀一萬兩戈登不肯收領擬仍作遣散洋弁經費固係爲要好起見覓在常州攻克該洋人肯先行遣散卽著李鴻章飭令丁日昌李恆嵩等與戈登妥爲辦理一俟辦有就緒卽將如何再行嘉獎戈登之處迅速奏聞另片奏遵撥輪船經費充軍餉等語此項輪船經費據赫德所稱見時所存止能起解十五萬兩左右餘款須俟該稅務司回滬查覈辦理卽著李鴻章飭將見存銀款迅卽繳解曾國藩軍營仍令轉催閩粵各關陸續撥解及將江海關欠撥之款飭令開道設法分起湊解並著曾國藩隨時提催以資散放而勵軍心正在寄諭聞富明阿奏到克復丹陽一摺與馮子材等奏大略相同摺內所奏僞英王叔身受重傷先期逃往常州等語未知獲賊所供是否確實仍著富明阿馮子材查明首逆如尙在逃務須檢戮毋任漏網降賊人等尤須設法妥爲安插遣散以絕後患毋稍大意將此

論督查勘郭松林劉士奇等各於長牆下開一深溝暗通城河可容二三千人夜間密派弁勇由溝內出搭浮橋屢被城頭守賊知覺自初更至天明槍礮不撤且互有傷亡如是三四夜而浮橋已成六道初五日雨稍止臣即令戈登王永勝劉銘傳等開礮轟擊至初六日午刻戈登仍將南門舊缺口轟塌數十丈劉銘傳仍將北門舊缺口轟塌十餘丈劉士奇王永勝督同管帶礮隊都司劉玉龍將東南角亦轟塌十餘丈黃翼升督派各營水師分門對轟城賊死力堵拒墮塌隨墮經我軍礮斃槍斃甚夥無處立足臣見機有可乘未刻傳令各軍大隊同時由缺口齊上郭松林等分路突衝而上受傷多人其南門缺口後隊稍卻郭松林橫刀亂砍一擁直前劉士奇王永勝劉士奇由東門循城迎擊張樹聲乘勢督三營槍上東城會礮繼進忽護逆率兩廣悍賊數千拌死由水北門來撲王永勝劉士奇由東門循城迎擊張樹聲乘勢督三營槍上東城會合兜剿賊漸不支而北門守賊仍與劉銘傳所部拌死拒關劉銘傳率所部猛力撲進遂將護逆一大股擊入街心王永勝劉士奇劉銘傳張樹聲節追剿賊亦節節回撲沿衢塞巷屍血狼藉追至偽護王府該逆仍率死黨紮立石卡以槍礮對擊我軍圍之數重副將龔生陽衝入賊隊生擒偽護王陳坤書遊擊宋雲龍生擒偽佐王黃和錦賊眾奔潰殲戮靡遺郭松林劉士奇等見城內人眾不可勝誅傳令伏地棄械者免死於是男女老幼跪降者六七萬有餘郭松林戈登等由南門沿城追剿偽列王費天將帶賊六七千人由小南門竄擁撲來又戰十數合忽前忽卻周壽昌等大呼陷陣周盛波王東華等由缺口進合力堵擊該逆前後受敵猶亡命猛衝其絕落城下數百人經周盛傳等截剿淨盡大股繞城亂走亦經各軍追殺內有廣東悍逆數百埋伏僻巷持矛格鬪儘數斬之周盛波所部生擒費天將捆送正法自未刻登城巷戰直至臣未始將賊眾全股擒殺無得脫者遂克復常州府城當將偽護王陳坤書凌遲處死臣示常州東門外以洩眾忿查常州為護逆分地曾從最多荼毒最甚臣沿途察看百數十里內村市平毀農田全荒白骨荆棘絕無居人即從此招徠撫恤一二年內農商斷難復業臣惟有亟為休養冀慰宸廑此次攻克常州除臣弟李鶴章無功可錄不敢仰邀獎敘外所有尤為出力之統將提督劉銘傳屢卻大敵福山鎮總兵郭松林提督王永勝劉士奇均首先登城不避矢石可否請旨酌加優獎准揚鎮總兵黃翼升勞苦功多可否請旨交部從優議敘其勞績尤著之將佐文武先行開列請獎以昭激勸其餘應獎應卹員弁兵勇容俟查明專案奏辦上諭內閣李鴻章奏官軍攻克常州府城生擒首逆全股撲滅一摺此次李鴻章親督各軍痛殲巨股克拔堅城實屬謀勇兼全深堪嘉尚著加恩賞給騎都尉世職道員李鶴章遇缺提奏提督劉銘傳記名提督郭松林王永勝儘先提奏提督劉士奇俱能親冒矢石奮勇爭先均著賞穿黃馬褂以旌勞勩遇缺提奏提督黃翼升著交部從優議敘權受江蘇

省總兵戈登帶隊助剿疊著戰功此次協同攻克常州尤爲出力著賞加提督銜並著照李鴻章所請頒給旗幟功牌以示優異仍俟將所部常勝軍部署妥協再由李鴻章奏請嘉獎○馮子材魁玉奏鎮揚官軍圍攻丹陽四月初八日酉刻張文德派副將楊青山等分路梯攻西南兩門另派軍功蔣湧源等管帶各起降勇隨同進剿副將林從太等統帶各營馬隊截殺潰匪鄉團練勇豫備包鈔布置既定張文德直抵城下令諸軍賈勇先登該逆憑巢抗拒官軍前隊受傷數十人楊青山等奮不顧身指揮將士從礮火中填濠而進將城上更樓哨臺轟毀數處守塚之賊殲殲無數官軍斬開直入時詹啟綸所部亦由東北兩門合力圍攻逆勢大潰揚鎮兩軍四面截殺斃賊近萬生擒一千二百餘名卽於是日亥刻克復丹陽縣城其西南各門附近賊巢數十處一律焚毀殲斃甚多有事鎮將躬冒矢石著有微勞合無仰懇 天恩先行獎勵其餘出力文武官弁兵勇容等擇尤保奏 上諭議政王軍機大臣等李鴻章奏克復常州府城馮子材魁玉奏克復丹陽縣城各一摺賊首陳坤書聚黨負嵎與金陵賊窟爲犄角李鴻章督軍苦戰克復郡城將賊首生擒就戮全股殲滅無一漏網江南大局得以漸定所辦至爲周妥見在丹陽亦已克復雖據馮子材等奏稱斬擒不少恐竄出之賊尚多且未將賊竄往何路明晰聲敘丹陽城中悍賊甚眾若任其奔突又將貽患他處見在賊股竄往皖南江西等處者其勢已重尤當防其陸續竄往合併著李鴻章卽飭劉銘傳等迎探賊蹤攔頭截擊並著富明阿馮子材等嚴飭揚鎮各軍奮力追剿丹陽賊與劉銘傳等軍前後夾擊務將餘股全數殄除毋得以克復丹陽遂置竄賊於不顧曾國藩調鮑超一軍赴援江西而令李鴻章酌撥勁旅接防東壩東壩爲賊竄要道該撫以丹陽未克先令提督周盛波等入營由溧陽進紮南渡與東壩聯絡截剿此時丹陽已克北路防鬆是否卽可調派各軍進紮東壩一帶以便騰出鮑超一軍及早援江祁將丹陽出竄之賊剿滅淨盡再行調派著曾國藩李鴻章會商妥籌相機辦理戈登帶隊協剿常州之賊甚爲出力該撫所奏前項賞銀一萬兩戈登不肯收領擬仍作遣散洋弁經費固係爲要好起見見在常州攻克該洋人肯先行遣散卽著李鴻章飭令丁日昌李恆嵩等與戈登妥爲辦理一俟辦有就緒卽將如何再行嘉獎戈登之處迅速奏聞另片奏遵撥輪船經費劃充軍餉等語此項輪船經費據赫德所稱見時所存止能起解十五萬兩左右餘款須俟該稅務司回滬查覈辦理卽著李鴻章飭將見存銀款迅卽繳解曾國藩軍營仍令轉催閩粵各關陸續撥解及將江海關欠撥之款飭令開道設法分起湊解並著曾國藩隨時提催以資散放而勵軍心正在寄諭聞富明阿奏到克復丹陽一摺與馮子材等奏大略相同摺內所奏僞英王叔身受重傷先期逃往常州等語未知獲賊所供是否確實仍著富明阿馮子材查明首逆如尙在逃務須擒獲毋任漏網降眾人等尤須設法妥爲安插遣散以絕後患毋稍大意將此

由六百里各諭令知之○以故朝鮮國王李昇世子熙慶爾命戶部左侍郎卓保爲正使正白旗漢軍副都統文謙爲副使往封○乙酉諭議政王軍機大臣等前據賈洪詔奏稱徐之銘徇私濫保請將所保各員撤銷當經降旨允准嗣據勞崇光奏稱滇省近日情形並請將出力之馬如龍岑毓英分別賞加提督布政使銜一併賞加勇號當以該二員均係徐之銘保奏應在撤銷之列未便徑照勞崇光所請致與前旨兩歧諭令勞崇光賈洪詔速將攻克楚雄府及景東廳縣出力各員確切具奏再降諭旨並令賈洪詔將前旨妥爲收存暫緩宣示本日據趙光奏滇省見在情形一摺據稱馬如龍岑毓英保護省城厥功甚偉馬如龍並令馬德新同岑毓英往攻杜汶收復楚雄府景東廳及各州縣地方各回眾用言煽惑忱以危詞勸令與杜逆聯和其拒官軍馬如龍力排邪論決計賊惟勢成孤立非優加獎勵假以事權恐呼應不靈難以濟事並將滇省紳耆等公函一併呈覽等語馬如龍深明大義力杜邪說以回攻回爲同教所忌勢處孤危若不亟與鼓勵恐其懷疑自畏銳氣阻消眾心因而解體於滇省全局關係非輕著勞崇光賈洪詔迅速會商如馬如龍立志不欺眾其信任即應權宜辦理不可錯失機會馬如龍以前應得獎敘著勞崇光賈洪詔迅即會銜奏請不必俟楚雄等處出力各員查明後始行彙請給獎以安人心而資鼓舞岑毓英帶兵出省屢克城池亦宜先行給獎以期呼應較靈並著勞崇光等一併先行請獎前旨仍著賈洪詔妥爲收存暫緩宣示趙光原摺並滇省紳士等公信一件均著鈔給勞崇光賈洪詔閱看將此由六百里各諭令知之○改河南會亭營參將爲永城營參將並中軍守備移駐永城以甯陵城守汛隸左營睢州城守汛隸右營各駐把總一移甯陵把總於胡家莊睢州把總於會亭驛改設馬頭寺烏牆集千總各一白馬驛黃塚馬牧集十字河外委各一鄴縣城額外外委一○丙戌諭內閣國家廣開言路整飭官常惟期內外臣工奉公守法屏除私見若身爲大員則平日束身立行益當謹飭自愛不授人以指摘之端至被參人員尤宜知止謗自修之義痛自愧厲豈可意圖報復許人陰私本年三月間通政使司通政使王極曾以僉王濫列請將侍郎崇綸恆祺董洵辭煥安徽巡撫喬松年內閣侍讀學士王維珍量加裁抑除摺內所稱喬松年一節經寄諭留藩察看外所參崇綸恆祺王維珍等事無指證至辭煥巡撫任內被參各款前此業經留藩查明覆奏尚無實據惟辦理通商事務頗爲熟悉而此次王極摺內亦未能指實款蹟是以將摺留中暫緩查辦乃本月初九日辭煥奏參王極吸食鴉片煙請加懲處等語昨命議政王軍機大臣傳旨詢問王極據王極呈稱從前因係治疾曾經吸食有癮見在疾不復作舊染亦即痛加屏絕惟向來持躬弗謹致被糾參請旨卽予懲辦等語職官吸食鴉片例禁禁嚴王極從前雖因治病沾染染屬有干例禁本應照變通新章官員吸食者卽予罷斥姑念王極一經奉旨傳詢卽

據實直陳尚無欺飾且係原麥辭煥等之員若竟予嚴懲恐因事糾彈者聞而緘口言路將因此而塞王拯著從寬實降三級調用並毋庸在軍機章京上行走以示薄懲辭煥被人參劾不能捫心自反輒將王拯吸食鴉片列入彈章顯係意存報復有為而非因公論列者可比此風斷不可長辭煥著實降五級調用以為逞私攻訐者戒並著仍在總理各國事務衙門行走以觀後效該二員當知朝廷格外之恩感激奮勉力贖前愆見在大小臣工沾染鴉片惡習者恐尚不止王拯一人亟應痛自改悔湔除錮習儻仍前苟且偷安一經發覺定即照章嚴懲斷難再邀寬典至許人陰私易開攻擊之風於政體

大有關繫如此後再有犯者亦必從嚴懲辦決不姑容王拯摺內所參董恂在順天府尹任內向其所屬月索薪米遂為規例等語著萬青黎下寶第查明據實具奏毋稍隱○惲格林沁奏臣於三月十九日督帶馬隊由嵩縣越山取道向南進發二十五日馳抵南陽縣屬之馬山口據副都統色爾固善等稟二十四日突有後股長髮逆首梁姓率眾來撲我軍迎頭截擊殲賊二百餘名該逆敗逃追殺二十餘里復斃賊二百名二十六日臣統領馬步各隊進山追剿行至來道溝地方該逆膽敢列隊抗拒當即揮令副都統恆齡等各帶馬隊越山衝壓翼長舒通額等馬隊從旁接應該逆敗走我軍追殺數十里斃賊四百名生擒數百名救出難民三四百名敗匪翻山向西南板橋川一帶狂奔馬隊未能窮追訊據賊供

此股髮賊不過七八千人見向西南逃遁欲與前路逆首陳德才合股等語是此股髮逆人數無多且經兩次擊敗自不難於掃滅當飭色爾固善張曜等帶領所部兵勇躡蹤追剿無論此股竄至何處無分畛域實力追擊其前竄髮逆數股及張總愚股匪悉向新野鄧州一帶奔逃三月十五至二十五等日蘇克金春壽連日在鄧州雙橋新野縣安春寨一帶與各股賊匪接仗疊獲勝仗見仍跟蹤追剿先經臣飭撥都司桂錫楨等馬隊趕赴前敵隨同蘇克金期辦以厚兵力臣督帶各起馬隊兼程

跟追於四月初二日至棗陽屬之唐縣鎮距賊二十餘里紮營與總兵楊朝林面晤該鎮帶有楚省步兵隊兵勇四千名在彼駐紮並將棗陽所駐步兵隊五百名隨州所駐步兵隊五百名一併令該鎮統帶隨同前進臣於初四日冒雨跟追探得張總愚股匪在州城南關一帶潛伏當即派隊迎擊擒斬甚多張總愚身帶重傷向馬平港一路狂奔馬隊難以窮追見飛調蕭河清孟宗福等酌帶四千人迅即來楚文官文飭令與楊朝林之軍合力追擊迅速查各股賊匪見竄德安一帶距省城不遠有官

文督飭水路各軍足敷剿辦儻向江南一帶奔竄有曾國藩各軍截擊諒可無虞臣所帶步兵隊無多且礮位又難轉運馬隊因地勢不能得力難以深入一俟蕭河清等步隊到楚即將馬隊撤至豫境以防北路再據色爾固善張曜等稟報三月二十七日緊躡後股髮逆於泉山地方追及擊斃二百餘名生擒賊目林濬桂等七名長髮賊百餘名其逃至北山頂一股三百餘名

由六百里各諭令知之○以故朝鮮國王李昇世子熙襲爵命戶部左侍郎卓保爲正使正白旗漢軍副都統文謙爲副使
往封○乙酉諭議政王軍機大臣等前據賈洪詔奏稱徐之銘徇私濫保請將所保各員撤銷當經降旨允准嗣據勞崇光
奏稱滇省近日情形並請將出力之馬如龍岑毓英分別賞加提督布政使銜一併賞加勇號當以該二員均係徐之銘保
奏應在撤銷之列未便徑照勞崇光所請致與前旨兩歧諭令勞崇光賈洪詔速將攻克楚雄府及景東廳縣出力各員確
切具奏再降諭旨並令賈洪詔將前旨妥爲收存暫緩宣示本日據趙光奏滇省見在情形一摺據稱馬如龍岑毓英保護
省城厥功甚偉馬如龍並令馬德新同岑毓英往攻杜汶秀收復楚雄府景東廳及各州縣地方各回眾用言煽惑忱以危
詞勸令與杜逆聯和共拒官軍馬如龍力排邪論決計討賊惟勢成孤立非優加獎勵假以事權恐呼應不靈難以濟事並
將滇省紳耆等公函一併呈覽等語馬如龍深明大義力杜邪說以回攻回爲同效所忌勢處孤危若不亟與鼓勵恐其懷
疑自畏銳氣阻消眾心因而解體於滇省全局關係非輕著勞崇光賈洪詔迅速會商如馬如龍立志不欺眾其信任即應
權宜辦理不可錯失機會馬如龍以前應得獎敘著勞崇光賈洪詔迅即會銜奏請不必俟楚雄等處出力各員查明後始
行彙請給獎以安人心而資鼓舞岑毓英帶兵出省屢克城池亦宜先行給獎以期呼應較靈並著勞崇光等一併先行請
獎前旨仍著賈洪詔妥爲收存暫緩宣示趙光原摺並滇省紳士等公信一件均著鈔給勞崇光賈洪詔閱看將此由六百
里各諭令知之○改河南會亭營參將爲永城營參將並中軍守備移駐永城以甯陵城守汛隸左營睢州城守汛隸右營
各駐把總一移甯陵把總於胡家莊睢州把總於會亭驛改設馬頭寺高牆集于總各一白馬驛黃塚馬收集十字河外委
各一鄴縣城額外外委一○丙戌諭內閣國家廣開言路整飭官常惟期內外臣工奉公守法屏除私見若身爲大員則平
日束身立行益當謹飭自愛不授人以指摘之端至被參人員尤宜知止謫自修之義痛自愧厲豈可意圖報復許人陰私
本年三月間通政使司通政使王拯曾以僉王濫列請將侍郎崇綸恆祺董恂辭煥安徵巡撫喬松年內閣侍讀學士王維珍
量加裁抑除摺內所稱喬松年一節經寄諭曾國藩察看外所參崇綸恆祺王維珍等事無指證至辭煥巡撫任內被參各款
前此業經曾國藩查明覆奏尙無實據惟辦理通商事務頗爲熟悉而此次王拯摺內亦未能指實款蹟是以將摺畱中暫緩
查辦乃本月初九日辭煥奏參王拯吸食鴉片煙請加懲處等語昨命議政王軍機大臣傳旨詢問王拯據王拯呈稱從前因
係治疾曾經吸食有癮見在疾不復作舊染亦即痛加屏絕惟向來持躬弗謹致被糾參請旨卽予懲辦等語職官吸食鴉片
例禁甚嚴王拯從前雖因治病沾染究屬有干例禁本應照變通新章官員吸食者卽予罷斥姑念王拯一經奉旨傳詢卽

據實直陳尚無欺飾且係原參辭煥等之員若竟子嚴懲恐因事糾彈者聞而緘口言路將因此而塞王拯著從寬實降三級調用並毋庸在軍機章京上行走以示薄懲辭煥被人參劾不能捫心自反輒將王拯吸食鴉片列入彈章顯係意存報復有為而非因公論列者可比此風斷不可長辭煥著實降五級調用以為逞私攻訐者戒並著仍在總理各國事務衙門行走以觀後效該二員當知朝廷格外之恩感激奮勉力贖前愆見在大小臣工沾染鴉片惡習者恐尚不止王拯一人亟應痛自改悔前除錮習儻仍前苟且偷安一經發覺定即照章嚴懲斷難再邀寬典至許人陰私易開攻擊之風於政體大有關係如此後再有犯者亦必從嚴懲辦決不姑容王拯摺內所參董恂在順天府府尹任內向其所屬月索薪米遂為規例等語著萬青黎下寶第查明據實具奏毋稍徇隱○僧格林沁奏臣於三月十九日督帶馬隊由高縣越山取道向南進發二十五日馳抵南陽縣屬之馬山口據副都統色爾固善等稟二十四日突有後股長髮逆首梁姓率眾來撲我軍迎頭截擊殲賊二百餘名該逆敗逃追殺二十餘里復斃賊二百名二十六日臣統領馬步各隊進山追剿行至夾道溝地方該逆膽敢列隊抗拒當即揮令副都統恆齡等各帶馬隊越山衝壓翼長舒通額等馬隊從旁接應該逆敗走我軍追殺數十里斃賊四百五十名生擒數百名救出難民三四百名敗匪翻山向西南板橋川一帶狂奔馬隊未能窮追訊據賊供此股髮賊不過七八千人見向西南逃遁欲與前路逆首陳德才台股等語是此股髮逆人數無多且經兩次擊敗自不難於掃滅當飭色爾固善張曜等帶領所部兵勇躡蹤追剿無論此股竄至何處無分畛域實力追擊其前髮逆數股及張總愚股匪悉向新野鄧州一帶奔逃三月十五至二十五等日蘇克金春壽連日在鄧州雙橋新野縣安春寨一帶與各股賊匪接仗疊獲勝仗見仍跟蹤追剿先經臣飭撥都司桂錫楨等馬隊趕赴前敵隨同蘇克金勦辦以厚兵力臣督帶各起馬隊兼程跟追於四月初二日至棗陽屬之唐縣鎮距賊二十餘里紮營與總兵楊朝林面晤該鎮帶有楚省步隊兵勇四千名在彼駐紮並將棗陽所駐步隊五百名隨州所駐步隊五百名一併令該鎮統帶隨同前進臣於初四日冒雨跟追探得張總愚股匪在州城南關一帶潛伏當即派隊迎擊擒斬甚多張總愚身帶重傷向馬平港一路狂奔馬隊難以窮追見飛調蕭河清孟宗福等酌帶四千人迅即來楚交官文飭令與楊朝林之軍合力追擊逆端逆氛查各股賊匪見竄德安一帶距省城不遠有官文督飭水路各軍足數勦辦儻向江南一帶奔竄有曾國藩各軍截擊諒可無虞臣所帶步隊無多且礮位又難轉運馬隊因地勢不能得力難以深入一俟蕭河清等步隊到楚即將馬隊撤至豫境以防北路再據色爾固善張曜等稟報三月二十七日夜緊蹙後股髮逆於泉山地方追及擊斃二百餘名生擒賊目林壽桂等七名長髮賊百餘名其逃至北山頂一股三百餘名

守丹陽惟江北空虛楚豫賊匪仍思東竄皖境以救金陵前據李鴻章奏俟丹陽克復後即可派撥所部進紮東壩二深一帶見在常州丹陽均已克復李鴻章所部兵力有餘前所派由深陽進紮南渡之周盛波等軍及助攻丹陽之劉銘傳郭松林等軍除派赴金陵皖南等處助剿外其餘酌量調赴東壩二深駐紮以固江蘇門戶鮑超一軍即可騰出趕赴江西丹陽一城即著馮子材魁玉派兵就近駐守其富明阿所統江北之軍即可調回揚防以備截剿楚豫東竄之賊以上布置情形是否妥善著富明阿李鴻章馮子材魁玉通籌大局妥爲辦理一面迅速奏聞將此由六百里各諭令知之○諭穆圖善奏遣軍迎剿南山竄匪一摺覽所奏情形於疊次寄諭聲覆殊未明晰前因陝省回匪肅清楚豫軍務緊急疊諭多隆阿等調派姜玉順等帶勇四千赴鄂肅河清等帶勇四千並常星阿等督帶馬隊前赴豫省軍營歸僧格林沁調遣多隆阿傷病未痊穆圖善署理關防自應將遵旨調派情形星速馳奏本日據穆圖善奏稱屢奉寄諭深以陝省餘孽未清仰勞聖慮見派姜玉順統帶十營由鄂縣潯峪口進剿曹青時股匪等語而於屢次催調馳赴鄂豫馬步各軍諭旨竟無一字提及實屬不知緩急見在陝南髮逆句合捻股竄擾鄂境隨棗鍾京賊氛偏地其滋擾陝省者僅曹藍兩逆耳藍二順一股前已責成李雲麟趕緊撲滅至曹青時一股劉蓉責無旁貸且部勇甚多自應嚴飭肅慶高等認真剿洗俾姜玉順一軍剋期赴楚方是正辦乃於派兵援鄂一事劉蓉等竟漠不關心殊不可解該撫身受厚恩務當力顧大局以副委任即著督飭各軍迅將盤踞兩青一帶之曹逆悉數殲除毋再遷延干咎李雲麟亦當懷遵前旨將蜀河等處逆股殲滅淨盡昨據僧格林沁奏俟肅河清等步隊到楚始可將馬隊撤至豫境以防北路是楚省需兵甚爲緊要著穆圖善商同劉蓉速飭姜玉順肅河清等督帶步隊遵照昨日寄諭趕緊赴楚歸官文調遣常星阿督帶馬隊速赴僧格林沁軍營以資攻剿東治兩營據穆圖善奏見派總兵陳天佑統統其軍並咨商德興阿將所部馬隊兩起交副都統西蒙克西克統帶馳赴訥欽軍營助剿等語此項馬隊是否係多隆阿軍營舊防西安之兵抑係德興阿部曲兩起其幾百名聲敘亦未明晰均著迅速奏聞訥欽所部見歸都興阿統帶將來陳天佑西蒙克西克到定邊後即歸都興阿相機調度都興阿接奉此旨即著星馳前進以資統攝多隆阿所統馬隊一千五百名前已照數分撥僧格林沁及定邊軍營此外步隊除撥給姜玉順肅河清等八千名帶赴鄂省外見存陝省者尚有若干如果調撥各省後所有無多不敷防剿即著劉蓉將所部兵勇勻撥若干將陝省邊防妥爲布置仍一面迅速奏聞將此由六百里各諭令知之○以宜振爲工部右侍郎候補○戊子諭議政王軍機大臣等劉蓉奏追剿曹逆疊破寨壘一摺曹青時股匪竄踞大莊坪等處經肅慶高黃鼎等督軍先後攻克其文公梁八里坪曹逆老巢亦經黃

鼎等約期進攻將各賊營焚毀連踏賊營六座並將曹逆矛傷勦辦向屬得手惟曹逆雖經受傷仍行逃竄非跟蹤追期迅速殲擒恐致復行滋蔓劉蓉務宜督飭將士乘該匪窮蹙之時盡力窮追毋令漏網見在曹逆敗殘之餘劉蓉所部兵勇已數勦辦鄂省隨處鎮京一帶賊氛徧地前經諭令穆圖善劉蓉將派赴豫省之蕭河清孟宗福等所帶楚勇四千人改派赴楚與原派赴楚之姜玉順等所帶四千人一併前往交官文調遣其常星阿馬隊仍派赴僧格林沁軍營著即懷遵前旨迅飭蕭河清姜玉順常星阿等軍剋期啟程毋稍延緩鄂省賊勢甚重專盼前項派撥助剿之兵穆圖善等何以置若罔聞於奉到諭旨後尙未見有覆奏儻因調派遲延緩不及事致令楚疆有失必惟穆圖善劉蓉是問多隆阿病勢若何劉蓉何日出省卽遵前旨迅速奏聞將此由六百里各諭令知之○己丑曾國藩奏據提督李世忠稟稱去臘傷病復發滿擬早日就痊藉圖報效詎當春令病益增劇舊傷亦發卽欲遵照赴任實恐隕越貽羞且親樞至今未葬見擬俟各城交出兵勇遣撤後扶柩回里安葬並調治傷病呈請開缺續據稟稱日前陰雨過久所發餉鹽未克埽售各兵勇川資不敷尙未散盡惟全椒天長五河等城已於三月二十及二十四等日一併退出來安一城亦定於四月初二日退出俟鹽價銀到卽將各弁勇飭催啟程所有滁州六合兩城初五六等日均可撤退萬不敢再有遲誤各等語查李世忠所設之卡所守之城業經退出歸官均須派兵替防見在無可調撥已咨請吳棠派兵防守滁州兼顧來安並咨請富明阿派兵防守六合而陳自明挑留之二千人則調赴南岸之池州駐紮遠離故土俾游勇之逗留滁屬者不得假託李世忠舊部之名滋生事端至該提督李世忠屢著戰功捍衛江北上年又助平苗黨茲以江淮軍務大定潔身引退合無仰懇 皇上天恩准予開缺回籍所遺江南提督一缺並懇恩賜簡放以重職守 上諭內閣江南提督李世忠自任事以來屢著戰功上年春間髮逆沿江上竄該提督力保滁州全椒天長六合等城逆不得逞官軍乘勝克復浦口江浦九洑洲江北得以肅清迨苗逆復叛該提督慷慨誓師親統所部赴淮助平巨寇此時江淮軍務大定復能將所部弁勇發贖遣散並願廣散貲財捐助軍餉實屬深明大義誠悃可嘉該提督見因傷病舉發親樞未葬懇請開缺回籍若不允其所請無以恤勤勞而慰孝思李世忠著准其開缺回籍○曾國藩奏僞聽王陳炳汶僞侍王李侍賢各酋由浙境先後犯徽業經附陳大概情形查杭州餘杭既克賊首陳炳汶汪海洋等分道出竄畢萃於徽郡之東南毛有銘率所部八營自休甯至郡商之唐義訓出城迎剿三月十三日唐義訓由郡南毛有銘出郡東乃東軍隊伍未整粹然賊至前軍旣挫後軍旋亂毛有銘遂率眾退入郡城唐義訓在南路之方村迎戰聞東軍失利卽即撤隊回城而賊已由吳山鋪分擾桂林又繞出藍田等處自東而北直撲城垣郡中大震唐義訓毛有銘督軍出城擊退並徧搜

錫田槐塘棠越唐模各村落斬馘頗眾賊乃由巖市入屯溪圍撲該處營壘防守屯溪之羊寅洪良輝竭力堅守一晝夜適毛有銘於夜半向屯溪疾進又有汉口三營前來助戰該逆不服暮食棄釜撤圍多向龍灣上溪口竄去毛有銘即築營駐師屯溪十六日唐義訓率隊至齊武遇賊薄有檢斬俄聞侍逆分股繞竄巖市以西而親率死黨出深渡過河唐義訓乃令王品高
等畱駐朱村而自帶親兵及葛清泰一營駐紮篁墩謀與毛有銘會師禦賊十七日朱村各營侵曉出隊行次楊村詎深渡之賊已大至我軍初尚得手迨裹入重圍傷亡甚多時毛有銘適在屯溪上游途次聞警即飭各營分三路飛援毛有銘自外攻入唐義訓自內衝出賊始披靡我軍追過十里山坳中忽遇賊伏遂爲所乘將士損折棄械爭渡幾不能軍毛有銘唐義訓同郡賊已連宵西上直逼休甯自是欲休境內無地非賊亦無路不梗布長圍以困我郡城而郡東之接踵而來者仍復絡繹於道十八十九兩日唐義訓擊退薄城之賊並獲小捷休甯守將劉長春等亦於十九二十等日截賊於溪邊村等處賊知兩城守禦尙固乃由龍灣浙嶺分竄婺源境內以達江西之德興延及玉山勢甚猖獗此次毛有銘唐義訓堵剿不力咎無可辭相應請旨將署皖南鎮總兵唐義訓革職仍畱署任道員毛有銘革去勇號拔去花翎以知府降補仍畱營差委以觀後效臣調度無方並請旨交部嚴加議處又奏近日金陵一軍在朝陽神策金川等門外開空地道數處賊於附城一帶築月圍以拒之三月二十三二十五六等日攻破月圍焚其火藥燬斃極眾當此之時除嚴圍猛攻力禁接濟更無他法賊之由婺源境內闖入江西者一聚德興一撲玉山又將延擾腹地臣前調鮑超率師西援縱使李鴻章派兵替守句容東壩鮑超之軍亦難速到實恐緩不濟急因派周寬世駐省七營金國琛馬步九營先從饒州一路進援江西未知果否有裨鮑超於尚未援江之際屬令會同鎮揚兩軍力攻上游髮捻巨股已竄過隨州棗陽將及黃德二郡意在假道鄂皖東援金陵前奉諭旨飭於彭玉麟楊岳斌二人中派一人統率鄂軍見接官文來咨鄂省江面防剿有李濟清萬化林等師船足數分布請於彭玉麟楊岳斌二人中商派一人布置九江以下臣即商請彭玉麟率師上駛已於四月初九日過安慶初十日由安慶馳赴九江防剿北岸鄂皖江面兼顧南岸鄱湖都昌一帶自徵軍失利後臣慮婺源樂平饒州景鎮或致淪陷不意均得保全且聞竄江之賊因糧食不繼號令不一紛紛逃散仰託 聖主威福此股或不足深慮惟皖北陸路僅潁州六安廬州巢縣等處置有防兵其餘潛太英霍桐舒等縣皆係當年髮捻往來熟徑防守無兵空虛可慮臣惟有力疾調度勉措危局又奏查鮑超一軍既取句容遂平寶堰五壘即乘勝直逼金壇城下並豫飭周有勝曹志忠等四營伏於茅山之左而以黃海清等騎隊佐之令唐仁廉李文益等四營伏於茅山之右而以婁雲慶等騎隊佐之金壇逆酋率賊二萬出撲我軍佯退俟賊追過茅山正向田隴村落開邁迤而

進鮑超揮令張玉田等突由中路槍礮齊發賊亦以洋槍小隊遙擁來迎張遇春衝入賊隊賊眾披靡鮑超催動號鼓伏兵四起截斷歸路該逆張皇失措棄械滿道我軍追殺五十餘里偪至金壇西門賊賊不敢進城而城賊亦啟南門向三仙關遁走即於二十日收復縣城 上諭議政王軍機大臣等浙省賊股上犯徽郡毛有銘等軍既經挫折歛休境內無地非賊是該處軍情正當喫緊之時皖南兵力尙單前諭左宗棠籌撥蔣益澧各軍馳援徽境著卽酌量情形多撥勁旅前往與該處防軍聯絡夾攻務將該逆速行剿洗並飭令黃少春劉清亮兩軍嚴扼遽安要隘以防湖賊竄竄徽境飭令王開琳等截賊婺源德興之交毋令南竄嚴州西竄饒郡曾國藩慮鮑超馳援江西不能速到見派周寬世七營金國琛九營先從饒州一路往援著卽飭令迅速前往力籌堵剿並著沈葆楨飭令在防將士與周寬世等軍嚴密布置互相援應此時竄江之賊糧食不繼號令不一多有紛紛逃散者劉典王文瑞各軍陸續到後聲勢更壯諒已足敷剿辦髮捻竄近隨襄黃德曾國藩已派彭玉麟統率師船上赴九江防剿北岸鄂皖江面兼顧南岸鄱湖都昌一帶江路當可無虞惟皖北陸路僅賴六廬巢等處置有防兵其餘潛大英霍桐舒等縣皆空虛無兵深慮楚豫境內髮捻大股乘隙東竄鮑超一軍自攻克金壇後該處敗匪及常州餘逆均爲駐防溧陽之吳毓芬等截剿於南渡全股殄除見在常丹兩城已克東壩二溧已經李鴻章派兵扼守鮑超一軍自可騰出移援徽境或卽令渡江北防剿潛大英霍桐舒一帶著曾國藩酌量情形妥爲調度至皖北穎毫廬壽等處與豫楚邊境甚近防兵空虛喬松年身膺疆寄責無旁貸如何撥兵防守各城如何堵禦髮捻之處惟當力籌布置不准觀望推諉曾國藩仍當隨時兼顧以期互相策應前經諭令僧格林沁將陳國瑞一軍調赴皖北爲截剿髮捻東竄之備本日據曾國藩奏皖北空虛可慮自應卽以此軍移紮截剿著僧格林沁相機酌度迅卽檄令扼要駐紮如果髮捻竄近皖疆卽可令其截擊此外或另有勁旅可以扼要駐紮備援緩急之處著僧格林沁曾國藩隨時會同籌商辦理淮徐一帶卽著吳棠豫籌布置撥兵駐守並與臨淮各軍聯絡聲勢毋稍大意天長六合一帶卽著富明阿將援剿鎮江之揚營兵勇撤回移紮該處嚴密堵遏仍著曾國藩與富明阿吳棠喬松年互相援應至髮捻大股見在麇聚於隨襄鍾京等處鄂省兵力尙敷堵剿官文嚴樹森總當嚴督諸軍將該逆就地殄盡萬不可令其竄入皖境金陵官軍攻破朝陽等門月圍殲賊甚眾正當乘該匪窮蹙之時力籌攻拔並著李鴻章將丹陽常郡餘匪搜捕淨絕分布諸軍嚴扼要路以防金陵逆股外竄值此功在垂成各路將帥及封疆大吏俱宜振刷精神統籌兼顧以期及早蕺功曾國藩聲稱戶部覆奏摺內所稱湖北等省協濟月餉等款爲數甚鉅實則所得極少等語本日已交戶部覆辦矣所請將楊岳斌蕭慶衍蔣凝學毛有銘梁美材諸軍仍由鄂省照舊供支於六成之外酌添一二成之處著官

文獻樹森逆籌發給其普承堯何紹彩兩軍著卽交喬松年調遣餉項卽由臨淮糧臺支撥報銷李忠忠既經散財遺眾交出城卞心迹已明其赴安慶謁見遲早之處卽可聽其自便李世忠交還之五河六合滁全天來各城著曾國藩吳棠喬松年將善後事宜妥爲經理孫家泰一案著俟喬松年會同曾國藩具奏時再降諭旨將此由六百里各諭令知之○于江南陣亡參將鮑昌齡安徽參將金茂榮等祭葬世職○庚寅諭內閣欽差大臣西安將軍多隆阿前在湖北帶兵剿賊疊著戰功同治元年率師赴皖攻拔廬州匪首陳玉城敗竄被擒伏法旋由湖北督師入陝授爲欽差大臣將同朝一帶回匪巢穴悉數削平先後攻克城寨十數處並分兵解鳳翔之圍俾陝省回匪一律肅清厥功尤偉嗣因藍逆占踞盤屋縣城屢攻不下該將軍忠勇奮發躬親督戰力拔堅城頭面致受槍傷節節賞給內府如意拔毒散及人蔘等件交該將軍祇領方冀醫治就痊長資倚異茲遽因傷出缺披覽遺章實深悼惜多隆阿著加恩追贈太子太保照將軍陣亡例從優賜卹賞給一等輕車都尉世職任內一切處分悉予開復應得卹典該衙門察例具奏並准入祀京師昭忠祠其曾經立功省分著各該督撫查明建立專祠賞銀一千兩經理喪事由陝西藩庫給發其靈柩回旗時著沿途地方官妥爲照料伊子孫幾人著黑龍江將軍查明俟百日孝滿後由該旗帶領引見以示篤念忠盡至意尋予祭葬諡忠勇○諭議政王軍機大臣等穆圖善奏陝省軍務漸就肅清全軍遵旨馳援楚豫並曹克忠一軍攻克馬鹿鎮等處賊巢各摺片曹背時一股經提督姜玉順殲除殆盡曹逆亦在誅數穆圖善見檄姜玉順先行統帶九營由南山拔隊援應楚省飭藍斯明蕭河清各率所部赴豫自尚未接到本月十六日令蕭河清等改赴楚省之諭著懷遵前旨令蕭河清姜玉順所帶步隊八千人一併馳援楚省多隆阿部下馬隊除酌留撥給都興阿外其餘悉令常星阿等統帶仍赴僧格林沁軍營僧格林沁見駐隨州俟西省馬步到齊應如何分撥策應並派防豫省東北兩路之處均著妥爲籌畫穆圖善欲親督馬隊出關分期奮勇可嘉該將軍卽妥爲部署親率各營赴楚並須激勵各軍認真出力陝西未盡事宜移交劉蓉辦理多隆阿欽差大臣關防著劉蓉派員齎赴京師恭繳官文於陝西兵勇到後兵力益足務當妥籌分布將楚境賊氛節掃蕩毋畱餘孽嚴樹森仍慎固省防不可稍涉大意劉蓉已派英毅六營赴襄樊此軍何日到楚亦可歸官文調遣見在陝西地方雖可漸次肅清而統帥傷亡兵勇分散誠恐甘省逆回及本境餘匪從而生心再圖滋事不可不豫爲之防劉蓉所部之湘果十四營見屯漢郡著分飭帶兵各員將各路餘匪搜捕淨盡俟甘省回匪剿辦得手不至復行回竄再議一律撤遣回蜀潼商等處防守緊要著劉蓉選派得力兵將分投駐紮以便藍斯明蕭河清啟程赴楚澇峪口匪蹤是否淨絕曹背時是否伏誅該撫何日出省調度並著迅速奏聞曹克忠已將馬鹿鎮等處賊巢剷著飭令仍行回駐隴境如

省城附近需兵彈壓卽調回駐紮整屋一帶以資控制都興阿統兵日久持重老成見帶重兵赴定邊一帶本日已令督辦甘肅軍務著卽遵程前進與雷正綰會商安辦以期節節肅清雷正綰自陝入甘屢獲奇捷勞勩卓著見在圍攻平涼諒可卽日得手著卽督率將弁迅速圖功甘省匪勢尙熾該提督一軍恐尙單薄是以添派都興阿辦理都興阿尙不能卽日到甘俟其到後或在一處會商或議分投辦理均須和衷共濟以紓朝廷西顧之憂蔡逆一股經劉蓉派令湘果各營會商李雲麟擊剿聞已敗竄鄖西著卽責令該京卿跟蹤躡剿不得稍畱遺孽貽患鄰封若縱令與楚豫各匪合股定惟李雲麟是問將此由六百里各諭令知之○命西安將軍都興阿督辦甘省軍務著固原提督雷正綰幫辦軍務○辛卯諭內閣順天府府尹卞寶第奏董尙被參一案請添派大臣會同查覆一摺著添派倭仁會同卞寶第據實查覆毋稍徇隱尋奏逐細查訪董尙並無向各屬月索薪米確據得旨王拯所奏著毋庸議○諭議政王軍機大臣等戶部奏豫籌江南財賦以紓國課一摺據稱東南地利素饒自遭兵燹一切應辦事宜均未舉行見在皖北肅清江蘇境內亦將剋期底定亟宜釐定成規以爲長治久安之計查釐捐一款有礙正賦應請將從前糧捐畝捐草捐花布捐等項槩行禁止至正賦錢糧除蠲緩外務令認真收納年清年款至灘地沙洲二事爲利甚溥懇請飭下督撫大吏遴員馳往查勘安辦以盡地利各等語所奏係爲興利除弊起見自應先事籌畫以爲善後地步著旨國藩李鴻章按照該部所奏各節確切查明實力興辦以蘇民困而裕國計原摺著鈔給閱看將此諭令知之○壬辰諭內閣前因畢道遠等呈奏山東已革知府吳載勳等勒辦淄川逆匪恇怯通賊各情疊經降旨交譚廷襄查辦茲據閻敬銘奏查明各該員被參各款並將親供呈覽請旨辦理一摺山東已革候補知府吳載勳前署濟南府任內於淄川逆匪劉德培起事之初親往查辦因未帶兵勇回省請兵劉德培已踞城作亂該革員到淄後屢次督隊攻襲尙無恇怯乖謬及通賊情事吳載勳前經譚廷襄以該革員耽延貽誤業經奏革職著毋庸議前署淄川縣事候補知縣麟盛於劉德培率眾入城時因將卸事並未設法拏辦又不據實稟報實屬意存推諉著卽行革職以示懲儆道員陳顯彝督剿淄川屢次攻襲尙有斬擒原參通賊各情亦無確據陳顯彝前經閻敬銘奏參勒令休致卽著毋庸置議已革遊擊謝炳炳因勇丁索餉退隊不能約束於前又不能激勵於後實屬咎無可辭業經革職被參通賊之知縣李鳳韶業經被害著一併免其置議○諭議政王軍機大臣等富明阿奏追剿丹陽竄賊情形並統籌防剿一摺官軍克復丹陽後追剿竄賊至珥村地方突有逆壘出賊四股迎拒均經我軍擊敗踏平賊壘卽著富明阿督飭將弁乘勝跟追務將丹陽餘匪搜殺淨盡悉數殄除楚豫捻匪竄擾隨州號稱十數萬眾圖援金陵意由江北繞道前進該將軍見將泰興防兵撤回並於南渡之兵抽回四千以防西路畱總兵楊心純

守丹陽令詹啟翰統帶五千人暫紮丹臣以便馳助金陵卽著照所擬妥爲布置金陵逆援如犯江北萬一分兵不敷堵禦應如何抽撥勁旅遏賊分竄之處著富明阿妥籌辦理不可稍有疏虞致令擊動金陵全局丹陽降眾卽著妥爲遣散毋令滋生事端將此由五百里諭令知之○沈葆楨奏髮逆續入江境頭股腐聚德興之海口曹門等處三月二十六日出槩小港樂平縣知縣孫鑑督勇嚴扼河岸紳團輔之內河水師助擊破斃多賊乃退二十八日悍賊分路撲營孫鑑等迎擊伏兵乘風縱火擊逆駭退三十日卯刻該逆繞從牛頭灘擇淺而渡孫鑑聞警馳至該逆半渡折回午刻該逆分十餘股林立河干我軍隔河槍礮互轟斃賊不少忽上流竹筏十餘飛駛而下礮船溯流奮擊盡奪其筏悍逆咸沒於水次日水陸各勇將賊浮橋折毀該逆以樂平猝不可渡乃分股趨向弋陽地界而海口等處之逆壘則仍盤踞如故其第二股由欽南趨華埠撲副將戴奉聘營道員王德榜派隊助守二十六日副將顧雲彩雕勦於七渡橋二十八日王德榜擊賊於七里街均有斬獲該逆腐聚於上玉交界之沙溪希圖南竄廣豐道員張岳齡派隊擊之殺斃溺斃甚多該逆仍退沙溪北岸至南豐踞逆負嵎如故二十二日精捷營偪城築壘城中出悍賊萬餘撲之提督徐生德等悉力相持賊甚夥乃遁入城二十五日該逆出撲祥字營受創而退二十六日城逆傾巢出撲精毅營苦戰數時韓進春馳援分路痛勦賊見我軍無間可入乃潰入城是日竄建甯之僞王宗出窺廣昌犯尖峯隘欲爲南豐聲援知縣彭芝等督兵練擊之遁向石城甯化交界之分水坳而去席寶田恐韓進春勢單乃令祥字營衛民軍移紮兜港以通建昌爲可進可退地步仍以精毅韓字兩營甯南豐總兵江忠朝於四月初二日抵省初八日馳赴安仁所屬鄧家埠軍營接統軍事賴南道王文瑞已抵袁州派隊進紮永豐准曾國藩來咨已檄提督鮑超援江左宗棠亦檄湘克等營跟蹤追勦副將劉明珍統安武軍四營已抵玉山淮甯甯國等處後股賊匪絡繹而至援軍恐爲牽掣耳上諭髮逆續竄江西雖經官軍截勦樂平邊境業已肅清玉山亦已解圍而東路賊氛仍未殄滅至西路情形南豐踞逆負嵎如故竄建甯之僞王宗出窺廣昌經官軍擊敗遁向石城甯化交界之分水坳而去惟南豐堅城未拔則此次擊退之賊難保不復來窺犯見在江忠朝已抵安仁卽著沈葆楨飭令統率所部會同王沐一軍前赴弋陽貴溪一帶相機夾擊迅殄賊氛王文瑞已抵袁州派隊進扼永豐並著飭令該道員與席寶田韓進春等安速進兵迅將南豐攻拔並將建昌一帶要隘力籌布置毋令賊蹤紛竄曾國藩慮鮑超馳援江西不能遠到見派周寬世七營金國琛九營先從饒州一帶往援著卽飭催迅速前往並著沈葆楨恪遵前旨督飭在防將士與周寬世等互相援應毋稍疏懈左宗棠所派副將劉明珍安武軍四營已抵廣信卽著該督飭令劉明珍與王開琳一軍嚴扼要隘截賊續竄江西之路不得稍有疏虞將此由六百里各諭令知之○癸巳諭內

閣官文參奏嚴樹森把持兵柄剛愎用事等語據稱嚴樹森自履任以來招募湘勇馬步水師五十餘營號衣旗幟均用撫標名目各營官俱發給撫標鈐記調度文檄用巡撫關防或自主稟而會總督之銜或徑自札行此次官文出省後該撫輒將黃陂當衝兩營調回省城並將官文派赴上游之水師總兵李濟清兩營阻止不令遠移復代官文札調曾紹霖礮船八隻隨營上駛其沈俊德等楚省舊營亦皆改隸撫標調遣等情各省巡撫如與總督同城遇有緊要公事均須與總督會商巡撫豈可任意專擅若遇總督統兵出省則一應調度機宜設非事機迫不及待即當會商統帥以期事權歸一俾將士有所稟承至督標撫標兵數均有定制豈可率意移改楚勇亦係總督巡撫公共之勇豈得率書撫標字樣乃嚴樹森招募湘勇五十營俱令隸歸撫標鈐記等項均用撫標名目文札多不與官文會商意在把持兵柄其於官文帶兵出省後又復任意繳調各營互相易置並將楚省舊營一併改隸撫標似此爭權競勢實屬任意妄爲見在髮捻大股各匪竄擾湖北正當勦辦喫緊之時官文以欽差大臣督兵進駐漢川所有各營將士均應歸該督節制庶號令不致紛歧若如嚴樹森之種種率舉率意更張必致貽誤大局該撫前在河南時坐擁重兵株守汴梁於省城以外各郡縣任聽髮捻各匪焚掠一籌莫展不敢出省垣一步其餘省城防守事宜亦復措置乖方疊經御史劉毓楠以勦匪未善侍郎毛昶熙以膽怯見偏量狹性悞據情參奏比調任湖北巡撫時又經御史陳廷經以性情剛愎人地不宜陳奏朝廷因嚴樹森於軍務雖非所長而操守尚好於吏治亦能講求末經即予撤任並經諄諄訓誡冀其涵濯自新乃竟怙過不悛挾私妄作深負委任嚴樹森著以道員降補以示懲○左宗棠奏三月二十五日湖郡首逆僞佑王李遠繼率悍黨水陸數萬由善山下施村等處直徧球頭鎮高連陞王月亮營壘高連陞等督各營擊之盛戰竟日斃悍賊數百名晚聞該逆復列炬齊隊撲營高連陞等飭各營堅壁不出潛派槍礮隊蹲伏壘旁俟賊撲近排轟之至亥刻賊始敗竄宵軍逐之逆賊自相蹂藉殲斃無算是日僞列王劉得蟻等率賊萬餘由張村山將鈔球頭鎮高連陞營壘之後距武康縣城二十五里楊昌濬督兩營自武康縣城潛出截之陣斬劉得蟻賊賊遁該逆經此挫敗其膽始喪菁山和平鎮妙喜鎮各賊均向湖郡附城西南一帶退去其竄徧之賊經王開琳於三月十七日在軟南小川截勦獲勝後該逆遁回楊村屯聚徽軍是日失利黃少春王開琳各營於十九日由小川前進抵黃背村遇賊於余岸敬輿地方殪其先鋒數十名二十日王開琳派隊分路進攻自率親兵隨後接應已刻齊抵楊村擊賊讎擁而出各營奮威衝殺立斃悍賊多名王開琳復自楊村山後繞出陣前立將上下楊村之賊掃除淨盡敗匪向篁墩鼻水而逃溺斃頗多是日斃賊約三四千人大小賊目以百計生擒六七百名而屯溪倖獲保全追過屯溪鎮時張福齋等見有賊數百在休甯

南界之龍安一帶正欲覓路逃竄張福齋派弁持令傳呼投誠免死賊目楊海芳等率其黨七百餘人乞降詢知爲李侍賢之黨挑其壯健者二百餘名分置各旗餘皆給賞遣散是夜接遂安探報賊由白際嶺竄出前隊已抵小洞直趨馬金街先經黃少春派赴馬金之黃元吉張介和等營在姚村築壘甫定賊即大至更番猛撲經一晝夜黃元吉等竭力固守二十二日黃少春等馬步各營由瀉安冒雨馳抵昏口途遇魏喻義約其同援馬金適王開琳所調之參將王福昌亦至各軍繞至霞山馬金之間賊悉銳來撲官軍分路擊之重圍立解魏喻義所部從右路攻霞山賊巢銳進遇伏弁勇傷亡者百餘名是夜賊於馬金街對河連築三壘黃少春乘其甫成挑勇丁寅夜覓水破之二十三日該逆率銳來撲我軍分兩路鈔擊賊多名二十四日賊分起竄走一出星口一出華埠二十五日猛撲副將戴奉聘等華埠營盤適道員王德榜派兵由玉山馳來助剿議堅壁以待是夜該逆大隊麤至圍撲兩晝夜均經戴奉聘等擊卻二十七日辰刻賊向西路竄走戴奉聘等躡蹤追擊斬殿後賊百餘名仍分路追之時劉明珍等四營已抵衢州署衢州鎮總兵劉培元卽飭其由常山草坪關出剿二十八日劉明珍甫出屏風關卽遇賊前隊斃先鋒悍賊數十名賊卽敗退二十九日追至古城斃賊數百名逐北至玉山城河溺斃不少拔出難民數千時王德榜已擊敗三里街七里街等處之賊生擒僞朝將胡得才斬之是日由玉山城西北鳳凰山出隊亦斬悍賊百餘玉山圍解三十日卯刻劉明珍王德榜兩軍分三路齊抵賊巢賊亦分支拒敵王德榜等督所部衝賊數段賊勢不支紛向浮橋逃竄官軍馬隊追及橋忽中斷賊之墮河死者無數是夜賊竄沙溪距廣信府城五十里四月初一日劉明珍等拔隊急追已刻到沙溪王德榜已由南岸前進適北岸有賊攜船過渡將襲其後遊擊賴長等分隊下流扼之劉明珍帶隊從上游奮擊賊中槍落水者甚多其從沙溪衝出匪徒劉明珍擊卻之斃賊百餘名而還是日王德榜已馳抵廣信府城戴奉聘所部三營亦可繼至賊之大股尙屯沙溪其前路股匪距廣信二十里該軍旣到在賊先府城當可無慮臣前以入江西之軍不滿六千恐眾寡不敵飛令提督劉清亮帶所部接防馬金令王開琳帶所部急進玉山以壯後路聲勢劉清亮行至華埠聞賊已至玉山擬卽赴江西會剿臣以兩軍人數相當應畱一軍駐華埠以防由常州續至之賊劉清亮旣先到華埠應卽令其先往而畱王開琳暫駐華埠以期慎密大約劉清亮一軍初三日可到玉山初四日可抵沙溪自浙軍在昌化將賊擊敗後沿途截殺大小十餘戰斃賊萬餘拔出難民二萬餘此股爲陳炳汶汪海洋及僞利王僞戴王僞來王諸逆其中亦有李侍賢之黨人數號稱十數萬其李侍賢一大股已由歛休地界竄婺源入江西未嘗闖入浙境其由常州竄來之僞然王林彩新一股人數約二三萬四月初二日至昌化之白牛橋康國器由分水縣麻車埠過河擊之賊卽

潰走皆由甯國縣竄去中途逃散者多大約亦將由績歙覓路而竄江西臣已飭黃少春嚴備以待聞後股賊眾尙有數起故清遂未可解嚴臣當豫爲布置隨時相機辦理又奏江西擊敗前起竄賊收復新城縣城後餘賊悉趨閩界三月十四日竄陷邵武府屬之建甯縣城旋報克復而將樂縣地方忽有賊蹤闖入是延平軍情喫緊漸有蔓延腹地之虞臬司張運蘭一軍尙無入閩消息閩省兵事穴難無章萬無可恃見臺灣大局肅清林文察既署陸路提督防剿閩省上游是其專責臣與撫臣徐宗幹已飛咨調其內渡恐到任尙需時日臣於道員康國器截剿常州竄賊獲勝後調其由昌化回營取道嚴衢入浦城達閩已報啟程此軍勇丁多籍隸潮嘉於閩省邵汀一帶地勢尙熟近來頻加訓約漸就範圍杭餘克復後汰存二千餘名均尙精壯以之入閩可期得力如粵東能令張運蘭由潮州入閩則粵軍南來閩軍北往可收夾擊之效於粵閩大局均有裨益又奏此次大股逆賊分竄江西東南垂成之局爲之一變而湖城尙堅持未下常州丹陽諸逆如林彩新等股又由東壩溧陽交界各處源源而來頃據楊昌濬等稟報長興四安境上續來常州丹陽巨股人數甚眾揣度賊勢蓋以湖城堅拒浙軍俾諸逆得從容由廣德甯國繞溪以分竄徽境也黃少春一軍甫於四月初八日進歙南一帶迎剿林彩新一股尙未接據續報王德榜劉清亮劉明珍等三軍已追賊入江西廣信玉山一帶康國器一軍又將拔隊入閩統計浙軍及新附之眾水陸馬步不滿五萬而分攻湖州分赴江西福建截剿竄賊分防各城隘或數百里或千餘里勢遠力分深爲可慮臣竊謂巨股竄江西實爲腹心大患此時要著在以全力專注江西如有重兵截剿賊不能復犯皖南以起金陵則金陵久困孤城亦必不攻自破臣前飭署臬司劉典在籍募勇三千速赴江西爲救敗之著其時賊之得竄江西者人數尙不爲多今則大股畢入江西而常州丹陽之賊又復源源而至劉典新募之軍祇三千人眾寡懸絕且入江各軍無大員統率調度亦恐難期用命再四思維福建水師提督楊岳斌膽智超羣秉性忠直爲眾情所翕服與曾國藩胡林翼其事最久口不言功僅令專帶水師實未足展其素蘊見在金陵水師將領尙不乏才楊岳斌在彼非萬不可少之人如蒙 皇上天恩委以重寄令其督辦江西皖南軍務而以劉典爲其幫辦則江西之勢重而皖南可以圖存卽浙江得所庇賴江西各軍及皖浙諸軍之入江者亦有所統攝於大局不爲無補 上諭議政王軍機大臣等髮逆羣竄江西雖經江浙兩省官軍會合防剿惟南豐踞賊負隅如故上饒玉山一帶亦未肅清而李侍賢一大股已由歙休地界竄入江西其由常州丹陽竄出之林彩新矮崽陳等股亦將由長興四安一帶取道績歙圖竄江西若不迅圖掃蕩該逆竄聚一方裹脅日眾必仍狡焉思啟圖救金陵於全局關係甚巨此時江省援兵日集江忠朝王文瑞等軍均已入境浙軍劉明珍等已抵廣信曾國藩所派

之周覽世金國琛等皆左宗棠此次改派之劉清亮一軍亦已先後赴江惟該將領等才智不相上下彼此位望相等非有威望素著之大員統率調度恐難迅奏膚功本日已命楊岳斌督辦江西皖南軍務並令劉典幫辦軍務矣曾國藩接奉此旨即行咨商楊岳斌令其迅赴江西見在彭玉麟前赴九江扼要布置爲髮捻東竄之備若楊岳斌即日赴江則下游水師統帶乏人著曾國藩李鴻章酌量情形於黃翼升李朝斌二員內揀派一人統帶楊岳斌水師以資得力楊岳斌馳赴江省後卽於江皖交界扼要地方駐紮督率諸軍實力剿洗一切軍情有應由楊岳斌專摺具奏者有應與曾國藩沈葆楨會銜具奏者均著隨時酌度緩急分別辦理沈葆楨於各該營應用餉需務當力籌接濟曾國藩楊岳斌沈葆楨均受朝廷倚畀想能和衷商辦共濟時艱也劉典回湘募勇六營前據惲世臨奏四月中可以入江此時該臬司行抵何處並著楊岳斌沈葆楨飛速催進以厚兵力曾國藩前因責任太重屢請派員分任仔肩此時江皖軍務旣派楊岳斌前往督辦爲該大臣分任其勞惟一切應辦機宜仍須隨時與楊岳斌籌商通籌兼顧金陵官軍攻破月圍之後賊勢已蹙著督飭曾國荃等迅速進攻仍當於勇猛之中寓以慎重李鴻章恪遵前旨分軍嚴扼要隘毋令金陵潰賊外竄江浙賊悉萃湖州意在以一隅牽掣浙師而以全股竄徽歙擾及江西其謀甚狡此時進規湖州各軍業於善山下施村等處獲勝著左宗棠督飭高連陞等軍迅速合圍力拔堅城席上竄之賊退無所踞掃蕩自易爲力王開琳一軍旣經頭駐華埠著左宗棠迅飭劉清亮等於馳抵玉山沙溪後會合該處防兵相機堵剿遏賊續竄江西之路秦甯縣被賊竄陷旋卽收復賊蹤擾及將樂縣境延平軍務萬分喫緊左宗棠擬調林文察內渡剿賊並令康國器率師入閩與張運蘭由粵赴閩之師會合夾擊所屬甚屬周密卽著左宗棠徐宗幹安速商辦飭催林文察迅速由臺內渡趕赴延邵等處迎頭截擊康國器見已取道嚴衢入浦城達閩卽著飭令確探賊蹤迎頭痛剿毋令蔓延腹地將此由六百里各諭令知之○諭前因賊匪由江竄閩如由邵武汀州一路奔趨官軍難以堵截諭令毛鴻賓等飭令張運蘭卽速回本任茲據左宗棠奏江西收復新城後餘賊悉趨閩界竄陷邵武府屬之建甯見在雖經克復賊蹤業已闕入將樂縣境延平軍情喫緊等語閩境賊勢甚重而該省兵力甚不足恃若無大枝勁旅前往剿辦一經蔓延腹地勢將不可收拾著毛鴻賓郭嵩燾遵前旨迅卽檄令張運蘭一軍星馳前進由潮州入閩協同剿洗迅逆氛閩省軍情萬緊該督撫毋得再行任意奏請致誤戎機豫省捻匪漢中髮匪併趨鄂疆隴東鍾京一帶徧地賊蹤官文見已出省督師唐訓方署理巡撫當此事機喫緊之際恐不足以資坐鎮著毛鴻賓郭嵩燾催令吳昌壽趕緊交卸兼程前進迅赴湖北巡撫新任毋稍遲延將此由六百里諭令知之○張之萬毛昶熙奏汝南官軍

自將趙幅員賊寨合圍後賊勢十分窮蹙勢將乘間奔逃疊經南汝光道蒯賀孫等飭各營晝夜巡防殲禁出竄之賊不計其數三月二十六日初更賊寨東西兩門大開匪眾全數擁出遊擊蔣東才等帶隊截殺賊繞寨牆拜命奔逸衝撲勇王廷幹徐雙嬙等營直向北奔總兵趙鴻舉一面派隊搶入賊寨一面督馬步各營跟追沿途斬殺無數是夜趙幅員率敗殘餘匪竄息縣北面岳城一帶遁入王姓水圩內趙鴻舉揮令各營奮勇環攻遊擊呂振河等率馬隊誘賊出濠蔣東才直奪寨門斷其歸路千總蔣尙鈞率勇齊進賊殊死戰蔣東才等各受數傷不稍退怯士氣益壯殺賊二百餘名生擒趙幅員之姪趙汝等十餘名趙逆帶領餘匪遁入徐心田寨旋復遁入劉時安寨官軍於二十八日馳抵劉寨諭令寨首劉時安等毋為所脅分兵扼守寨門趙幅員拚死抗拒參將王文行躍入寨門立將趙幅員殲斃黨與皆斬殺無遺巨擒簡侍然兇惡與趙幅員等近日震懾軍威欲假投誠之名以緩其死臣等知其詭詐就計而行簡侍然來營乞降臣毛昶熙定計先將該寨收復再除首惡當調南汝光道蒯賀孫來城面投機宜三月二十五日派同知馬駿等及親軍壯勇押令簡侍然前往清寨蒯賀孫麾眾入寨立閉寨門令簡侍然指出著名擒匪三十一名訊明正法槍礮器械概行搜出布置既畢傳令將簡侍然梟首示眾觀者稱快降勇王廷幹徐雙嬙當趙幅員率眾出撲時任其竄出狼子野心終不可留當經總兵趙鴻舉密與息縣知縣蔣彙之等以調令填濠為名出其不意將王廷幹徐雙嬙並其黨三百餘人全行誅戮以除後患至徐心田徐汝田亦係積年老槍各踞一寨均難赦宥見飭王文行剋期攻剿其餘敗匪責成趙鴻舉掃蕩以期一律肅清上諭楚軍隨同僧格林沁馬隊在隨州擊敗髮捻股匪斬賊甚多與僧格林沁前奏情形大略相同該逆由天門京山雲夢一帶擄掠民船意圖搶渡均為水師擊退是楚省防堵尚屬嚴密惟髮捻前股見據張之萬聲稱已竄至豫省之信陽州屬黃土平靖兩關距城二十餘里楊柳河等處張之萬前派連美賈文田馮聖傳李承先等營馳扼三關並派遣員葛承霖一軍馳往見已行潛賊後僧格林沁所派之蘇克金恐亦未能續及賊前該逆蓄意東趨皖北兵力甚單深為可慮前經諭旨國藩能否騰出颯超一軍防剿皖北一帶此時事機緊急著即撤令該提督統率所部迅速前往楚皖交界地方嚴密堵遏由信陽東竄之賊並著官文將天門等處股匪力行掃除嚴防東竄皖省之路不得令該逆闖入致滋蔓延仍一面派兵與豫省派出各軍聯絡盡殲醜類多隆阿舊部八千人業已陸續啟程赴楚兵力足資剿辦如何接替分撥著官文妥籌布置僧格林沁當督催馬隊星夜窮追並仍遵前旨檄調陳國瑞一軍赴皖北扼要駐紮以備截擊喬松年當就近分撥兵勇將竄近皖北之匪竭力剿洗暫紮丹陽之揚營兵勇著富明阿迅即調回移紮嚴密堵遏仍與吳棠喬松年互相接應協力堵截張之萬並當檄令連

美等軍嚴扼東甯股匪毋稍鬆懈毛祖熙已將汝南賊巢攻克斬戮巨擒趙福良等並將降勇王廷幹等悉予駢除息縣境內漸次肅清自可騰出兵力移堵髮捻股匪著卽統率所部隨同僧格林沁一軍隨地截擊勿令蔓延至髮逆後股由浙川敗至板橋經張曜會同色爾固善馬步各軍截殺甚多復追入楚境鄖陽所屬之羊皮灘疊獲勝仗該逆勢已窮蹙著僧格林沁官文張之萬檄飭色爾固善並楚豫各軍前截後追務將此股殄除毋留餘孽唐訓方久在戎行熟諳軍務一切戰守布置機宜著與官文悉心籌商以臻妥善將此由六百里諭知僧格林沁官文曾國藩富明阿吳棠李鴻章喬松年張之萬毛祖熙並傳諭唐訓方知之○命福建水師提督楊岳斌督辦江西皖南軍務浙江按察使劉典幫辦軍務○以吳昌壽爲湖北巡撫未到任前以署按察使唐訓方暫署以李瀚章爲廣東布政使李福泰爲廣東按察使由鹽運使○予浙江陣亡參將黃應春等祭葬世職○修浙江海甯州石塘○甲午諭議政王軍機大臣等都與阿奏接奉奇諭趕緊赴防並改道前進一摺據稱本月十九日行抵大同接准德勒克多爾濟函稱自歸綏進兵中有草地無水可汲亦無鍋帳宿處道經榆林山路崎嶇仍須折回殺虎口由關內方可前進並准諭欽文稱亦以榆林地方極苦所有續調直晉官兵應由汾州永甯渡河入陝擬照訥欽所擬路程改道前進等語草地榆林一帶均屬難行該將軍所奏自係實在情形卽著照所請迅由太原汾州馳赴定邊毋稍延誤該將軍行抵定邊著卽將先後派撥各軍相機調遣規取靈甯以副委任餉項軍裝均關緊要著沈桂芬酌派委員辦理俾資接濟晉省所製炸礮火箭甚爲得力並著酌量撥給交該將軍隨帶赴防以資攻剿將此由五百里各諭令知之○諭毛鴻賓奏剿捕菱角塘一帶土匪生擒首逆北江一路肅清一摺英德等縣交界之菱角塘石街蔣洞一帶有馮九指等在彼久踞經張運蘭等設計誘擒餘匪遁入老虎徑之水仙巖洞亦俱困死洞中北江英德陽山一路大致肅清該督擬令張運蘭駐紮南雄州防堵張運蘭一軍疊經諭令帶赴閩省勦辦江浙竄匪江西自新城收復後賊眾悉趨閩界闌入將樂縣境延平軍情喫緊昨復諭令毛鴻賓郭嵩焘檄令該臬司星馳前進由湖州入閩剿賊著卽懷遵疊次寄諭飭令赴閩不得瀆請奏留貽誤戎事其翁源英德交界之瓏口鄉尚有零星土匪逃匿著飭地方文武實力搜擊以期淨絕根株毋任漏網另片奏花旗股匪北正揚由廣德州竄擾江西兼及閩境探聞汀州之甯化甯都之石城皆有賊蹤廣東邊防此時以嘉應州爲最已飭吳贊誠等辦理沿邊團練總期趕賊境外等語所籌尙屬妥協著卽督令派辦各員認真經理先清內匪以免外匪句結不可有名無實如本境邊防已固仍須派兵出境剿洗毋得稍存畛域之見將此由五百里各諭令知之○丁酉諭議政王軍機大臣等富明阿奏江防下游肅清擬裁師船節餉並籌防天長一帶情形各摺片江南一帶自蘇常各郡及汪陰常昭

丹陽等處相繼克復賊遠遁下游一律肅清其江北一帶自瓜州以至通海亦經安謐所有江面駐防之紅軍挖營等船自應乘此酌裁以節餉需該將軍擬將此項大船分為三起先擇其朽爛者遣撤二十五隻派員統帶回粵即以在防礮划移泊防堵俟頭幫啟程後如果江防穩固再將餘船分作二起陸續裁清以免擁擠而重江防並由江南糧臺籌給一月實銀口糧籌畫尙屬周妥即著照所議辦理惟糧臺拮据各船前欠餉銀為數甚多著富明阿即移會糧臺查明取具各幫積欠細冊迅即分咨廣東江蘇兩省由毛鴻賓郭嵩燾李鴻章分別補發遣散各船兵勇務須妥為安插毋令滋生事端富明阿因下游江面肅清難民均經南渡請弛封江之禁以期貨物流通著即照所請行惟金陵尙未克復難保無竄突之虞富明阿仍當督飭見有水師嚴密巡防不得稍存大意漢南髮捻各逆見已竄至豫省之信陽州勢將東趨皖省江蘇襄下河地方素稱饒富鄭保不為賊匪窺伺揚防西路來六全滁等處既經會國藩分兵扼紮而天長一帶尙覺空虛富明阿已將太平洲一帶大礮船全數調回邵伯並擬抽撥隊伍相機剿辦著會國藩富明阿隨時聯絡聲勢互相策應務期遏賊東竄毋令擾及完善是為至要將此由六百里各諭令知之○諭駱秉章奏黔匪闖入邊境調兵剿辦疊獲勝仗一摺黔省正安州號匪竄撲四川南川縣城經唐友耕等督飭官軍民團會夾擊該逆遁回新州老巢復因巢穴攻破由桐梓境內繞竄至綦江連暮之松坎一帶又敗竄扶歡壩乘間圍撲綦江縣城屢經官軍擊敗仍向溫水退走剿辦尙屬出力惟該逆尙游弋於仁懷境內難保不再圖奔突且黔省桐梓地方尙有另股賊匪亦應防其紛竄川邊駱秉章見匪唐友耕在南川等處居中策應調劉嶽昭果後十二營分顧江合兩縣邊境並令成耀星等各率所部駐防綦境所籌甚屬周密即著督飭唐友耕劉嶽昭等認真防剿毋令賊竄腹地致成蔓延至滇邊土匪及黔省苗款各匪分擾敘永包毛仙等又擾及秀山邊界並著嚴飭許蔭棠督志友等軍實力堵遏毋稍疏虞滇匪何金龍等既有蠢動之信敘南防務即責成提督胡中和妥籌兼顧不可稍涉大意將此由六百里諭令知之○戊戌諭內閣劉長佑奏豫省懸岸見存滑縣一處仍請停止捆運並查明運司委無私加各款一摺據稱豫省各處懸岸業由長蘆一律招商認辦僅懸滑縣一處整頓較易若一經豫省捆運本處未能盡銷勢將浸灌他處於全局大有關係所有豫省懸岸著統歸長蘆自行經理豫省無庸捆運以清引岸而專責成至長蘆滯引例准融銷既據查無私加私用各項情弊又據各商呈出領告應交銀數清單查對脗合公同出具甘結所有前次張之萬奏蘆商把持運使受其蒙蔽各款均著毋庸置議該督仍當隨時細心訪察實力稽查如有前項情弊即行從嚴懲辦以整漕綱○諭議政王軍機大臣等總理各國事務衙門奏請派京營弁兵學製火器一摺據稱洋人所製炸礮炸彈等項尤為行軍利器見在李鴻章軍營製造此項火器已有

成效擬請飭火器營於曾經學製軍火弁兵內揀派武員八名兵丁四十名發往江蘇一體學習等語所奏自係爲思患豫防起見本日業經諭令火器營照該衙門所請派撥矣此起弁兵俟抵江蘇後即交李鴻章差委專令學習炸礮炸彈及各種軍火機器如能畱心學習著有成效者准該撫從優奏請獎勵其有怠惰偷安不遵約束者即照軍法治罪該撫務當明定勸懲俾該弁兵等盡心講求該弁兵等到蘇後該撫務須加意稽察妥爲防閑所有應給薪水等項卽由江蘇酌定支發准其作正開銷原摺著鈔給閱看將此諭令知之○諭有人奏前暫署陝西巡撫按察使張集馨奸邪險詐諂媚卑污於多隆阿初到省城時獨迎於十里以外並不與司道同見致使陝省有巡撫公服跪接欽差之謠縱使並無其事而眾口已傳爲笑柄其所參文武官員均係仰體多隆阿之愛憎如提督馬德昭臬司劉鴻恩及各州縣等其中儘有循聲素著有功無過之員而馬德昭尤爲陝甘兵民所悅服屈列彈章公論無不惜之漢中鎮總兵余福象爲多隆阿所狎比捏報戰功保獎提督銜花翎勇號儘先遊擊陳東霖綽號陳鐵匠以緝拏逃勇爲名妄殺民人沒其貲財且過一州縣必索重賈凌虐官民無所不至候補道李宗燾並有跪求多隆阿緩攻蓋屋保全家小等事是否實有其事著劉蓉確切查明據實具奏單內所傳奇方一張有薑桂劉奇奴陳皮李核等藥名係指何人而言其傳此方之呂洞賓又係何人並著劉蓉一併查明詳晰陳奏毋稍徇隱原單著鈔給閱看將此密諭知之○沈葆楨奏三月二十九日閩浙督臣左宗棠派援之副將劉明珠擊賊於十七都道員王德榜擊賊於鳳凰山均獲全勝三十日副將顧雲彩抽入成隊置玉山縣知縣章徵以義勇民團繼之會於距城五里之東津橋鏖戰兩時顧雲彩陣斬逆首傅泳珊等賊始稍卻營官顧文福等四面追殺有穿黃龍馬褂騎賊落荒而走顧文福擊以洋槍應聲墮馬賊陣大亂追奔二十餘里王德榜從十里山分剿劉明珠從螺涼山分剿合計斃賊三千有奇玉山城圍遂解副將戴奉聘等堅守華埠營盤賊以萬眾環攻三晝夜智窮力竭而退該營亦拔隊跟追至玉山王德榜劉明珠遂統隊疾趨廣信其香屯林河曹門一帶逆壘疊經內河水師及樂平練勇所挫遂於四月初一日夜遁初三日樂平縣知縣孫鑑復督勇追及於德興之黃柏園斃賊二百餘名各路鄉團助之窮追二十餘里又殺賊七八百名樂平肅清德興亦無賊蹤賊由戚公鎮方家墩分竄七貴七陽縣知縣葉珠貴溪縣知縣周湖賢均嬰城待援初五日提督黃仁遠等馳入貢溪城初六日賊以萬餘眾三面撲城我軍槍礮猝發斃其前鋒百餘該逆退紮離城五里外之騎龍山是夜哨長羅福隆平廣勇二百餘人銜枚潛進各營以二成隊應之該逆張皇失措棄壘遁走探聞沙溪之賊已分路南渡從上饒縣屬之上瀘坂至鉛山縣屬之湖坊陳坊徧地賊蹤然廣信廣豐必無他慮惟七陽被圍勢殊岌岌道員陳鳴志等

已疾馳往援又聞該逆已從黃沙港過河道員王沐紮營於貴溪南岸以備之臣查兵數賊數多寡懸殊所賴各保要區使之無可依踞玉山樂平均當賊衝一則力戰卻敵一則保護全境兼援鄰封均屬著有微勞浙江補用道王德榜等相應開列懇請獎勵其餘出力員弁勇丁可否由臣擇尤保奏之處出自 鴻慈其陣亡之團紳副貢黃夢槐軍功何啟昆仰懇飭部照外委例卹又奏南豐踞逆以祥衛兩營移紮兗港四月初五日逆眾分撲韓席兩營席寶田韓進春奮擊卻之殺賊千餘名初七日席營回紮百花亭卽令祥衛兩營先行回顧建昌其僞王宗一股復由閩境回竄新城之樟村爲天將林政揚

一股竄入甯都州界見仍飭席寶田等相機進剿又奏續探得四月初四日賊數千人直撲弋陽之小北門城上施放槍礮擊斃數十人水師輔之賊稍卻另股數千繞撲東門軍功吳金龍然大礮擊斃黃衣賊目一人賊黨數十人忽山後突出黑

旗悍賊萬餘蟻附城下莫金龍中槍殞命初九日精捷左營道員陳鳴志等督隊馳赴弋陽該逆大隊業已過河以悍賊千餘拒敵於離城十里之連湖城相持良久適大雨如注我軍佯爲收隊賊遂退走提督徐生德等捲旗起城賊驚駭競趨

浮橋人擠橋斷溺死甚眾不及渡者均被我軍擒斬弋陽城池甫陷隨復 上諭見在德樂雖已肅清而分竄之賊復擾及貴溪沙溪賊復分路南渡擾及上饒鉛山之上瀘坂湖坊等處是東路賊勢仍形喫重亟須極力勦辦提督黃仁遺等見入

貴溪繼果營道員王沐紮營於貴溪南岸著卽督飭該提督等分投堵剿力圖掃蕩南豐踞逆負隅如故而僞王宗一股復由閩境回竄新城之樟村林正揚一股復竄入甯都州界是東路情形愈形喫重王文瑞已抵袁州派隊進扼永豐卽著督

飭道員席寶田韓進春等安速進兵迅將南豐攻拔並將由閩回竄之賊亟圖掃除勿令紛竄昨已有旨命楊岳斌督辦皖南江西軍務劉典幫辦軍務所有由皖浙續竄江西之賊當可以資堵截該撫俟該提督到後可卽與之會商勦辦機宜一面

嚴飭本省見有之兵迅克南豐保全完善是爲至要將此由六百里諭令知之○僧格林沁奏四月初九日髮逆藍姓倪姓范立川戴侍保及陳大濤捻股悉在應山縣以北盤踞有北趨之勢而張總愚敗匪已由馬平港梟水渡過府河向德安府

城西洛陽店一帶狂奔欲與前股髮逆勾合臣卽會商官文督飭各軍迎頭截擊並札總兵楊朝林等馬步各軍躡蹤勦辦務將張逆敗匪悉數窮除臣於初十日督帶馬步各隊冒雨前進十一日至應山縣探得藍逆向在距應山五十餘里之孟

板店一帶麇聚倪逆與陳逆股匪已竄出黃土關北遂飭翼長蘇克金帶領所部馬隊扼要堵剿俟陳二逆股匪臣於十二

日督帶馬步各隊行至孟板店以南高樓板地方該逆膽敢列仗抗拒當令翼長舒通額等馬隊分路鈔擊斃賊多名該逆敗

退我軍追至孟板店該逆糾合援賊迎拒提督傅振邦等帶隊分兩翼相輔而進斃賊無數該逆翻山逃竄舒通額等分六路

業已拔營前赴徐州聽候僧格林沁調赴臨淮此時賊雖未入皖疆而軍情旦夕變遷逆迹剽悍尤宜先爲籌畫以備不虞著僧格林沁卽飭該提督一軍擇要駐紮或卽調赴臨淮如賊勢東趨卽行馳往援應以資扼截毋稍疏虞本日據穆圖善奏已飭常星阿六起馬隊徑赴僧格林沁軍營聽候調遣此軍到後著該大臣妥爲調度飭令與前敵馬步各軍迅將楚豫交界之賊四面圍剿毋任東竄並遵前旨酌撥馬隊數百名赴喬松年軍營喬松年卽將克蒙額馬隊騰出飭赴揚州聽富明阿調用喬松年另片奏李世忠所散勇丁歸農者不少亦有游手之人誠恐流而爲盜等語滁全天來等處甫經交出該地方久爲李世忠盤踞官民不相聯屬歷有年所此時控馭撫字及一切善後事宜至關緊要喬松年身任皖撫責無旁貸務卽飭令各該地方官妥爲整頓撫綏善類驅逐匪徒毋使無業游民復行嘯聚滋事以靖地方其署滁州知州關平相在任有年旣無裨益卽著另選賢員接署以資治理將此由六百里各諭令知之○諭徐宗幹奏髮逆竄入閩省建甯縣城被陷旋復見派司道大員出省督剿一摺另片奏林文察卽日內渡並催曾玉明回省各等語此次髮逆由江西竄入建甯縣境署都司佟慶帶兵堵截力戰陣亡而該縣文武員弁乃以分駐關隘爲詞置城守於不顧以致賊氛一至城卽被陷賊去之後又捏報克復以爲請獎地步種種畏葸粉飾甚屬可惡乃徐宗幹並不實力查辦輒據屬員稟報之詞含混入奏封疆大吏辦事如此顯預安望其整飭戎行綏靖疆圉耶著傳旨嚴行申飭所請將已革參將吳連陞開復原官並克復縣城出力文武存記彙獎之處著不准行其失守地方之文武員弁並著徐宗幹查明有無聞警逃避情形從嚴參辦至各該員等分駐關隘一節何以先期並不稟報迨至縣城失守始藉口於此希圖卸罪徐宗幹務當認真查出按律懲辦並著左宗棠查明如有前項情節卽將各該員弁嚴行參辦該逆旣有分股由汀回粵之說甯化歸化一帶防務喫重該撫當嚴飭在防員弁實力堵剿不可再有貽誤自干重咎此次所派之道員張啟煊從前帶兵甚不得力徐曉峰在皖營時屢次被人參奏徐宗幹於該二員何以如此信任仍著隨時察看如始終不知奮勉卽著另選妥員接統其軍毋令債事左宗棠前奏請飭林文察內渡剿賊令康國器由浙入閩會合張運蘭粵師夾擊曾諭令該督等照辦見在賊氛正熾左宗棠務當妥籌兼顧儻張啟煊徐曉峰等不甚可靠著左宗棠另行選擇知兵之員酌量改派徐宗幹當恪遵前旨迅速催提林文察康國器兩軍剋日馳赴延邵一帶迎頭痛剿毋令蔓延腹地不可收拾將此由六百里各諭令知之○諭穆圖善奏遵派馬步官軍援楚見已啟程並請飭河南備辦糧草等項各摺片陝省援楚官軍經穆圖善派撥藍斯明蕭河清步隊作爲頭起姜玉順步隊作爲二起剋日陸續前進均歸官文調遣常星阿等六起馬隊徑赴僧格林沁軍營姜玉順一軍已於四月十七日啟程其藍斯明蕭河清

並常星阿等軍究於何日啟程未據穆圖善聲敘著該將軍卽飭藍斯明等馬步各隊迅速分赴僧格林沁官文軍營不得稍事延緩見在分撥楚豫各營兵勇爲數已不爲少甘省兵力尙單不敷攻剿且刻下甘省回氛尤熾亟應移緩就急昨據雷正綰請調陝營兵勇助剿著穆圖善卽於所部之見存十營內撥數千飭令迅赴甘省聽候雷正綰調撥毋得藉詞推諉西蒙克西克兩起馬隊並陳天佑所統東治兩營均於十六七兩日拔隊赴定邊堵剿著都興阿於此起兵勇到時妥爲布置其金順所部馬隊四百名經穆圖善派令赴省以補西蒙克西克之缺惟西安省垣見已安堵如常毋須多兵防守所有金順馬隊仍著穆圖善飭令前赴都興阿軍營其前往定邊之各營馬隊應需軍火糧餉卽著劉啓飭令陝西糧臺按月支領至蕭河清等援楚兵勇應從豫省地方經過見已由穆圖善糧臺備銀數千兩帶赴河南一帶會同經過州縣豫行備辦尙恐價值不敷著張之萬速飭河南一帶州縣設法墊辦准其作正開銷卽在該省欠解協濟穆圖善軍營餉下劃扣歸款穆圖善俟分撥各營事竣著剋日啟程赴楚官文俟穆圖善到後妥商調度務當力遏賊匪東竄皖疆之路就地殲除毋任蔓延將此由六百里各諭令知之○諭勞崇光等奏官軍追剿何二逆股獲勝清鎮解圍長寨等城被陷卽復下游各屬剿匪疊勝各摺片開州逆匪何二糾黨復圍清鎮縣城經林自清等軍認真守禦城圍立解賊仍向開州遁去其被匪竄擾之定番廣順長寨等城亦經趙德昌等先後收復卽著勞崇光張亮基嚴督派出各軍乘勝進攻由朱昌堡五里橋等處跟蹤追剿務將此股賊匪聚殲毋畱餘孽下游之龍泉湄潭並石阡府清江廳思州府等屬之匪雖經官軍疊獲勝仗惟該逆並未殲除淨盡亟應分投剿洗以期早就肅清著卽檄飭各路官軍實力掃除爲一鼓蕩平之計獨山州屬之已賴旁寨等處賊匪恃險負隅必須厚集兵力方足以資攻剿所有全祖凱姚華勝所部兵練四千餘名卽著該督撫飭令帶往獨山荔波分界處所會同楊廷桂等分投剿辦並催周洪印等軍由黎平古州一路跟追以收夾擊之效另片奏林自清隨同官軍剿匪所向有功實堪嘉尚著俟該員起病後准其以原官酌量簡用以示鼓勵將此由六百里各諭令知之○辛丑諭議政王軍機大臣等前據御史周恆祺奏稱奉天省吏治民風漸不如前宜籌豫防之策一摺當交寶琦查明具奏茲據寶琦查明先將辦理大概情形覆奏據稱奉省積案之多由於奏交咨文及省控各案均委治中糧廳承德縣二處審辦該員等本任政務已屬殷繁不免顧此失彼是以愈積愈多見擬另設臬局擇候補中聽斷優長者分案審理並擬將委審各員分別獎懲又州縣界址遼闊捕役無多營兵數少捕務難望起色擬令旗署捷捕營兵與地方有司聯絡聲勢相輔而行又擬揀調各省廉能各員並陳明州縣政績候旨升用等語所籌尙屬周妥所有設立臬局獎懲委審各員及派委旗兵捕盜各條均著照所議辦理其揀員籌餉統兵督緝章

程即著王明賢珮德椿妥速定議具奏至捕獲及捕盜營兵丁素與盜匪通聲氣尤當責成營員及地方官隨時訪察若因兵役爲數無多遽議增添恐其中愈多流弊不可不詳加斟酌至所請於各省州縣中著名廉能各員內揀調四員飭發奉省補用之處著俟該將軍等奏到時再降諭旨其所稱於州縣歷任三年據其政績事實陳明候旨錄用並不得列入保舉案內以杜瞻徇冒濫一節亦著照所請行惟立法固期周密而致治尤在得人奉省吏治捕務廢弛已極非力加整頓不足以除積習而挽頹風王明等務當振刷精神實力奉行總期吏治捕務日有起色方爲不負委任儻有名無實僅以更定章程一奏塞責致地方事務益形廢弛恐該將軍等不能當此重咎也將此各諭令知之○飭四川山東山西河南各籌撥甘餉三十萬兩○壬寅諭內閣奎棟奏葉爾羌參贊大臣昇廉於正月初四日啟程進口就醫順道回旗等語覽奏實堪詫異前據常清奏昇廉因病咨請開缺當經降旨賞假一箇月調理毋庸開缺並據昇廉自行陳請開缺亦經批示賞假調理昇廉如果病勢沈重亦應再行具摺陳請靜候諭旨遵行乃於發摺後迫不及待徑自交卸啟程進口殊屬輕率昇廉著傳旨嚴行申飭卽著無論行抵何處迅速折回葉爾羌本任毋得任意遷延致干重咎○癸卯諭議政王軍機大臣等馮子材等奏分兵戍守金壇丹陽各城並請分撥兵勇一摺丹陽攻克之後經馮子材等派出將弁將潰賊捕斬殆盡張文德見在駐守金壇陶茂林見在防守丹陽著卽飭令該總兵等統領在防將士嚴密梭巡查拏土匪與句容東壩等處防兵聯絡聲援嚴扼上游竄賊毋稍疏懈所稱鎮防兵勇除留戍鎮江丹陽金壇三城外尚可抽出四千名或派往江皖各省或分起遣撤等語見在髮逆麇聚楚疆時思東竄皖北防兵究嫌單薄此項兵勇四千名著曾國藩喬松年酌量情形如可得力卽咨行馮子材等調往臨淮歸喬松年調遣以資防剿如體察皖北情形無須添兵此項兵勇卽可不必調往著一面奏聞一面咨會馮子材等分兵妥爲遣撤以節糜費將此由五百里各諭令知之○諭慶昫奏接奉二月寄諭並近日防守情形一摺據稱甯夏滿城被圍日久聞派訥欽往援人情欣盼近日賊數已減賊情亦渙聞有援軍倉皇情形畢露等語自尙未知簡派都興阿督辦甘肅軍務進援甯夏之旨甯夏情形雖較前稍鬆而賊未解圍而去必尙爲困獸之鬪著都興阿仍遵前旨由定邊一路前進並先挑勁兵一千名疾趨甯夏迅解城圍該將軍大兵繼進卽酌度情形或分兵越花馬池而西逼近黃河駐紮扼賊東竄此股賊匪已成強弩之末該將軍先聲所到賊膽早寒必能立奏膚功保全台城生命慶昫常陞所籌勸辦各節均尙周密著就見有兵力實力防守並探明援軍已至何處約期夾擊熙麟卽飭趙延煊羅元勳等兵勇進援甯夏訥欽之兵已到何處悉歸都興阿節制都興阿軍火由慶陽糧臺支發雷正綰餉需著劉蓉隨時籌解不得延誤平涼援賊已

盡諒可卽日得手著雷正綰催督各兵一鼓攻拔以便騰出兵力節節掃蕩慶陽需餉甚殷沈桂芬遵照昨日諭旨速解三十萬兩赴慶陽糧臺並將晉省所製炸礮火箭等項酌量解赴都興阿軍營以資利用將此由六百里各諭令知之○以捐備京倉採米經費賞還已革江南河道總督潘錫恩原銜○甲辰曾國藩奏丹陽一城經富明阿馮子材會師攻復後偽瀨王偽甘王等巨酋糾敗賊三四萬眾圍犯東壩並分股圖犯高淳四月十三日水師營官柳壽田迎擊於固城湖敗之高淳守將蕭信集等追擊於楊村又敗之賊遁回漆橋時鮑超正欲馳諭譚勝達率東壩各營先剿大山頭一股仍親督騎隊專剿漆橋一股詎行抵漆橋賊已合股併向東壩一路十四日譚勝達商之吳雲集等軍募食出隊師次安興該逆迎面撲來諸將士奮勇直前節節掃蕩甘逆瀨逆率悍黨正在高岡督陣不料我軍猝至賊眾大潰悉向湖州廣德竄去是役斃賊約七千人中有偽王等十七人查丹陽各賊股意在衝出東壩由皖南併竄江西經鮑超飭令譚勝達等督軍痛剿雖未能悉數翦除而下游多殺一賊卽上游少竄一賊見在鮑超卽日上援江西臣已撥餉銀十萬兩交鮑超冀速師行此次出力員弁仍請附入東壩句容各案內彙保優獎其陣亡之副將張遇春等請旨飭部各照本職本銜從優議卹又奏據報徽州南路有賊詢其首目爲偽烈王林逆偽鱗王朱逆及偽爵潘忠義李石黃棕保等究其來路蓋江陰楊厘之敗賊常州城外之壘賊由丹陽等處上竄從昌化闖入歙境距郡城三四十里四月初十日徽郡守將唐義訓率所部六營馳出城南爲迎頭截剿之計是夜唐義訓以一營伏鍾塘嶺後十一日以五營進遇賊接戰伏軍並發殲其前鋒金國琛毛有銘會帶馬步十二營行抵富塢隔河屯紮傳餐未畢賊以大股麇至我軍猛撲猛進更以騎卒沿隄包鈔唐義訓適從鍾塘嶺尾賊而至兩面夾攻俘斬千餘人解散不可以數計逸出之賊遁向黃山小路復於十二日爲唐義訓所敗賊既趨重黃山則歙休之北夥縣之東均形喫重十三日我軍馳抵五弓橋賊已揚旗而來唐義訓揮令各營從溪河上流大呼衝入斬賊無算十四日金國琛毛有銘等亦率各營自五弓橋疾進聲威大震羣賊驚亂不復成伍奪路狂奔生擒林義等十酋陣斬潘忠義等十四酋死者散者實有二萬餘眾敗殘零賊潛向上溪口南竄不過二三千人婦女輜重馬匹器械拋棄略盡此次續竄股匪經各軍拏斬解散約去十分之八入江之匪無幾軍威爲之一振在事出力員弁可否容臣酌量保獎之處出自 聖裁又奏蘇浙羣賊由徽上竄者約分六起第一起爲偽涪王等係深陽宜興敗出者見尙踞江西之南豐縣城暨分竄汀州等處第二起爲陳炳汶汪海洋等係杭州敗出者尙延莫於鉛山之湖坊陳坊等處第三起爲偽侍王來自湖州由徽入江攻陷弋陽四月十六七等日圍撲撫州旋退至金谿之許灣將與南豐股匪合爲一路第四起爲江陰楊厘之敗賊常州城外之壘賊卽唐義訓金國琛等軍十三日在歙休境內所

破者也其金壇句容敗出之賊是否在内尚未可知常州克城之時各頭目與兩粵老賊均就駢誅無一漏網不至貽患上游至丹陽逸出之賊雖在東壩一敗餘黨悉趨廣德湖州是將爲第五起湖州堵輔二悍酋徒黨尙眾又將爲第六起無不圖竄徽境併犯江西目下賊情以江西爲最重而江西之待援實比皖北爲尤急鮑超全隊四月必可成行五月當可到江自不宜改援皖北致負江西軍民雲霓之望至周寬世金國琛兩軍見因侍逆南竄已遠卽調駐祁門漁亭伏甯等處以備迎堵續至之賊俟丹陽湖州廣德各股竄盡再行馳入江西會剿 上諭議政王軍機大臣等丹陽敗賊意在衝出東壩由皖南併竄江西經鮑超等督軍痛剿大挫兇鋒江陰等處敗賊續竄徽郡者亦經唐義訓金國琛毛有銘等於鍾塘嶺五弓橋一帶屢獲大勝擒斬解散約去十分之八勦辦甚屬可嘉出力員弁卽著賞國藩酌量保奏候旨施恩蘇浙羣賊由徽上竄約分六股第一起僞涪王等尙踞南豐並分竄汀州等處第二起陳炳汶汪海洋等延蔓於鉛山境內第三起僞侍王攻陷弋陽退至金谿將與南豐一股會合第四起股匪雖經唐義訓等所破而丹陽逸賊悉趨廣德湖州其湖郡之堵輔二悍酋亦將接踵併犯江西是目下軍情江西之待援比皖北爲尤急曾國藩調周寬世金國琛兩軍分駐祁門漁亭等處迎堵續至之賊而檄鮑超全隊上援江西並撥餉銀十萬以速師行斟酌緩急甚合機宜卽著飭令鮑超剋日拔隊援江西稍延緩楊岳斌督辦江西皖南軍務責無旁貸卽著懷遵前旨迅赴江皖交界扼要處所居中駐紮督率諸軍會同劉典力圖掃蕩沈葆楨督飭江右諸軍實力防堵並將南豐攻拔盡殲踞賊毋令旁竄曾國藩力疾強起照常治事具見公忠體國之忱此時上游髮捻圖援金陵而金陵圍師與江西羣賊亦均在危疑震撼之際軍事方殷非該大臣督率調度不能竟此全局也將此由六百里各諭令知之○諭官文奏官軍追剿獲勝下游情形喫緊派兵分剿請截雷英毅湘果各營各摺片隨州賊匪盤踞八里畝經總兵楊朝林擊敗逃竄馬平港僧格林沁馬隊馳往應山楊朝林移營德安總兵梁洪勝將棗陽南竄之賊擊敗於安郡曰口永漣河等處並將圍逼天門縣城及竄擾阜市之另股各匪擊退見在天門應城德安等處賊勢甚重其擊敗之賊復回竄隨州之南山官文見咨商僧格林沁駐軍德安會軍夾擊著僧格林沁卽酌量情形移軍前往四面兜剿並分兵繞出賊前力遏賊匪東竄之路總期就地殲除毋令闖入皖境武昌省城防守事宜卽著唐訓方嚴密布置不可稍涉大意前據穆圖善奏派藍斯明姜玉順蕭河清等步隊剋日啟程此時已行抵鄂境僧格林沁見調蕭河清一軍赴該大臣軍營著卽飭令該總兵前往聽候調遣其餘步隊各軍應分隸何路著僧格林沁官文會商調度常星阿所統馬隊俟到鄂後卽著歸僧格林沁調遣前據嚴樹森奏請將陝西所派英毅等二十營撤回當因英毅六營已入楚境應否留楚

諭令官文知照劉蓉辦理見據官文奏稱賊蹤去秦較遠陝軍勢成尾追不能繞前迎擊應需餉精亦難籌給著官文劉蓉即檄令此軍無論行抵何處迅即撤回陝境其李雲麟所統湘果等十四營前經劉蓉議令暫緩撤遣本未令其畱楚著劉蓉仍遵前旨責令在陝南搜捕餘匪毋庸飭令赴楚所有英毅六營勇丁應否畱防陝境或飭令赴援甘省及酌量裁撤之處著劉蓉酌量辦理將此由六百里諭知僧格林沁官文劉蓉並傳諭唐訓方知之○予江南陣亡副將張遇春等祭葬世職○乙巳諭議政王軍機大臣等富明阿奏撤回南渡各軍及水路布置情形並催調克蒙額馬隊各摺片丹陽一城前據馮子材等奏已派陶茂森前往接守見在髮捻麤聚楚境天門應城德安等處賊勢甚重該逆不能南竄勢必東趨是江皖各境之防關繫尤爲緊要富明阿前畱守丹邑之楊心純五營並詹啟綸所部五千人即著全數撤回分籌布置以資扼守該將軍擬派副將劉成元等營馳防天長等處並令吳全美美師船移泊瓜州以防上游竄賊所籌均尙妥協惟天六儀揚一帶皆保坦途無險可扼務當飭令各營互相犄角聯絡聲勢以防竄突並隨時與曾國藩吳棠喬松年所派分防皖北各軍聲息相通妥籌勦辦毋稍大意將此由五百里諭令知之○諭喬松年奏續報皖北情形並派兵駐守滁州等處各摺片楚北賊匪分竄信陽應山等處賊蹤飄忽靡常不可不嚴爲戒備該撫已飭臬司英翰駐守亳州以防土匪布置尙妥普承堯何紹彩兩軍經曾國藩派令分駐廬州巢縣斷難移動鮑超一軍昨據曾國藩奏稱仍遵前旨赴江西援剿亦未能分顧皖境陳國瑞一軍該撫擬令扼紮潁六之間著即稟商僧格林沁辦理如兵力尙單可即將馮子材派守金壇等處所餘兵勇四千名仍遵前旨酌量調赴臨淮以資防剿滁州天長等處業經吳棠等派遊擊張從龍等帶勇前往駐紮所有善後事宜即著該撫飭令各州縣實心經理克蒙額馬隊前有旨俟僧格林沁酌撥馬隊到臨淮後再令赴揚茲據富明阿奏此項馬隊僅存八十八畱於臨淮不能成隊若早調來揚可以合成勁旅尙屬實情所請於常星阿未到之先即飭克蒙額管帶赴揚以資得力之處著喬松年酌量辦理將此由五百里諭令知之○諭徐宗幹奏逆匪竄陷甯化旋即克復並分路追剿布置情形一摺江西竄匪闌入閩疆分股竄陷甯化縣城經官軍會合鄉團壯勇馳往攻剿即將縣城收復餘匪分擾將樂歸化建甯縣境其皖浙逆匪李侍賢等股分由徽州開化竄至上饒鉛山廣豐等境內逼近崇安浦城等縣見經徐宗幹飭令署臬司徐曉峯等駐紮延平建陽策應北路道員張啟煊駐紮泰甯援應中路道員陳維漢駐紮將樂並飛催署總兵祿魁等援應清流長汀以顧南路即著督飭徐曉峰等軍嚴密布置相機策應惟賊蹤飄忽靡常此次竄陷甯化之匪雖經諸軍擊退並未大受懲創此後恐尙有另股逆匪陸續竄入閩境徐曉峰張啟煊等軍是否得力能否遏截兇鋒著左宗棠徐宗幹仍遵前旨隨時察看備始

終未能奮勉卽另選委員接統其軍毋得稍有瞻徇致滋貽誤左宗棠前派援閩之康國器一軍計已啟程林文察一軍前據徐宗幹奏稱卽日由臺內渡卽著左宗棠徐宗幹迅速催提剋日馳往延邵一帶迎頭截擊並飛提張運蘭所部卽日由粵入閩會同康國器等軍儘力兜剿毋任逆蹤紛竄腹地江西賊勢蔓延曾國藩所派之周寬世金國琛等軍前據奏稱雷禁祁門漁亭等處未卽入江卽著飛催鮑超迅率所部剋日馳援江西毋再延緩楊岳斌前經諭令馳赴江境交界駐紮督辦江西皖南軍務本日據熙麟奏衰病難支陳請開缺當經降旨允准並將楊岳斌補授陝甘總督甘省回氛甚熾亟須大員前往勦辦惟見在江皖軍務正形喫緊著楊岳斌仍遵前旨迅赴該二省適中之地擇要扼紮督率各軍會同劉典所統之師力圖掃蕩俟江皖毗境肅清卽行奏請馳赴新任其江西與閩省界連各境著沈葆楨嚴飭在防各軍與閩軍實力防剿不得稍分畛域並迅飭席寶田等將南豐攻拔盡殲醜類毋任擾及他境徐宗幹奏稱建甯甯化相繼失守雖旋即克復究屬防堵不力自請議處等語徐宗幹著交部議處該二縣失守地方文武各員並著左宗棠徐宗幹查明參辦毋稍寬縱將此由六百里各諭令知之○諭都興阿奏遵旨赴防行抵太原趨程前進一摺另片奏請調兵勇人員及抽撥洋槍各項等語熙麟奏通籌甘省軍務仍請派令僧格林沁督剿恩麟奏籌辦甯夏軍務情形摺片覽奏均悉都興阿行抵太原接奉寄諭刊刻木質關防著卽照辦並著督率各兵星馳前進遵照屢次諭旨迅解甯夏之圍毋稍延緩所請抽撥洋槍八百桿已諭知管理神機營王大臣照數撥解另單請調文武各員除候選道榮祿另有差委其侍衛額爾登布等四員均諭令赴甘肅軍營差委矣該將軍又以曹克忠勇敢善戰請令赴營並令劉蓉另派駐防隴邊等語曹克忠駐守汧隴一帶係爲豫防甘肅逆氛回窺秦中而設能否另派勁旅防守抽出該總兵所部赴都興阿軍營調遣著劉蓉酌度具奏熙麟奏衰病情形並懇暫派文煜代理見辦公事本日已有旨令熙麟開缺回旗調理熙麟啟程以後所有慶陽防守及糧臺一切事務均交文煜辦理文煜係棄瑕錄用之員務須振刷精神力圖報效以副委任熙麟所請令僧格林沁督師赴甘其摺內所稱河南僅贖零匪該王見駐嵩縣自係得自傳聞均未確實河南匪勢趨重湖北且時有東竄皖疆回救金陵之意該親王駐軍信陽州責任極重斷難西行甘肅見有都興阿督辦雷正綰幫辦如果申明紀律節節勒辦無難立奏膚功也恩麟奏憑陳籌辦甯夏軍務情形並密陳辦法一片殊嫌嘍辯梁生嶽辦撫賊匪既未獻城歸順則慶昫之不再羈縻嬰城固守自屬正辦梁生嶽定安二員主撫無功是否藉以緩師意存畏葸著都興阿查明參奏恩麟另片奏軍營鼓舞人才惟恃爵賞前奏各件或因道路羈延未據奉到或經部議駁斥未能盡准一切呼應不靈懇請於所奏事宜及保舉人員俯賜准行等語朝

廷用行政一秉大公恩麟前後所陳及保升各員亦多有奉旨俞允者他省軍營所奏亦多有奉旨駁斥者惟在權衡當否歸於至善該護督如果保舉與例相符措置悉無乖謬自當照行俾資觀感否則賞罰者天下之公器亦斷不能為該護督曲徇也將此由六百里諭知都興阿熙麟劉蓉文煜並傳諭恩麟知之○熙麟以病免以楊岳斌為陝甘總督由福建水未到任師提督遷以前以西安將軍都興阿署理都興阿未到任前仍以布政使恩麟暫行護理○丙午諭內閣古今治亂得失之源聖賢身心性命之學莫備於經君臨天下者所當朝夕講求期有裨於治理著倭仁賈禎選派翰林十數員將四書五經擇其切要之言行爲講義敷陳推闡不必拘泥排偶舊習總期言簡意賅仿照大學衍義體例與史鑑互相發明將來纂輯成書由掌院學士裝帙進呈以備觀覽○丁未諭內閣官文奏都統銜鑲紅旗護軍統領舒保由湖北楊家河地方追剿紛竄髮逆斬馘甚多復於四月十一日分路追擊二十餘里斃賊無算直抵壽山時已薄暮層岡深澗不利馬戰舒保見賊來甚眾直前賈勇力搗中堅與德隆阿等陷入重圍力竭陣亡等語舒保自到湖北帶兵以來屢卻悍寇屢復名城十餘年來戰功卓著此次因極力追賊陷陣遇害寬奏殊深悼惜舒保著照都統陣亡例從優賜卹任內一切處分悉予開復並加恩予諡入祀昭忠祠於湖北武昌漢陽黃州德安襄陽建立專祠歷年戰績並著宣付史館伊子倭克吉訥侯及歲時由該旗帶領引見候旨施恩以示篤念勳臣至意尋予祭葬世職贈太子少保諡貞恪○諭議政王軍機大臣等官文奏護軍統領舒保力戰陣亡並分飭鎮將遏賊東趨各摺片已明降諭旨將舒保優卹建祠予諡並將德隆阿等一併附祀專祠矣髮捻合股闖入楚疆雖經格林沁等督率馬步各隊累戰皆捷而大股麇聚於阜市巡檢司等處擾及京山復分股一自宋河至隨州之南山一自楊家河至德安互延二百餘里捻首牛藩紅圍犯德安窺伺黃孝其黃土關一股復由東篁店廣水驛竄至孝感縣屬之二郎畝等處是漢江以北羣賊如毛亟宜盡力勦洗著僧格林沁官文等遵照前旨督飭各軍四面兜剿務將下游武漢及大江北岸竄路竭力遏截並分飭蘇克金傅振邦等繞出賊前毋令竄入皖豫邊境光固一帶著張之萬派撥勁兵豫為防範以備不虞英霍毗連楚境更覺喫緊著曾國藩喬松年督率地方文武嚴密布置俾該匪無隙可乘惟該逆等以援救金陵為名故能號召匪徒固結不解為今之計若將金陵迅速攻拔則該逆失所依附眾心渙散剿滅必易是攻拔金陵洵為目前第一要務曾國荃率師合圍已經數月布置自必周密著卽督率諸軍會合彭玉麟水軍奮勇進攻迅拔堅城以副委任金陵城內醜類尙多圍攻斷不可稍有瑕隙致令乘間出竄貽誤他省如由何處衝突而出卽惟何處統兵之員是問李鴻章所部兵勇攻城奪隘所向有功破隊尤為得力見在金陵功在垂成髮捻蓄意東趨遲恐掣動全局李鴻章豈能坐視著卽迅調勁旅數千及得力

礮隊前赴金陵會合曾國荃圍師相機進取速奏膚功李鴻章如能親督各軍與曾國荃會商機宜期辦更易得手
酌度情形一面奏聞一面迅速辦理曾國藩身爲統帥全局在胸尤當督同李鴻章曾國荃彭玉麟和衷共濟速竟全功堵
穴擒渠同膺懋賞並著左宗棠嚴飭蔣益澧高連陞等迅拔湖州郡城肅清全浙騰出兵力馳援江皖一帶地方俾免蔓延
貽誤江北天六等處地廣兵單該處爲裏下河一帶門戶恐賊匪垂涎完善前諭富明阿將援勒江南之師悉數調回分投
布置見在計已到防如果賊有竄近消息而兵力尙有不敷卽著李鴻章調派得力之兵妥籌兼顧陳國瑞一軍應令移紮
何處仍著僧格林沁酌量調派一面迅速奏聞徐宿清淮等處並著吳棠隨時整飭加意籌防期於有備無患將此由六百
里各諭令知之○諭崇厚奏日斯巴尼亞國遣使來京請立通商條約一摺日斯巴尼亞國使臣瑪斯呈遞照會請立條約
並呈出所奉全權憑據崇厚見令該國使臣在津候旨所有通商立約事宜卽著薛煥崇厚與該國使臣妥爲辦理並發去
全權大臣諭旨一道如該使索取卽可照案鈔錄給子閱看俟立約事竣仍將此旨繳回將此各諭令知之○戊申諭議政
王軍機大臣等穆圖善奏督軍分起赴鄂一摺據稱見在馬步各營均已先後出關該將軍定於五月初六日督隊拔營啟
程等語多隆阿所部前經諭令以八千步隊赴楚如尙有餘兵撥赴甘省助剿茲據穆圖善奏多隆阿所部一萬餘人全行
赴楚自未便令其折回著卽催令各軍迅速前進到後交僧格林沁官文分別調遣楚北羣盜如毛得此兵力自無難剋日
奏功惟皖北地方仍形空虛該匪不能逞志於楚恐蓄意東趨由英霍以救金陵不可不慮陳國瑞曾否到潁六駐紮著僧
格林沁曾國藩喬松年速爲布置並著曾國藩喬松年悉心籌畫如兵力實有未敷或函商官文酌撥楚軍或仍遵前旨撥
鎮防兵勇四千人扼紮要地均須早爲籌策萬不可任令逆匪闖入致誤戎機楚軍旣由穆圖善全行帶回鄂境自未能撥
赴甘省雷正綰兵力不充待援頗切劉蓉所部兵勇爲數不少著卽酌撥數營赴甘交雷正綰調遣以厚兵力蔡逆一股關
入鎮安大小心川思欲偷渡漢江前諭李雲麟追躡並令劉蓉檄蕭慶高等邊其竄路何勝必等會合邀擊近日情形若何
久未據李雲麟奏報若此股逆眾迅殄亦可勝出兵力赴援甘省著劉蓉李雲麟督飭將弁速將此股殄滅勿任蔓延川陝
交界地方致辦理又形棘手楚省兵力已厚官文督飭唐訓方設法寬備餉需以收飽騰之效所有劉蓉李雲麟前派追剿
髮逆已入楚境各營著劉蓉李雲麟迅速機調回陝勿令前進將此由六百里各諭令知之○己酉諭內閣歷代史書皆以
帝王本紀冠諸簡端我朝 列聖相承均經國史館恭修 本紀敬謹尊藏伏念 皇考文宗顯皇帝至德鴻謨耿光大烈
業經特命開館纂修 實錄見已進呈至五年允宜恭修 本紀垂示後昆著國史館總裁遴派提調等官督率臚錄詣 實

錄館將業已進呈之書照副本恭繕一分恪遵編纂隨時進呈於 實錄告成後陸續辦竣所繕 實錄副本即恭藏史館以

資考證○諭議政王軍機大臣等沈葆楨奏侍逆突犯撫州血戰解圍並弋陽克復廣信等處擊賊情形進攻南豐各摺片侍

逆由金谿犯撫州猛撲東門外之文昌橋經劉于濬等奮勇截擊賊仍敗回金谿撫州之圍遂解惟侍逆自撫州受懲後循河

而南圖窺建昌勢尚鴟張著沈葆楨督飭劉于濬等軍乘勝跟追擒斬首逆務將此股賊匪就地殄除毋令蔓及他境官軍圍

攻南豐追至城下守備楊明發等奪門而入均經中槍殞命該縣城池未能即復是否後隊不克繼進以致未能得手著沈葆

楨檄飭席寶田韓進春等激勵各營迅復南豐縣城以期節節掃蕩偽王宗一股由新城溫溪入金谿界以會侍逆林正揚一

股由石城甯都折而西趨爲瑞金雩都興國兵練所擊南入福建之甯化界陳炳汶尚在弋貴之南鄉汪洋於城坊湖坊築

壘尾隊出沒於弋鉛交界之黃沙港金壇句容竄賊復至德興江西省羣賊如毛勢殊岌岌若非及早殄除於全局殊有關繫著

曾國藩統籌布置妥爲兼顧並飛催鮑超帶領所部迅速馳援江西王文瑞見繁永豐劉典已抵袁州應如何厚集兵力分路

進剿之處著楊岳斌沈葆楨妥籌辦理江皖情形甚屬喫緊著楊岳斌懷遠前旨速赴該二省扼要駐紮力圖掃蕩將此由六

百里各諭令知之○廣江蘇鹽城縣學額七名高郵州三名湖北通城七名四川洪雅二名簡崇慶廣安印瀘瀘綿竹達渠仁

壽南苑三台中江樂山隄爲峨眉榮宜賓富順蒲江各一名○予江蘇陣亡總兵官張行科江西陣亡參將胡迪堂等祭葬世

職○庚戌諭內閣前因權授江蘇省總兵戈登協克常州降旨賞加提督銜並頒給旗幟功牌以示優異仍俟將常勝軍部署

妥協再由李鴻章奏請嘉獎茲據李鴻章奏戈登部署所帶之常勝軍甚屬妥協請旨嘉獎等語戈登自上年春間協同官兵

攻克福山解常熟之圍又克復太倉州崑山吳江各縣及蘇州省城本年克復宜興溧陽縣並擊退楊庫竄賊攻克常州府城

屢著勞績茲復將常勝軍布置妥協俾克經久利用不但始終奮勇出力且能深明中外和好大體殊堪嘉尚戈登著賞穿黃

馬褂賞戴花翎並頒給提督品級章服四襲以示寵榮○諭議政王軍機大臣等李鴻章奏裁遣常勝軍連日辦理就緒各情

一摺常勝一軍經李鴻章設法裁遣酌留礮隊六百人槍隊三百人分紮蘇州崑山等處籌辦甚屬周妥惟據稱先將外國兵

頭撤遣厚給川費限三日內出城次即遣散中國兵勇酌給盤費驅令出城等語外國兵頭遣散後見往何處是否在上海逗

遛中國兵勇均已帖然就道是否各回本籍抑仍在蘇滬一帶結隊成羣李鴻章仍當嚴密查察此等強悍之徒業經散遣斷

不可令其復行聚集一處滋生事端已夏禮以上海地面應由中國派兵保護俾該國得以撤退駐守弁兵該國固爲節省經

費起見但中國地土用中國官兵保護亦屬理所宜然該撫片稱於裁遣常勝軍後擬檄劉秉璋七營移防松滬摺內又稱擬

添調數營駐守上海附近地方未知數營是否即在七營之內未據聲稱明晰至松滬一帶既有防兵而上海附近地方尤應分撥勁兵數百駐守至程學啟所部之軍素爲洋人信服駐防上海非此軍不可本日據總理衙門王大臣奏已與駐京公使言定李鴻章可卽照辦不可再行更調他軍是爲至要另片奏調派郭松林等二十營由宜興分路進取長興調李朝斌督帶水師四營由夾浦口會合進攻以掣湖城賊勢並派劉銘傳等營接防句容東壩等處要隘豫備金陵竄賊等語長興一城得郭松林等水陸進攻不難力拔一俟克復長興後該撫卽當激勵各軍直抵湖郡與浙軍兩路夾擊迅拔堅城惟金陵城大而堅曾國荃所部兵勇圍攻恐未能周市李鴻章仍遵前日寄諭酌調勁旅數千並礮隊數百前往會剿期於速克該撫能否親赴金陵仍著酌度機宜迅速籌辦將此由六百里諭令知之○諭林文察奏官軍搶斬首逆彰化解圍丁曰健奏擊散彰化餘匪暨攻毀曾厝崙一帶賊莊各摺片前因髮逆竄入閩疆屢經諭令林文察率眾內渡嗣因徐宗幹請催曾玉明回省亦經照該撫所請令該署提督回省督辦內地防剿事宜茲據林文察奏逆匪陳在楊金環等襲陷犁頭店員林街各汛地攻撲彰化縣城雖經兵團擊退首逆就擒而張三顯陳弄等逆尙各糾黨嘯聚洪逆亦未弋獲丁曰健奏稱內山招撫太濫賴林各逆復旬結洪橫並各招撫股首分撲彰化縣城內山棟東貓霧犁頭店仍多賊蹤曾厝崙竹圍等賊莊平毀後彰化撲城各匪遵前旨催令林文察曾玉明統率所部迅速內渡以資攻剿其臺灣勦匪善後各事宜卽責成曾元福丁曰健督飭兵勇會同地方文武聯絡鄉團實力辦理曾元福丁曰健係鎮道大員均屬責無旁貸儻日久因循不能竣事以致死灰復燃再煩兵力必惟該鎮道等是問將此由五百里諭知左宗棠徐宗幹並傳諭林文察曾玉明曾元福丁曰健知之○辛亥諭議政王軍機大臣等憚世臨奏審察江西賊情請力保贛江遏賊西渡等語據稱江西贛東廣撫建三郡已被賊闖入無險可扼獨贛江尙可憑河設守力保贛西七郡憚世臨前飭王文瑞劉典兩軍分防該處見經沈葆楨將劉典調赴省城恐賊乘虛竄渡收拾愈難請仍令劉典扼守臨江與王文瑞及水師聯絡布置所籌不爲無見惟江西省軍情前據沈葆楨奏贛江以東賊氛甚熾省城防範不可稍鬆沈葆楨將劉典一軍調回自係爲回顧根本起見但贛江一帶防兵單薄應否添派勁兵駐紮與王文瑞分投防守仍著沈葆楨酌量調派劉典抵省後卽當視賊所向帶兵迎剿不得拘守省垣江西省羣賊如毛勢甚岌岌楊岳斌督辦江皖軍務當懷遵前旨力圖掃蕩應如何進剿設防之處並須通盤籌畫隨時與沈葆楨悉心商酌妥籌辦理憚世臨原片著鈔給沈葆楨閱看將此由六百里各諭令知之○諭憚世臨奏楚師分道入黔克復都江上江各城定日高就壩飛各賊巢並剿

撫四腳牛苗寨一摺都江上江城池逆匪叛踞有年經惲世臨派出各軍越境收復善准其擇尤保獎毋許日濫湖南官軍入黔後連克城寨擄擒首逆各情既未據貴州督撫入奏亦未聞派兵會剿殊不可解包伍各逆蔓延日久復由秀山縣屬擾及黔楚交界之盤石營竄突靡定徐河清營壘失陷前經勞崇光等奏報未能明晰當令查明據奏見在賊勢逼近銅仁黔省下游一帶偏地賊氛勞崇光等何得漫無布置專待客兵不知該督撫所司何事著即迅派得力之軍選募勇練分路進剿將黎古思銅等處各股匪次第剿除儻仍前玩世任令賊蹤肆擾毫無阻遏勞崇光等其能當此重咎耶總兵金泰文業抵王嶺離洪州不遠著惲世臨檄令即赴洪州接辦防剿事務以便趙福元等回顧東防古州軍務即著責成戈鑑等實力辦理將此由六百里各諭令知之○諭德興阿奏大股髮逆逼近省垣請截雷赴楚兵勇剿辦並擬挑撥馬步旗兵出城迎擊各摺片覽奏實堪詫異陝南髮逆前據劉蓉奏報肅清並據穆圖善奏曹青時一股殲滅殆盡遵飭兵勇赴鄂是省垣附近一帶已無賊蹤其蔡逆一股游弋於鎮安等處疊經責成李雲麟剋期殄滅並據劉蓉調派蕭慶高何勝必等分路截擊諒可力遏狂氛乃本月初三日忽有大股髮逆竄出大峪口焚掠尹家衛一帶逼近省垣劉蓉身任陝撫何以毫無布置亦不據實馳奏殊不可解著即督飭所部兵勇迅圖撲滅毋得遲延干咎前有旨令劉蓉出省赴東路防剿見在省垣喫緊劉蓉自當將此股匪徒剿滅後再行出省毋得以奉旨在先藉詞諉卸李雲麟前次奏稱蔡逆已入穀中何以剿辦尚未得手著激勵兵勇實力殲除毋得徒託空言自取罪戾穆圖善赴楚各營計距西安尚不甚遠著即將後隊酌量調回以資攻剿該將軍等務當和衷共濟力圖掃蕩儻各存意見任令蔡逆日久稽誅大峪口股匪復行滋蔓則是自外生成即將穆圖善劉蓉李雲麟按照軍法治罪決不寬貸大峪口賊匪果係何股初三日以後曾否接仗李雲麟剿辦蔡逆情形若何並著穆圖善劉蓉李雲麟迅即明白回奏曹克忠一軍前在馬鹿鎮等處剿賊能否調回西安以資防剿之處著雷正綰劉蓉妥籌辦理西安省城戰守事宜仍著德興阿會同劉蓉妥爲布置毋稍疏虞金順所統馬隊即著歸德興阿調遣都興阿見赴定邊所有陝省後路軍情仍著隨時偵探毋稍大意將此由六百里各諭令知之○予貴州陣亡遊擊曹開先等祭葬世職○壬子諭議政王軍機大臣等張之萬奏葛承霖等軍迫剿各股髮逆至楚並張曜等見調回馳援東路仍舊兩營駐防浙川一摺髮逆自竄入平靖黃土兩關之後分踞信陽西南鄉一帶窺伺州城經僧格林沁督率葛承霖等疊次剿殺追出武勝關外此股賊匪出關見奔何處著僧格林沁查明具奏並著飭令葛承霖等跟蹤躡剿務期掃除淨盡勿任再竄他處倘啟王一股經張曜色爾固善等追過郟西因山路崎嶇無從覓食而光州羅山一帶正當喫緊髮逆各股由大新店竄至羅山之姚家坂

宣化鎮及光州之白雀園一帶張之萬已派副將徐連陞等前往堵剿並飛調張曜色爾固善等隊馳赴信陽歸信格林沁調遣並留李世玉兩營駐防浙川著僧格林沁相度賊情妥爲調度以期節節掃蕩豫省西路防兵甚單多隆阿所部楚軍已悉數啟程赴楚著僧格林沁官文穆圖善酌量情形南陽浙川一帶如無重兵可卽分撥數營前往駐紮張之萬請俟催調各軍東行布置一切撥卽親赴信陽會同僧格林沁熟商防剿惟汝南地方並未肅清亦關緊要信陽州有僧格林沁在彼可無庸該撫前往如須會商辦理商定後仍以分駐爲安南陽地當衝要應否扼要駐紮該撫妥籌辦理昨據德興阿奏大股髮逆逼近省垣請截留赴楚兵勇勦辦已諭令穆圖善將後隊酌量調回以資攻剿其先行啟程之馬步各隊如已到楚豫著僧格林沁官文分別調遣陝省兵力無多穆圖善務當抽調所部折回會同金順等馬隊及劉蓉步隊實力痛剿不得意存膜視致誤戎機前據劉蓉奏稱派防各路之軍似甚周密何以大峪口逆股二萬餘眾突如其來先事既絕無偵探之人臨事又未能出奇制勝該撫向以知兵自許乃於此等重大軍情毫無防備並不趕緊奏聞抑何聳曠若是著卽懷遵昨日寄諭與穆圖善德興阿安速籌辦防勦事宜曹克忠一軍如可調回西安助剿並著一面奏聞一面飛調近日軍情並著趕緊馳奏以慰懸繫山陽鎮安交界有無匪股竄犯亟須趕緊布置不可稍涉大意此股賊匪奔馳飄忽忍其疾趨山西著沈桂芬勒加偵探妥籌防勦本日據訥欽奏已帶兵行抵靈州之花馬池據奏情形靈州一帶四面皆賊著都興阿雷正綰迅速與之會合聯絡以免孤軍深入之慮西蒙克西克馬隊已撥歸都興阿軍營計已可到此項餉銀著劉蓉按月籌解毋令缺乏張之萬另片奏請將江北餉銀一萬六千餘兩並陳國瑞營餉停解等語江北各軍未撤仍須嚴防前項欠餉一萬六千餘兩著仍行報解陳國瑞見令駐軍穎六力固皖北地方是此軍餉項尤關緊要著張之萬督飭藩司妥籌接濟無誤軍食將此由六百里各諭令知之○諭駱秉章奏官軍攻勦滇匪獲勝並包逆竄入秀山調兵馳剿一摺覽所奏情形辦理尙爲得手惟滇邊羣盜如毛雖經大創猶虞此滅彼起該督見獲將胡中和湘果三營抽回敘南飭參將許蔭棠一軍暨敘永廳文武嚴防邊隘卽著飭令各軍嚴密豫備毋稍疏虞黔逆包毛仙羅發榜大股竄至秀山之濫橋地方守備楊再經等力戰陣亡此股逆匪爲黔中歷年悍賊昨據惲世臨奏該逆由秀山回撲松桃廳遊擊朱衣接仗失利楚軍進援復傷亡兵勇五十餘人該逆進至黔楚交界之盤石營屯踞是其兇狡狺狺已可想見駱秉章前調總兵曾志友楚勇千名計已馳抵秀山復添調總兵楊耀關等三營暨重慶鎮標兵四百餘名馳往會剿諒不難力殄狂氛著卽激勵諸軍迅將秀山境內之賊掃除淨盡以防內竄並與黔楚各軍聯絡聲勢妥籌夾擊毋任蔓延將此由

五百里諭令知之○諭前因崇實等先後陳奏西藏情形並滿慶等奏買巴札倉喇嘛搶去已革待審之堪布等情疊經諭令崇實等查明辦理並催福濟景紋迅速赴藏茲據福濟景紋奏稱由鑪城以至乍察道途仍難行走等語由川赴藏道路見在仍前梗阻福濟等尙難前進惟藏中禍患日深福濟景紋一日不到變亂一日不了著崇實駱秉章福濟景紋嚴飭史致康向明正等土司妥爲開導卽令迅速設站以期疏通驛路福濟景紋仍一面設法前進懍遵疊次密諭安速查辦若專以道路未通爲詞一味遲延推諉置大局於不顧朝廷法紀具在福濟景紋其能當此重罪耶所有揀補僧俗番目等缺既據奏稱尙未身歷其境虛實難以懸揣卽著福濟景紋於抵藏後趕緊辦理一乘至公毋稍遷就拉里糧務嚴清榮所稟李玉圃馬騰蛟與壁喜等狼狽爲奸各情其言是否確實著崇實駱秉章福濟景紋查明具奏嚴清榮原稟著鈔給崇實駱秉章閱看將此由五百里各諭令知之○河南巡撫張之萬奏汝南官軍攻克徐文田等寨得旨仍著毛昶熙將時玉洗一寨迅卽督軍攻拔肅清新蔡全境○予四川陣亡遊擊楊再經等祭葬世職○癸丑諭議政王軍機大臣等穆圖善等奏暫留赴鄂後起馬步各營劉蓉奏髮逆與蔡逆合併逼近省城各摺片僞啟王梁成富等由荆子關竄鄖西經官軍扼截回遁土門與蔡逆句結徑由鎮安孝義一路出大峪口逼近西安前據劉蓉屢次陳奏布置情形一似防剿均有把握此次髮逆大股突偏省垣劉蓉毫無準備任令賊匪來往自如如入無人之境該撫平日所派各路防軍不識所司何事且此股賊匪聚至二萬有餘而白荆子關鎮安孝義一路長驅直入該撫先事毫無偵探及至逼近省垣始知該逆回竄似此昏慣糊塗實屬有負委任李雲麟專辦蔡逆一股前據劉蓉奏李雲麟聲稱該逆已入穀中可期必滅此次由鎮安句結啟逆出竄李雲麟不但不能力圖剿滅並任令窺伺省城該京卿言大而夸一味紙上空談實堪痛恨劉蓉李雲麟均著先行交部嚴加議處穆圖善等見調孟宗福黃金山等步隊六營折回赴省卽著檄令該員等迅速回援會同省城防軍實力剿洗楚省調去兵將爲數不少計已足敷剿辦而陝省竄賊麇聚勢甚危急穆圖善著暫時毋庸赴楚仍駐西安會同德興阿劉蓉辦理防剿事宜以嚴省城之防俟陝省肅清再行奏請石泉甯陝漢陰各隘著李雲麟嚴加防守以遏該逆下竄之路一面將蔡逆一股趕緊殲除毋令匪勢益肆蔓延穆圖善德興阿劉蓉李雲麟惟當會籌戰守督飭各軍實力剿洗先將竄近省垣之賊斬馘淨盡節節掃蕩如再有疏失必將劉蓉李雲麟按照軍法治罪穆圖善德興阿會同剿賊均屬責無旁貸如不能得力定將穆圖善德興阿一併治罪決不寬貸將此由六百里各諭令知之○諭都興阿奏接奉寄諭並沿途探悉形勢擬辦情形一摺據稱近日於沿途探訪情形詳按圖勢靈州左近山路崎嶇險要必爲賊守由定邊至甯夏四百餘里又阻黃河賊情叵測未必遽聞援軍

將至卽露倉皇情形恐有詭計愈我軍心查甯郡漢城在北滿城在南必得一軍由北山進剿方有制勝之機若西蒙克西克等過渡會合甯夏官兵與北山前後夾擊可斷該逆往來之路請飭遠城將軍豫行知會鄂爾多斯各旗備濟駝隻並派兵會合阿拉善兵相機兜剿該將軍進規靈州兩岸進攻始於援甯有裨等語所奏不爲無見著都興阿催督各軍規取靈州訥欽已到靈州之花馬池該將軍當與之聲勢聯絡量爲調遣如察看該員不能得力或將其兵勇裁撤或調派赴北路防堵均著察覈辦理西蒙克西克等如已到營著卽催令迅速援甯並分撥馬隊由安邊堡一帶出邊急趨鄂爾多斯副盟長扎薩克郡王東魯布札木素居處之地探明過渡設法會合甯夏滿城官兵與北山前後夾擊先通官軍糧道兼斷該逆往來之路慶昫仍當就見有兵力嬰城固守俟援軍到後會合剿擊賊情如果惶懼何以未見解圍他竄恐是裝點羸弱情形懈我軍心慶昫不可墮其術中是爲至要官軍由南路進剿若北路無兵阻遏必不能收聚殲之效前已論理藩院飭阿拉善王統兵數千從磴口進邊列陣嚴扼竄越遇賊卽擊其北路平洪孤城等處並令撥兵防守著都興阿德勒克多爾濟等遵旨傳知該王迅卽派兵赴防並令多備駝隻以資運解軍需之用桂成尙稱勇往著卽統帶勁兵會合阿拉善王部下防兵出甯夏北山進紮險要相機兜擊歸綏本處之防亦屬緊要恐有外來奸回勾結滋事著德勒克多爾濟實力經理毋得稍涉大意平涼之圍已久雷正綰當力圖攻克以便進兵甯夏都興阿將次入甘該提督當與之聲息相通會商妥辦以期早日竣事都興阿另片奏調員赴營差委一片翁同書未知已抵何處並准都興阿行文直隸山西陝甘各督撫傳知該革員卽赴軍營效力前諭令赴營之藩司文格俟到營後著都興阿飭令卽赴蘭州一面附報奏聞將此由六百里各諭令知之○甲寅申諭各督撫嚴嚴保舉人員○乙卯諭內閣原任杭州將軍瑞昌前在杭州殉難業經降旨從優賜卹並給予世職茲據左宗棠奏瑞昌之妾吳氏於城陷時逃出現已回至杭州伊子緒成緒恩年皆幼穉當時被衝散無蹤見經展轉物色始悉其第三子緒恩爲人收養業已給予吳氏領回派員護送回旗等語瑞昌前在杭州守城有功旋復見危授命大節凜然據奏其幼子緒恩散失多年竟能無恙覽之實深欣慰著俟護送到京時卽由鑲黃旗滿洲傳知瑞昌長子內閣中書緒光領回收養緒光著該旗卽行帶領引見緒恩著俟及歲時由該旗帶領引見緒成尙無下落仍著左宗棠隨時詳細訪查以示朝廷篤念忠良推恩後嗣至意○左宗棠奏湖郡踞逆於三月二十五日猛撲埭頭鎮提督高連陞營壘經高連陞等擊敗後仍堅守東林山菱湖等處四月初四日通判蔡元吉率所部與總兵劉連陞各營水陸並進直搗菱湖賊巢該逆憑河結壘未能猝拔十四日各營晁水過河斃賊數十名乘勝猛攻連破賊營十餘座奪賊礮船四號蔡元吉復率親

兵由後路鈔殺而入斬賊五百餘名生擒一千餘名立將菱湖鎮攻克十五日蔡元吉率隊進攻荻港該逆望風潰竄當將荻港賊壘焚毀總兵劉梅元等營進紮東路舊館雙林等處十二三等日遊擊何培英率隊至卡生橋奮力衝擊斃賊多名十四日該逆分兩路直撲雙林何培英營壘劉梅元率所部馳往助勦力戰卻之是晚該逆退聚卡生橋一帶十六日劉梅元復與何培英等分三路進擊並合礮船轟攻賊壘賊不能支棄壘焚橋而遁據生擒賊供僞樂王譚應芝已經官軍轟斃首逆黃汶金之弟黃十四亦受重傷提督高連陞等備紮東林山後探聞湖郡踞逆萬餘又至妙喜鎮十五日高連陞約會總兵王月亮分撥各營水陸並進守卡各逆紛紛潰竄高連陞王月亮踴躍先登立斃守壘悍賊數名賊棄壘狂竄當將東林山賊壘五座一律攻克二十一日署湖州府知府李邦達督帶降人鄧洗明各營進駐妙喜鎮王月亮率各營助之該逆率眾萬餘繞出妙喜鎮分路來撲遊擊甯世杰胡榮兩營先潰致各營俱爲所乘時高連陞單騎馳至急與王月亮李邦達派先字二營連擊詎該逆又分兩大枝從旁鈔襲王月亮鄧洗明督各勇突出重圍而勇丁已傷亡數百名遂將隊伍收回垵頭駐紮高連陞亦將所部由菁山折回該逆以全力守湖州郡經官軍屢次攻勦將菱湖東林山兩處要隘攻克東南之險已爲我據惟賊勢趨重西路日將城內米糧運至長興四安廣德等處而安吉亦添賊黨蓋欲畱此路爲鋌走之計官軍進規湖郡西南兩路自應厚集兵力攻勦而東北濱臨太湖與蘇常接壤非蘇軍水陸進逼則此勦彼竄事有固然臣昨咨商江蘇撫臣李鴻章請調嘉興之師與太湖水師併力進扼湖州北路以防竄越宜深而湖州西路長興安吉均與皖南之廣德甯國接壤皖南旣無防軍浙師又勢難越境截堵祇可於皖浙交界之處相機扼擊不能禁其不闖入皖界也頃據謀報堵輔各逆欲分三路傾巢內竄已飭水陸各軍嚴密準備如能就其來犯痛與勦洗則兇鋒盡挫縱有竄逸之賊亦易收拾又奏常州竄出之賊僞烈王林彩新一股經康國器所部在昌化白牛橋擊敗後悉向甯國績溪一路竄去四月初七日竄至歙縣南建口地方適黃少春所派張福齊等率各營奮擊賊不得渡遂於建口一帶屯踞初八日張福齊等復會同唐連勝水師列隊迎擊奮成衝殺共斃賊四五百名其繞竄夥縣八都葉村者又爲徽軍擊敗聞由上溪口竄婺源入江西德興人數無多至聽逆陳炳汶溱逆汪海洋竄入江西玉山縣境四月初一夜從沙溪搶搭浮橋意圖偷竄劉明珍派王益隆等於沙溪上五六里乘筏潛渡擊之殺賊三四百名餘賊悉向西北竄去劉明珍恐其直犯廣信率隊急趨信城該逆頭隊已及靈溪而先竄沙溪一股見官軍馳援廣信復折向廣豐邊界竄去是日劉明珍率所部擊賊於靈溪斬賊二三百名遂收隊回城時王德榜一軍亦已行抵廣信四月初四日各率所部出廣豐洋口截擊過半賊大隊蟄擁而來劉明珍與王德榜

合軍痛擊賊千餘名賊竄廣豐二十九都初五日官軍奮勇追殺又斃賊數百名餘賊竄向鉛山一路旋因賊由南岸竄至上清宮一帶撫州喫緊王德榜當派戴奉聘三營馳赴貴溪自率所部進駐弋陽二十二日派主簿劉廷選水師礮船護運米糧軍火行至距弋陽二十餘里之黃沙港該逆設卡攔截矢石如雨我軍以槍隊轟擊賊潰走港內賊船十餘隻亦經水師擊毀查該逆大股兩經浙軍截剿一經徽軍截剿逸賊無多尙不足爲江西之患惟由浙境竄踞湖坊陳坊之賊與由皖境竄江西一股合併而前由江西竄福建之賊見復回竄江西各股併聚一方深爲可慮臣前飭王開琳一軍赴援江西見據報已抵貴溪王德榜已抵弋陽聲勢尙爲聯絡昨接劉典來稟新募之三千人於四月初二日自湘啟程計此時早已抵袁州臨江一帶臣已飭王開琳王德榜兩軍並歸劉典調度俟湖城賊蹤稍定仍當酌調清遠防軍馳赴江西爲其後繼又奏正拜摺聞據王德榜稟稱該軍馳抵弋陽後探悉德興竄賊於四月二十五日全股撲至弋陽東北門外王德榜親督鍾元等迎勦楊士樑等率馬隊繼之捻斬冷天燕鄭宛懷冷天安張得幅僞丞相吳得斌等各賊目餘匪殄斃無算賊向河西一路竄去查該逆由德興竄來係粵逆林彩新一股經各軍疊次截擊餘黨所贖無幾惟此股係常州竄出之頭隊其續竄數股見尙屯踞湖州安吉等處臣仍當飭上游各軍嚴密防範上諭議政王軍機大臣等髮逆以全力踞守湖郡經高連陞蔡元吉兩軍奮勇進剿將菱湖東林山兩處要隘攻克東南之險已爲我據惟妙喜鎮營盤爲賊所乘致有挫失見在浙師尙未移紮西南而賊勢趨重西路運糧增築刻刻爲鎗走之計李鴻章前奏已派郭松林等三十營由宜興進調李朝斌陽利見等水師進取長興蘇浙官軍會合夾擊自可迅下堅城第長興安吉在在與皖之廣德甯國接壤皖南防兵旣單浙師又難越境截堵曾國藩雖派周寬世等駐紮祁休之間而於廣德甯國守禦事宜尤當妥籌布置力遏上竄其長興湖州等處之賊左宗棠李鴻章督飭在事員弁實力堵剿總當將積年悍賊就地殲除毋令貽患他省堵輔各逆旣有分路內竄之謀左宗棠當飭水陸各軍嚴密準備如能力挫兇鋒則羣賊喪膽於攻取湖州自可事半功倍粵逆林彩新一股兩經浙軍截剿一經徽軍截剿竄逸無多惟由浙竄江一股見踞湖坊陳坊等處與前股合併而竄圍之賊見復回竄江西鷹集一方甚屬可慮楊岳斌接奉疊次諭旨計已剋日啟程卽著督飭江右各軍次第掃蕩以副委任劉典見已抵江楊岳斌未至以前所有浙師王開琳王德榜兩軍卽著暫歸劉典調度弋陽境內竄賊經浙江官兵擊退餘賊尙河西一路竄去著沈葆楨嚴飭在事文武實力追剿毋稍疏懈此時賊勢固結不解必須將金陵迅速攻拔使該逆無所依附自成瓦解之勢前經疊諭李鴻章撥兵助攻金陵見當事機緊要之時李鴻章務當不分畛域不避嫌怨力圖共濟不准

稍有推諉將此由六百里各諭令知之○唐山東長山縣學額二名○丙辰諭議政王軍機大臣等官文奏擊退阜市京天應城髮捻並藍逆西竄及髮逆尾股竄犯鄆西官兵出境追剿各摺片湖北天門應城等處賊匪經梁洪勝李喜溢等屢次剿擊紛紛敗退猛撲京山縣城又經防兵鄉團抵禦該逆向宋河奔逸至馬平港尾股陸續竄向德安西北之洛陽店桑樹店一帶見在京天阜市應城已無賊蹤而德安極爲喫重阜市敗匪全數東趨東北東南偏地皆賊自應山之廣水孝感之小河司楊店一帶漸近雲夢有自小河溪分竄黃陂黃安邊境者有由應山而至黃陂站者官文見調成大吉十營爲遊擊之師聯絡石清吉楊朝林各營相機堵剿撥李喜溢等防澗口漢口等處並畱守京應仍防被剿各賊回竄雲孝一面飛催姜玉順等趨行並催蘇克金傅振邦繞前截擊布置均屬周妥著卽嚴飭派出各軍以剿爲防並催蕭河清等迎頭擊剿僧格林沁見紮信陽著卽調派勁旅迎剿蘇克金傅振邦馬步隊在應山尙爲賊阻必須令其設法繞道務出賊前斷其東趨之路信羅先固一帶逼近賊氛張之萬當嚴防竄越該逆若由黃麻以窺英霍則舒桐潛太路路喫重曾國藩當懷遵屢次諭旨增兵嚴防並令水師嚴防江面勿令窺覷陳國瑞一軍前經喬松年奏請令駐潁六一帶著僧格林沁喬松年飛檄該提督扼紮六安潁州要隘地方遇賊卽擊毋稍疏懈皖北兵力如尙不敷著喬松年卽咨商曾國藩等撥鎮江餘兵四千人赴防或商撥揚防兵勇均須趕卽籌畫不可臨事張皇致誤大局陳國瑞一軍尙恐單薄由鎮防撤回江北之兵勇爲數不少著富明阿酌派勁兵爲陳國瑞等軍後路聲援並酌量地勢駐紮若有緊報卽由富明阿就近調派協同剿洗以資得力以上各路著各該督撫等認真調派飭令實力防剿儻任該逆東竄由何路行走竄越地方不能阻遏必惟該省督撫是問不能因有前功稍從寬貸也懍之慎之官文另片奏藍逆二順向山陽鎮安等處竄逸僞啟王一股撲鄆西縣城梁作楫等率軍擊敗此股敗匪與藍二順句合業由小路竄至陝西去西安止數十里穆圖善已折回省垣其先行啟程之馬步各隊諒可陸續到楚豫境內著僧格林沁官文趕緊催調布置以厚兵力近日軍情並著各路勦加偵探飛催奏聞以紓朝廷南顧之憂將此由六百里加緊各諭令知之○命步軍統領等衙門嚴緝迷拐匪徒○丁巳諭議政王軍機大臣等前因有人奏恩麟辦事顛預不學無術濫祖蔭奏甘省大吏辦理軍務乖方並都察院奏胡第甲等以狃和殃民等詞赴該衙門呈訴各摺先後交多隆阿秉公查辦茲又先後有人奏甘肅逆回煽亂焚殺延及附省之狄道河州等處署督臣督辦不力並恩麟專意主撫逆勢愈張知府徐辰告等四員爲守兼優足資驅策總兵張華等五員貪鄙各款貽害地方文格素稱廉謹於軍務不甚相宜請旨飭查各等語甘肅吏治軍務廢弛已極亟應嚴行查辦以挽頹風著都興阿將此次所參恩麟等款並

前交多隆阿查辦各案一併秉公確查據實具奏都興阿甫經入甘無所用其迴護務將交辦各案嚴密訪查毋得稍涉徇隱諭旨三道摺五件紳士信函一件呈二件條陳一件均著鈔給閱看將此諭令知之○諭慶昫常陸奏圍城賊眾忽退見在辦理情形一摺甘肅逆回自本年二月間圍攻甯夏滿城暗決城西支渠放水灌城經慶昫等急令附城民人開田宣洩得保無虞四月初七日城外南北賊營忽同時拔退復於夜間決渠灌城因滿城依山且係沙地滲水並未淹及慶昫等趁賊眾暫退派員前赴山北提運黃米小麥四百餘石並慶陽糧臺餉銀五千兩入城暫資支放甯夏賊氛熾熾此次暫將城圍撤退乘雨決水灌城逆謀甚屬兇狡訥欽援軍雖已行抵靈州因糧調直晉官兵到者甚少趙廷煇在定邊所募勇丁亦因前赴慶陽稟請軍械餉項俟多隆阿營內所撥馬隊到齊先攻靈州始能赴援甯夏是該處滿城防勦仍形喫緊都興阿前奏西蒙克西克等到營即令過渡會合甯夏官兵前後夾擊業經諭令德勒克多爾濟等傳知鄂爾多斯各旗多備駝隻並諭知桂成帶兵會合阿拉善王部下防兵出甯夏北山夾擊著都興阿懷遠疊次諭旨迅督各軍趨程前進會合訥欽所部相機進兵並著雷正綰督率諸軍迅將平涼攻拔與都興阿各營聲勢聯絡慶昫仍當就見在存城兵力加意激勵嬰城固守以待援軍毋稍疏懈滿城兵食不充歸綏道庫存餉三萬兩山西續撥餉銀一萬兩計日應可提到即著慶昫等飛速咨提到營並著文煜懷遵前旨將援甘各軍應需糧餉軍火源源籌解並將趙廷煇等軍所需軍械餉項迅速應付以利師行至回情反覆堪虞慶昫等所奏鎮屬回官馬謙遣人單騎來城甘言求撫且稱鎮道印信已交中衛縣由梁生嶽等齎送省城必係因雷正綰進攻平涼疊次獲勝冀以甘詞邊撫緩我師期斷不可信慶昫等惟當激勵兵勇加意防範勿又墮彼狡謀致蹈漢城覆轍雷正綰亦當乘賊情少懈之時迅圖攻克平涼以副委任將此由六百里各諭令知之○戊午諭內閣前因曾國藩奏浙江提督鮑超聞計丁憂當經明降諭旨毋庸開缺改爲署理俟江南軍務大定再行給假回籍營葬茲曾國藩復據情代奏懇請賞假回籍葬親等語情詞肫摯出於至誠原應勉如所請惟念鮑超自轉戰江皖以來勇略過人所向克捷爭關奪隘屢保名城見因賊竄江西復經曾國藩檄令率師往援江皖軍情緊急雖經簡派楊岳斌督辦仍須該提督合力勦賊方可迅奏膚功鮑超著毋庸給假回籍加恩賞銀五百兩由四川藩庫給發交該提督家屬祇領經理喪事鮑超務宜念移孝作忠之義勉抑哀思專意勦賊俟金陵克復江皖肅清再行賞假回籍以遂孝思朝廷破格奪情本屬萬不得已之舉該提督其勉力圖功毋再瀆請○諭議政王軍機大臣等曾國藩奏近日各路軍情妥籌布置等語侍逆一股攻破建昌之萬年橋卡疊陷宜黃崇仁兩縣即在崇仁繕城擄糧爲久踞計自樟樹鎮及豐城新淦峽江等縣處處喫緊省城

戒嚴沈葆楨調萬泰等管帶薄兵進省彭玉麟派喻俊明等各率師船駛入省河曾國藩又檄周寬世七營赴援省垣重地或可無虞惟賊勢如此猖獗沈葆楨何以向無奏報甚深懸繫著楊岳斌恪邊次諭旨迅赴江西與沈葆楨妥籌防剿實力保樟樹鎮等處要隘迎頭截剿毋令偏近省垣一面迅催劉典王文瑞等軍向東迎擊會合鮑超赴援之師痛加剿洗將崇仁宜黃迅速攻拔不使羣賊竄渡贛江以西致滋延蔓南豐圍攻日久何以向未克復著沈葆楨嚴飭席費田等軍奮力進剿不准再事遷延此時各路賊匪集江西致勢成燎原不可收拾左宗棠督飭各軍會合蘇省水陸官兵迅將湖州長興攻拔一面分兵截剿由浙皖邊境上竄之賊毋令貽患鄰疆髮捻分竄黃陂孝感之間逐漸東趨曾國藩咨商李鴻章撥軍接守建平深水高瀆三縣騰出李榕王可陞等軍渡江而北扼紮舒桐所籌甚是即著李鴻章迅速撥兵扼守並著曾國藩當格等迅赴舒桐力固藩籬喬松年督飭皖軍先事布置不得稍有疏虞覓在羣賊紛竄總當迅拔金陵覆其巢穴曾國藩當嚴飭曾國荃督率所部奮勇圖功不得再有稽延李鴻章恪遵前旨不分畛域撥兵助剿或親往會攻毋稍避嫌推諉將此由六百里各諭知之○己未諭內閣前因吏部奏道員蔣澤春經張凱嵩保奏請以道員記名簡放嚴與章程不符應行駁正曾經降旨允准茲據張凱嵩奏粵西逆匪范亞音陷匿容縣十年爲東西兩省巨患經蔣澤春督率兵勇攻拔容縣城池兼擒首逆實與尋常勞績不同請仍以道員記名簡放等語按察使銜廣西補用道蔣澤春著照張凱嵩所請仍以道員記名簡放以示鼓勵○諭議政王軍機大臣等連成奏本月十一日有馬賊卅餘人在順義縣搶劫行車當經塞克通阿選派領催等官會同該縣兵役分路追擊行至大興縣孫墩鎮地方遇賊接仗拒傷多人請將傷亡兵丁議卹並請飭直隸一體嚴拏各等語馬賊竟敢在近畿一帶拒捕傷兵實屬兇惡已極若不嚴行查拏必致滋蔓日多且此起馬賊既由潮河水關闖入該處綠營兵役何以追趕不及任其竄逸可見捕務全未認真見在賊匪已向孫墩鎮西北一路遠去著直隸總督順天府兼尹府尹嚴飭所屬跟蹤兜拏毋任漏網連成亦當飭令駐防官兵會同各該地方兵役一體協拏以靖地方將此各諭知之○吏部奏遵議陝西巡撫劉蓉候補四品京堂李雲麟處分得旨均著加恩改爲革職留任○廣西巡撫張凱嵩奏援黔粵軍攻克紀賴等處賊寨得旨著督飭楊廷桂乘勝追剿務將逆首李七擒獲盡殲醜類毋令漏網○庚申諭內閣朕奉 慈安皇太后慈禮皇太后懿旨據御史賈鐸奏風聞內務府有太監演戲將庫存進貢段匹裁作戲衣每寅一日賞費幾至于金請飭速行禁止用以杜漸防微等語上年七月因皇帝將次釋服 文宗顯皇帝祥宮尚未永遠奉安不爾除諭旨將一切應行慶典酌

議停止所有昇平署歲時照例供奉俟 山陵奉安後候旨遵行並將咸豐十年所傳之民籍人等永遠裁革原以皇帝沖齡踐阼必宜絕戲渝之漸戒奢侈之萌乃本日據賈鐸奏稱風聞太監演戲費至千金並有用庫存段匹裁作戲衣之事覽奏實堪詫異方今各省軍務未平百姓瘡痍滿目庫帑支絀國用不充 先皇帝山陵未安 梓宮在殯輿言及此隱慟實殷又何至有如該御史摺內所稱情事況庫存銀段有數可稽非奏准不能擅動茲事可斷其必無惟深宮耳目恐難周知外間傳聞必非無自難保無不肖太監人等假名在外招搖亦不可不防其漸著總管內務府大臣等嚴密稽查如果實有其事即著從嚴究辦毋得稍有瞻徇致干咎戾皇帝典學之餘務當親近正人講求治道儻或左右近習恣爲妖耳悅目之事冒貢非幾所繫實非淺鮮並著該大臣等隨時查察責成總管太監認真嚴禁所屬嗣後各處太監如有似此肆意妄行在外倚勢招搖等事並著步軍統領衙門一體拏辦總管太監不能舉發定將該總管太監革退重治罪若總管內務府大臣等不加查察別經發覺必將該大臣等嚴加懲處其各懷遵毋忽此旨並著敬事房內務府各錄一通敬謹存記○諭議政王軍機大臣等傳諭護陝甘總督恩麟恩麟奏蒙古臺站遺棄摺報檢獲呈進回匪關入狄道州城旋即收復見時籌辦情形各摺片恩麟上年十二月初三日所發奏報由阿拉善旗轉遞至鄂爾多斯因何疏失以致遺棄道旁亟應徹底根究以肅郵政著該護督查明據實參奏隆德泰安等處之匪勢日益蔓延恩麟請飭雷正綰等速撥一軍馳赴安會雷正綰見與陶茂林進攻平涼漸次合圍攻期正在喫緊且該提督等兩軍兵力本單此時殊難分兵再行駐紮安會恩麟惟當就現有兵力嚴密布置以扼東西兩路之防都興阿日內即可由定邊進剿兵力既集可期節節掃蕩恩麟毋得專意主撫致墮該逆詭謀貽誤全局狄道州城被回竄陷旋即收復著恩麟督飭將弁將入山敗匪搜捕淨盡毋遺孽署蘭州道崇保署蘭州府知府豫師於所屬城池被匪闖入本有應得之咎惟既隨同收復所有處分均著寬免河狄等處回匪猖獗該護督身膺疆寄不能實力剿辦屢次陳奏猶以主撫爲得計殊嫌曉瀆知州趙必達所募川勇五千見已由川啟程著即飛催該員迅速回甘擇要分紮與省城防軍聯絡聲勢以壯軍威恩麟擬設宣威營親軍著即按照章程認真訓練以期一兵得一兵之用不可有名無實○新授陝甘總督楊岳斌奏陳謝恩並即赴江西整飭諸軍力籌攻剿得旨該督憑陳各情具見誠悃水師與陸路雖不同而指揮調度理無二致該督膺茲重寄著遵照前旨迅赴江西督飭諸軍力圖掃蕩俟江皖賊氛淨盡即行前赴陝甘任事一切慎勉爲之以副委任○予甘肅陣亡署知州屠旭初等祭葬世職○辛酉 上詣大高殿祈雨○僧格林沁奏四月二十一日頭股髮逆竄至羅山池南仙花店一帶二股髮逆由德安池北馬平港等處渡過府河竄

距應山之路家店經蘇克金傅振邦等帶領馬步各營追至應山之劉家店分路包鈔該逆奔命在奔二十五日蘇克金等探得該逆在小河司一帶盤踞即令馬隊紮於山頂以備應援步隊向前迎敵槍箭齊施並令營總烏爾圖那遜自右鈔擊賊後該逆始行退去蘇克金已揚阿探得三股髮逆陳德才自西路阜市奔至平林市由府河東竄欲與前股合夥當撥馬隊各營進紮五月初二日在應山陳家畝接仗該逆分四股迎撲即被我軍擊退斃賊多名訊據獲賊供稱陳逆盤踞宋河欲竄襄江不能搶渡因宋河地方無處打糧欲竄黃州以備裹糧設或不能東下就在黃州避伏將來仍欲沿江而下等語仍嚴飭蘇克金等馳往迎擊並函致督臣王文督飭所部各軍實力追擊又嚴飭水師於沿江一帶認真堵禦勿令偷渡其前派副都統色爾固善總兵張曜追剿髮逆梁成富一股四月十一日經我軍窮追該逆自鄖陽屬之羊皮灘一路潰敗竄至陝西之漫川關上津一帶勢極窮蹙所餘不過數千人既有楚豫官軍前截後追足敷剿辦惟髮逆麇聚楚豫之黃州光山一帶是豫東邊防入形喫緊當將色爾固善張曜等軍撤回東路以厚兵力其西路殘匪即飭鄖陽鎮總兵安貴道員梁作楫認真追剿務與陝省官軍併力夾擊盡殲醜類並飛咨督臣王文撫臣劉蓉嚴飭所部各軍實力剿辦毋任蔓延髮捻各匪見在分股東竄前股由羅山仙花店趨光山之新集等處二股由孝感黃陂東竄豫東楚北均形喫重臣已飛札蘇克金等移營光山與張曜等軍會合進剿見紮息縣以防北路仍不時偵探賊蹤儻該逆分股東趨即撥隊跟追如全數東趨臣即拔隊東下親督進剿但期該逆竄至淮北一出稻田馬隊得有地勢即可竭力截擊至前奉諭旨飭調陳國瑞一軍駐紮臨淮遵於四月二十三日咨行漕臣吳棠檄令陳國瑞迅帶所部前往臨淮扼紮並咨行撫臣喬松年飭令臬司英翰帶領兵勇會剿復因髮捻各匪漸次東趨又咨照喬松年轉飭陳國瑞英翰等軍移紮正陽關扼要堵禦以期有備無患上諭議政王軍機大臣等髮捻各匪分股東竄豫東楚北並形喫重僧格林沁令蘇克金等移軍光山與張曜等會合進剿而自紮息縣以防北路著即嚴飭蘇克金等將竄犯光山之匪迅即剿除該大臣居中調度仍當多設偵探儻逆眾東趨即拔隊東下以固皖省門戶陳國瑞英翰二軍即著僧格林沁喬松年催令帶隊駐紮正陽一帶扼要堵截偵探賊蹤所向迎擊喬松年並當整頓兵勇備豫不虞免致臨事周章又多棘手見在孝感敗賊有直趨黃州之勢著官文懷遵屢次諭旨嚴飭派出各軍認真剿擊並令水師於沿江一帶堵禦勿任一賊偷渡武昌省城防範最關緊要唐訓方督同在省文武悉心辦理不得稍涉大意逆竄光山羅山則商城固始均屬喫緊張之萬身任豫撫何得置身事外著即添調勁旅以期爲防並催令張曜等會同僧格林沁所派馬隊遇賊即擊毋任賊匪東趨貽鄰疆以無窮之患梁逆由鎮安一路竄出大峪口不過數千敗匪而德興阿劉蓉前奏匪眾二萬餘究竟

匪數若干是否句結蔡逆合股近日西安情形若何曾否與賊接仗著劉蓉趕緊查明具奏安貴梁作樞於此股匪徒竄過
鄂西何以不能追擊並著宮文嚴飭該鎮道等分兵入陝助剿不得強分畛域將此由六百里諭知僧格林沁官文喬松年張
之萬劉蓉並傳諭唐訓方知之○左宗棠奏粵逆林彩新由德興竄至弋陽經道員王德榜一軍於四月二十五日擊敗復竄
至湖西王德榜於二十六日率各營銜枚疾進破其一村賊擁大輜正圖奔逸王德榜與總兵蕭得龍等追至將其護從之賊
殺散見輜內有賊目一名手刃之是役殺斃溺斃之賊約數千名該逆由湖西敗竄至黃沙港對岸楊家坂五羊店一帶屯踞
仍圖過河與南岸之賊合併二十七日王德榜督各營分路齊進該逆望風潰竄王德榜揮軍分三路環攻該逆勢窮力竭悉
多偏溺水中其南岸來援之賊亦殲除淨盡是役共斃賊千餘名生擒二百餘名內有偽天將周濟川等賊目七名訊明即於
軍前正法其偽烈至林彩新據獲賊供稱已被官軍偏溺而斃惟聽逆陳炳汶濂逆汪海洋等股尙屯踞湖坊陳坊一帶總兵
王開琳已率所部移紮河口鎮擬卽會同王德榜一軍相機進剿沈葆楨奏侍逆於撫州敗後沿河上竄四月十九日繞襲踞
建昌之萬年橋二十日劉勝祥席寶田等迎剿斃賊甚多該逆復由下游西渡於二十五六等日分竄宜黃崇仁五月初三日
江忠朝以精捷營跟追敗之於崇仁城外殺賊六七百人席寶田與劉勝祥統兵繼進劉典於二十七日抵臨江將各營駐紮
要隘王文瑞仍駐永豐贛臨河道甚長戰船無多適彭玉麟派喻俊明張瑞芳水師來援遂連檣上駛劉于浚亦添派戰船駛
赴樟樹一帶藉資扼紮至省城兵力甚單臣飭護九江鎮總兵萬泰統兵千餘人來省以固根本重地咨請曾國藩酌派數營
接防湖口並飛咨鮑超兼程來援 上諭林彩新一股經王德榜等屢次痛剿殲滅殆盡林逆亦被水淹斃剿辦甚爲奮勇侍
逆一股襲踞建昌之萬年橋以大股西渡分竄宜黃崇仁江忠朝席寶田等統軍繼進劉典王文瑞所部分駐臨江永豐彭玉
麟所派之提督喻俊明等師船復跟蹤上駛與曾國藩前奏大略相同贛江以西諒可無虞竄渡惟此股賊匪著名兇悍尤宜
厚集兵力痛加剿洗曾國藩前檄周寬世七營赴援並令鮑超一軍取道湖口九江繞出樟樹鎮迎頭遏擊著卽催令該提督
等迅速前進與劉典王文瑞及江忠朝等追躡各營縱橫夾擊務將此股悍賊就地殲除迅克宜崇各城毋任久踞一面嚴扼
贛江之險杜其西竄以保完善省城兵力單薄沈葆楨檄萬泰等所部兵千餘入省咨請曾國藩酌派數營接防湖口要隘著
曾國藩酌量調派陳炳汶汪海洋等股尙踞湖坊陳坊一帶著左宗棠飭令王開琳王德榜兩軍乘勝進剿毋任紛竄腹地致
剿辦愈形棘手將此由六百里各諭令知之○諭熙麟奏剿辦甯夏回逆請派兵勇赴援秦州並請飭四川總督盤查滇匪各
摺片甯夏滿城西門已開城外賊營全行撤退惟平羅賊勢仍未稍鬆顯係該逆聞大軍漸集復擬甘詞求撫緩我師期屢經

諭令都興阿雷正綰慶昫等嚴密布置分路進剿著卽懷遵前旨迅速進兵會同掃蕩毋爲該逆所乘臨麟所稱如果逆匪實係畏罪投誠應先將甘心從逆之官犯王錫爵馬化濂訥忠赫文選彭慶章保立等連其家屬按名捆獻都興阿營凌遲處死並令該逆等將所鑄槍礮及一切軍器馬匹盡數呈繳方可網開一面法外施仁等語逆回果能真心求撫如照臨麟所擬辦理有無後患著都興阿雷正綰慶昫酌度情形相機辦理慶陽糧臺需餉甚殷前令沈柱芬籌解銀三十萬兩並著文煜派員迎提催令分起解甘以濟要需閻敬銘籌撥甘餉一萬兩解赴陝西藩庫交納此項銀兩著劉蓉嚴飭藩司不得再行截留卽與應解雷正綰軍營餉項一併解赴甘省毋得遲誤秦州所屬之秦安縣張家川蓮花城等處回匪蔓延勢甚危急平固甯靈失陷後蘭州大道梗阻專恃秦州一路爲赴省糧運要道關繫極爲緊要曹克忠一軍能否赴援著劉蓉另撥勁旅馳赴秦州協剿陝省如無兵可撥著雷正綰抽調兵勇兼顧秦州以通餉道平涼逆燄已衰惟每當接仗漸多兇悍叛徒聲音服飾均係雲南回類難民朱元升亦供有雲南馬賊七百往攻鞏昌之語甘回旣與滇匪勾結如果源源踵至勢將不可收拾著熙麟文煜雷正綰檄飭毗連川陝等處各地方官務於入甘要隘嚴密盤查認真防堵著駱秉章確查甘肅通滇道路無論驛站大道偏僻小徑嚴飭地方官一體盤詰如有滇省回民及來歷不明之人卽行查明懲辦以靖匪蹤平涼屢戰皆捷極爲得手著雷正綰會同陶茂林等軍迅圖攻拔並將外來滇匪殄除淨盡毋畱遺孽將此由六百里各諭令知之○壬戌諭內閣國家命將出師剪除兇逆原期與吾民共樂昇平其甘心從賊者固爲法所難容而殲厥渠魁裔從罔治凡被賊僞脅而悔罪自新者皆在可矜可赦之列前經屢諭各路統兵大臣令於誠心歸順者無論從賊久暫均准一律投誠各該大臣亦能仰體朝廷好生之心妥爲辦理故大軍肅清蘇浙兩省收撫甚多凡率眾來歸殺賊反正者類皆寬其既往咸與維新此被陷難民所當共聞共見見在金陵合圍指日可克若侯城池旣拔則玉石俱焚雖悔何及亟宜及早省悟自覓生機惟念其開有久陷賊中隱懷疑懼未能自拔者用是再行剴諭嗣後如有設計獻城或挫斬首逆卽立予重賞其有從賊已久蓄髮較長但能誠心歸順均准雉髮免死給予牌照路費資遣回籍攜帶眷口貲財悉歸本人兵勇不得搶奪無籍可歸妥爲安置如私行殺害劫奪財物卽將該兵勇按照軍法從事並將該本管官從重懲辦各處投誠難民照此一律辦理著各路統兵大臣各省督撫卽將此旨刊刻張貼徧行曉諭務令身陷賊中者咸知朝廷寬大之政益以堅其向化之心用副覆幬生成之至意將此通諭知之○諭僧格林沁自上年督師攻拔山東淄川縣城掃平鳳凰山逆壘旋卽回軍皖北殲除逆首苗沛霖肅清淮甸厥功甚偉本年髮捻各逆竄擾楚豫交界該大臣親督所部兵勇轉戰而前所向克捷洵屬勩勞懋著因念近日天氣炎蒸該大臣冒暑督兵不

辦勞瘁允宜優加賞賚以獎忠勤著發去黃紗馬褂料二件金表一對玉柄小刀一把火鑪一把鼻煙一匣茶葉一匣派伯彥
訥謨粘馳驛親齋前往軍營交僧格林沁祇領並傳諭該大臣爲國宣勞尤宜善自愛護以隆倚畀○諭議政王軍機大臣等
富明阿奏軍務竣後請安插散勇解散賊黨一摺據稱江浙浙等處散勇日多必須分數分起追繳器械給賞派員管帶經過營
縣彈壓遞送分交原籍地方官並於將裁之先飭令各哨官詢明該勇原籍有業可歸有田可耕有親戚可依倚者一一登注
冊內將原冊發交地方官照冊妥辦其無業無田無親戚者莫若寬安插之法於屯田之中蒙穎鳳泗之間曠野荒田比比皆
是江浙千餘里中間亦一片荒蕪若將皖北權鹽之利江浙算縉之利擴充勻撥作爲牛具籽種第一年免納捐課第二三年
繳還借本第四年照常輸將酌中定議興屯卽以救時等語自來軍務將竣遣散勇丁不得其宜每滋後患若於屯田之中妥
籌安插自可一舉兩得惟是有治法尤貴有治人著曾國藩左宗棠李鴻章喬松年吳棠嚴飭所屬悉心酌覈妥議章程派委
賢能地方官實心經現下可意存異雖亦不得草率敷衍務令有條有理經久可行盡地之利以消患之萌方爲妥善至解散
賊黨一節疊經明降諭旨窮其會從但恐陷賊既久之人疑投誠必無生理賊遂因其疑而固結之以致垂破之城難於攻拔
見在金陵城中逆黨尙多楚豫注西大股爲數亦眾因特再降諭旨著江浙等省各督撫統兵大臣於奉到此旨時刊刻謄黃
割切曉諭廣爲播散或更設局以招撫之務在寬其格而予以自新堅從賊者反正之心卽以破賊固結之計至賊渠狡獪或
有假冒含混乘機生變等事亦不可以不防惟在該督撫及統兵大臣等妥慎辦理以靖地方將此由五百里各諭令知之○
諭官文秦陝師未至賊勢東趨見派各營合力截擊並移營孝感督剿一摺與僧格林沁昨日所奏情形大略尙無歧異此股
髮捻闖入楚疆經僧格林沁督帶馬步於隨州兩戰大捷楚軍復分投截殺賊勢竄惟楚境北路多山南路多水馬隊難於
施展至德安黃孝之間地始平坦又爲賊蹤中阻未能聚而殲旃僧格林沁昨奏有賊蹤東趨卽拔隊迎剿該逆竄至淮北一
出稻田馬隊卽可得力之語此時隨東鍾京天應雲孝安應各郡縣已無賊蹤全股趨重於黃陂以東黃安麻城黃岡之間儻
得馬隊助兵迎頭截擊必可大挫兇鋒著該親王偵探賊蹤相機安辦官文見派成大吉楊朝林石清吉周鳳山各從黃陂麻
城或迎頭截剿或跟蹤追擊並拔營至孝感一帶督剿卽著督飭成大吉等星夜跟追仍設法繞出賊前會台江皖各軍痛加
勦洗毋令賊匪一意東趨又成尾追之勢至由陝調楚各軍除孟宗福黃金山等六營經穆圖善等甯陝防剿外其姜玉順藍
斯明譚仁芳等所部各營業經分起由豫赴楚並著官文飛速催提酌量道路遠近飭令分投進兵毋稍延緩皖北接壤楚境
六安首當其衝前據喬松年奏請擬學駐守六安共有六營並令王才秀所部駐三河尖接應其壽州定遠廬巢鳳一帶亦各

派兵駐守見在賊蹤偏近防兵究嫌單薄著曾國藩喬松年妥籌布置酌量添調兵勇扼要防剿毋稍疏虞其陳國瑞英翰兩軍並著僧格林沁喬松年恪遵昨日諭旨飛速催令帶隊駐紮正陽探蹤迎擊毋落後著富明阿仍遵前旨酌撥江北勁旅扼紮上游以資協剿徐宿清淮一帶夙爲捻匪出沒之所難保不聞賊警又萌反側著吳棠隨時鎮撫加意籌防以期有備無患逆竄光羅一帶商城固始均屬喫緊張之萬當催令張曜等會合僧格林沁之軍相機剿辦唐訓方已抵署任武昌等處防守事宜並著嚴密妥籌以防賊匪回竄不得稍涉大意將此由六百里諭知僧格林沁官文曾國藩富明阿吳棠喬松年張之萬並傳諭唐訓方知之○癸亥諭內閣朕奉 慈安皇太后 慈禧皇太后懿旨從來致治之源端在以古爲鑑凡用人行政之要治亂得失之源載在簡編足資法戒前於皇帝御極之初命南書房尚書房諸臣採擇前史事蹟纂輯成書進呈備覽賜名治平寶鑑其中採擇往事推闡敷陳尙稱切要若將此書講貫發明於治理尤有神益著瑞常寶鑒載齡李棠階軍懋謙徐桐於本月二十七日日起每日輪派一人由議政王帶領進講瑞常等於進講之時務當切切敷陳言必盡意毋得稍有避忌用副集思廣益至意○諭議政王軍機大臣等前據王明等奏滾地雷王五餘黨被擊潛匿請酌撤官兵以節經費當經降旨允准仍著王明等嚴訪奉天吉林兩省實力躡緝茲據景綸等奏稱餘匪烏痣李等在東邊圍場藏匿復由山徑竄出百餘人在通溝岡子等處行劫經官兵追擊斃賊多名該將軍復派令署副都統德英等營帶兵役練勇設法殄除疊有斬擒追至佈爾庫邊門該匪向昌圖偏臉城逃竄另股匪徒在奉天屬界圍場等處滋擾各等語首逆王五餘黨被剿潛匿旋復聚眾滋事亟宜認真剿洗以絕亂萌著王明寶善寶琦德椿景麟瑞麟嚴飭該省帶兵將弁無分畛域實力掩捕不准一名漏網將此由四百里各諭令知之○諭徐宗幹奏髮逆復陷甯甯化縣城旋即擊退見飭各軍妥籌防守一摺建甯甯化兩城甫經收復何以賊匪回竄又復失陷徐宗幹於軍務重事毫無布置派出各員又復不能得力致賊氛一至城即被陷以萬餘兵勇各路分防而任賊往來自如曾不能一爲堵截乃以被賊襲入隨即擊退爲詞請將該文武等免議如此辦事頗瑣安能整頓戎行保守疆圉徐宗幹著傳旨申飭所請將文武各員免其置議之處著不准行仍著該撫查明失事各員嚴參懲辦不得再有粉飾自取罪戾此股賊匪向江西新城石城竄去難保不去而復來徐宗幹當嚴飭徐曉峰張啟燾等實力堵禦如再被賊闖入蹂躪地方該撫等恐不能當此重咎也浦城汀州等處關隘甚多以分防見單前經諭令該撫檄調曾玉明林文察等帶兵內渡併力剿賊即著催令該員等會同江省兵勇合力兜剿不得再有遲滯康國器一軍計日可到仍著飛催前進見在閩省防剿正當喫緊之時毛鴻賓郭嵩燾當懷遵屢次諭旨迅飭張運蘭督帶所部剋日赴閩毋許逗遛徐宗

幹當會商左宗棠就見有兵力嚴密防堵或分兵出境會剿均當認真籌辦毋得再誤事機將此由六百里各諭令知之○
諭張之萬奏官軍剃髮逆克復宣化鎮見飭各軍赴楚會剿一摺前因髮逆竄至豫東疊經諭令張之萬妥籌防剿見在
宣化鎮賊巢雖經副將徐連陞等攻克而賊蹤仍在光羅境內必應乘勝痛剿張之萬元飭色爾固善張曜等統帶馬步各
營馳援東路所辦甚合機宜即著督飭該副都統總兵等迅速馳抵光羅一帶會合楚軍認真剿辦以收聚殲之效啟逆梁
成富一股前據穆圖善劉蓉奏該逆竄出大峪口偏近西安請留孟宗福等六營助剿等語迄今已逾旬日尙未將陝軍接
仗情形馳奏此次張之萬摺內所稱探聞梁成富一股游駛商州境內與浙川相距不遠之語是此股匪徒業由西安回竄
張之萬已派副將張士元等駐浙嚴防並著穆圖善劉蓉德興阿迅速派兵追擊兩面夾攻毋令賊蹤竄逸致成蔓延將此
由六百里各諭令知之○諭前因勞崇光奏確查滇省實情擬以回攻回責成馬如龍岑毓英剿除杜馬各逆當經諭令勞
崇光賈洪詔會商妥辦茲據賈洪詔奏勞崇光以回攻回之舉有六不可從刻下川省軍務稍鬆正擬籌商進兵惟與勞崇
光意見歧異萬難共事等語從前勞崇光所陳各節原不過一時權宜俟兵力較足仍須分別剿辦方竟全功原不能聽其
一意辦撫遂謂可以了事此次賈洪詔所陳進兵剿回等情未嘗不義正詞嚴理直氣壯但滇省糜爛至此亦非紙上空談
所能濟事且籌兵籌餉仍須藉川省之力見在黔匪侵犯川疆劉嶽昭一軍亦經該督奏留暫駐合江江津不能即赴昭通
竊恐川省兵力尙難兼顧駱秉章老成持重素能統籌全局不分畛域且距滇較近該處實情必有所聞賈洪詔擬辦各節
是否能有把握進兵之後川省資助餉項能否源源不斷著駱秉章體察情形酌覈具奏賈洪詔與勞崇光同任封圻宅須
和衷協力方能共濟乃意見齟齬至於如此以後諸事掣肘貽誤非輕賈洪詔與該督近在一城其人才識如何能否勝此
重寄並著該督據實密陳毋稍隱飾將此由五百里諭令知之○以安徽蒙城解圍追贖已故知縣俞澍道銜並建祠○予
福建陣亡縣丞董鍾麟等祭葬世職○甲子諭議政王軍機大臣等李鴻章奏官軍分剿湖州攻克吳淞等處水陸進攻長
興並請俟湖郡克復再行協勦金陵各摺片僞立王黃汶英等糾眾竄踞吳淞擾及陸家灣一帶道員潘鼎新等派撥隊伍
敗賊於丁公橋等處復分道猛攻將吳淞賊卡賊壘力戰攻毀其李朝斌進攻長興水師壘破夾浦口堅壘郭松林等陸營
復將東門外上華橋等處賊卡堵平偏紮鐵下剿辦甚爲得手湖郡賊勢甚重左宗棠進剿之師尙未偏城此次該逆大股
出撲希圖直犯南潯震澤以掣浙軍後路並援蘇防逆謀甚狡李鴻章務飭水陸各營互相犄角毋爲該逆所乘一面飭李
朝斌郭松林等合力猛攻迅將長興縣城克復克城後酌量派兵駐守即飭諸軍乘勝會合浙師迅拔湖州盡殲醜類惟兩

省共辦一事誠恐所部將領各存意見忌功避嫌均所不免見當全浙漸就肅清之際湖州一城已成孤注而悍賊麇集尤須各軍併力迅圖蕙事左宗棠李鴻章務各分飭各營將士同心協力早拔名城一俟大功告竣蘇浙官軍皆當同膺懋賞也前諭李鴻章派撥勁旅協勦金陵茲覽該撫所奏以滬軍協攻湖郡分防句容東壩高涓深水等處兵力難分常勝軍及程學啟所遺礮隊並劉銘傳礮隊或派往長興或訓練未成均難助勦白係實情惟金陵功在垂成城大而堅未易猝拔曾國荃所掘地道前次攻破月圍復爲該逆堵築非添集得力礮隊勢難早奏膚功仍著李鴻章督飭各軍趕緊操練多製炸彈廣儲攻具一有成效卽飭迅赴金陵協同進勦以蕪全功該撫能否親往金陵之處屆時再行酌量辦理將此由六百里各諭令知之○諭閩敬銘奏周歷各屬察看情形籌辦善後一摺所稱沿途情形沂屬田多荒廢克屬次之曹屬又次之各屬民情以曹州爲難治沂哀次之目前惟安撫災黎借給牛具籽種最爲要著擬卽籌款迅速辦理等語覽該撫所奏各節於時事均屬切要著卽督飭地方官認真經理不可有名無實白蓮池地面既據奏稱不甚寬廣擬將縣丞一缺並界河汛千總一缺一併移設白蓮池藉資彈壓著照所議辦理濮州一城當黃水之衝該撫見擬遷徙於舊城乾涸處所並修築金隄以禦北流著卽派委委員侯伏汛一過卽行妥籌興辦另片奏接奉批諭詳陳東省吏治大概情形所論亦屬透徹安民必先察吏欲恤民之疾苦先戒官之貪欺而又必先使爲廉吏者不至賠累俾中材皆知效法吏治方克振興該撫既知吏治敗壞之原於營私粉飾之吏務卽隨時嚴參以期淘汰淨盡其尙知自愛賠累難支者卽不妨酌量調劑使人人樂爲循吏以成大法小廉之治知之匪艱日計不足月計有餘該撫於一切應行變通各事宜務須實心實力次第慎勉爲之以副委任將此諭令知之○諭劉蔞奏滇髮兩逆被勦奔竄剋期出省陳德才一股敗回鄂境隴防官軍勦賊獲勝各摺片蔡逆勾通髮逆由子午鎮澧河竄踞鄂縣西南兩關另股西竄之賊與該逆合股經澧澗口遁入盤屋之祖菴被官軍追殺賊竄終南鎮及田峪口慈峪口等處劉蔞見飭英毅六營會同黃鼎趨鄖縣繞出賊前蕭慶高趨鄖縣躡賊之後穆圖善潼關折回之後起六營由盤屋前進著卽嚴檄派出各軍分路進攻痛加掃蕩以收聚殲之效昨據張之萬奏僞啟王梁成富一股遊駛商州境內與浙川相距不遠茲據劉蔞奏僞扶王陳德才與啟逆合股已至鎮安經官軍擊敗回竄鄂境等語此次竄鄂之賊究係何股與張之萬所奏殊出兩歧著劉蔞查明迅速具奏匪蹤劇疾異常難保不由漢隴川善李雲麟統率所部進駐漢中分扼華陽佛坪留壩各要隘力遏該逆竄川之路毋得稍有疏失劉蔞見已出省所有西安一帶戰守事宜著穆圖善德興阿劉蔞安籌辦理曹克忠一軍既據劉蔞奏萬難抽動卽著照該撫所請飭令馳赴鳳翔一帶兼顧汧隴扼要駐紮毋庸調赴都興阿

軍營陝省應解工程第十五萬兩見在需用甚殷若非源源報解恐有停工待餉之虞著劉蓉督飭藩司趕緊設法陸續撥解將此由六百里名諭令知之○申諭各省慎選孝廉方正○乙丑諭議政王軍機大臣等本日據議政王文祥寶璽呈遞接到德木楚克札布信函內稱接本旗稟報去年十月起至今紅鬍子賊匪成羣搶奪並綁出白吉披甲人等數十名當即派令旗員太平社首人等直擊匪徒與賊交仗打死賊匪三名前後生擒十名本欲解縣究辦恐餘匪句串路劫見將人犯在旗看管並將案情咨達熱河都統惟無力解送可否恭摺具奏請旨或如何辦理之處示知等語賊匪滋擾蒙古地方肆意搶奪戕害性命綁去台吉人等數十名之多實屬不成專體著麟慶卽飭地方文武會同該王旗設法擊辦以靖奸宄德木楚克札布所派旗員社首擒擊匪犯十名自應徑解熱河都統究辦惟長途遠解恐被劫奪亦屬實情著麟慶卽派得力兵弁赴該旗地方提取各犯督同府縣嚴訊按例懲辦並追究黨與一體查拏勿稍寬縱如破甲人等有刁難勒索等弊並須認真禁止德木楚克札布信函一件著鈔給閱看將此諭令知之○于江蘇陣亡總兵官張遇春遊擊靳春和祭葬世職○丙寅諭議政王軍機大臣等喬松年奏楚境竄賊漸偏皖省派隊駐守六安並暫罷馬隊以資防剿暨籌議裁汰鋪兵皖北開徵各捐片前因楚北賊勢東趨六安等處防兵較單曾經諭令添調兵勇扼要防剿其陳國瑞一軍卽令駐紮正陽以資扼守見在髮捻各逆竄擾黃陂黃安等處麻城一帶亦見賊蹤該處皆距英霍不遠喬松年已飭陳國瑞所派之郭寶昌馳赴六安會同將擬學協力防剿兼顧英霍所籌尙妥著卽督飭派出各軍認真堵剿儘速縱竄近英霍務須合力截擊以剿爲防毋令東竄一步並著僅令陳國瑞迅速前進或紫英霍或紫六安擇要駐防妥籌調度以遏逆氛陳飛熊一軍著僅扼到防以厚兵力鎮營兵勇既恐不能得力卽著咨商會國藩辦理克蒙額馬隊既填喬松年稱其強壯可用著准其暫留臨淮俟常星阿馬隊到後再行調回揚營駐紮臨鳳等處各隊著督令逐日訓練以備不虞毋稍疏懈鋪兵接遞文報一節請俟軍務大定再將能否永遠裁汰之處妥議辦理卽著照該撫所議行惟前任山西巡撫恆春裁汰鋪兵之奏事隔多年何以至唐訓方任內始奉部文通行其因何遲延之處並著查明具奏皖北各州縣開徵者已有十屬國家惟正之供誠能取之而不爲虐小民諒必鼓舞輸將但百姓復業未久尙須加意撫恤培養元氣務須釐定章程嚴飭各州縣痛裁浮費於國計民生兩無妨礙方爲妥善將此由六百里諭令知之○諭穆圖善奏賊匪被朔西竄帶兵出省剿辦李雲麟奏西安省城喫緊統兵進援各捐片昨據劉蓉奏蔡逆髮逆竄鄂縣之西南兩閭另股西竄之賊復與該逆合股遁入盤屋之頑莽被官軍擊敗賊竄終南鎮及田峪口慈峪口等處當經諭令穆圖善等實力防剿見在湘果諸軍陸續趕到業經劉蓉督

出省親赴西路剿賊穆圖善亦擬即日由省會督金順馬隊併力攻擊即著穆圖善相機會剿迅殄狂氛省城防守事宜仍著德興阿督同在城文武嚴密布置不可稍有鬆勁曹克忠適因在省商令會同剿賊該總兵之軍見在何員統帶能否得力如必須該總兵親自在彼統帶即著該總兵仍行回顧鳳翔汧隴毋令回匪乘虛復熾李雲麟勦辦蔡逆一股前據劉馨奏稱該京卿指畫輿圖謂此股可期必滅見在該逆西趨兗發甚熾李雲麟又以沿途無糧未能追躡爲詞可見從前已入穀中之說不過紙上空談毫無把握此時穆圖善劉馨已出省追剿省防情形稍鬆李雲麟一軍如再前赴西安則與漢一帶空虛恐該逆乘間回窺窺伺川疆李雲麟著仍遵前旨進駐漢中分扼華陽佛坪留壩各要隘力遏逆匪竄川之路該京卿既貽誤於前儻再不奮勉圖功致令此股賊匪旁竄紛趨自問當得何罪澄漢等水師據奏尙爲得力惟見在賊氛並未殲滅豈能遽予獎勵李雲麟所陳水師人員出力之處著俟陝省肅清咨商劉馨覈實請獎將此由八百里各諭令知之○諭德勒克多爾濟等奏籌商防期並桂成所部擬取道晉省馳往會剿一摺前因甯夏滿城被圍日久諭令桂成統帶勁兵會合阿拉善王部下出甯夏北山相機進剿茲據德勒克多爾濟等奏稱查自歸化城土默特游牧由口外草地馳赴阿拉善旗相距二千里地多沙漠水草缺乏若帶兵由此行走不惟柴薪無處採覓駝馬亦難攸放桂成見帶精兵四五百名擬由晉省取道馳赴都興阿軍營聽候酌撥等語所奏自係實在情形桂成所部官軍即著取道晉省迅速前赴都興阿軍營到營後應由何路進剿著聽候都興阿節制調遣歸綏本處之防亦關緊要桂成挑帶官兵僅止四五百名其餘自可留爲操防之用據奏設有緩急大同鎮兵尙可就近檄調毋庸再調都興阿納欽之兵著照所議辦理所有沿邊沿河防堵事宜仍著德勒克多爾濟嚴飭帶兵將弁隨時偵探實力嚴防毋稍疏懈將此由六百里各諭令知之○丁卯諭內閣照麟雷正綰奏官軍克復平涼府城擒斬巨逆一摺甘肅平涼府城自被回匪竄踞後雷正綰督軍進攻疊次獲勝會同陶茂林之師兩路偪城逆眾併力抗拒官軍奮勇由西北登城守賊潰亂復豫空地道羅塌東南城隅大隊先後擁入賊占西北拌死巷戰我軍縱橫衝擊鏖戰兩日將城中悍賊一律掃除並將著名巨逆鐵西羽輕材殲斃勦辦極爲得手雷正綰自督軍入甘肅平靈臺崇信鞏原北原及白水局見新城等城鎮卓著戰功此次復督隊攻克平涼勦除巨逆實堪嘉尙雷正綰著加恩賞穿黃馬褂並發去白玉四喜徽指一箇白玉翎管一枝大荷包一對小荷包兩箇交該署提督祗領陶茂林會同雷正綰分路進攻躬冒矢石立效堅城甚屬奮勇陶茂林著加恩賞穿黃馬褂以示優獎○諭議政王軍機大臣等照麟雷正綰奏官軍克復平涼府城一摺平涼爲自蘭州運挾要道送回員嶠抗拒久肆騷擾張經雷正綰督率兵勇奮勇克復會同陶茂林相機攻期迅拔堅城實屬調度有方深堪嘉尚該

提督見因蓮花城張家川兩賊巢尚在拒守擬偕陶茂林分路兜剿所籌甚合機宜卽著乘勝進搆迅將蓮花城張家川匪巢攻拔並將西路各逆屬一律掃蕩先顧蘭州省垣根本重地以次肅清隆靜規復固原直抵甯靈毋得稍有鬆勁見在平涼已復雷正綰等軍鼓行而西自能所向克捷第敗匪西遁難保不因甯夏援兵未集麇聚一方希圖逞志著都興阿迅速前赴定邊催督各軍規取靈州以通援甯之路訥欽已抵花馬池近日接仗能否得力並著酌量調派桂成到營後應如何調遣之處著仍遵昨日諭旨辦理慶昫常陞尤當加意防守慎益加慎以待援師不可稍涉大意熙麟另摺奏請飭催四川等省協餉已寄諭駱秉章等迅解矣此時熙麟業經開缺所有慶陽軍營糧餉及雷正綰等軍餉需著文煜安籌轉運毋稍缺乏將此由六百里各諭令知之○諭閩敬銘等迅解陳國瑞營餉暨甘肅協餉○子江蘇殉難典史張琛等祭葬世職○戊辰諭議政王軍機大臣等前因劉長佑奏邊牆地方遼闊請飭嚴查奸究諭令麒慶等認真舉辦茲據麒慶奏稱查禁之法務須不分畛域口外地方遼闊盜賊竊發往往鞭長莫及請飭協力兜拏以靖地方等語邊外地皆空曠此拏彼竄自係該匪慣技若非各該地方官同心搜捕則互相袒卸盜賊仍得來去自如殊非整飭捕務之道萬青黎下寶第麒慶阿克敦布德勒克多爾濟劉長佑沈桂芬成慶春連成嚴飭所屬官兵於邊牆內外一帶聯絡聲勢互相巡緝一處有賊則附近該處之地方官卽當會同查拏務獲究辦毋得稍分畛域此外尚有沿邊應防處所並著劉長佑沈桂芬查明地界咨會各該地方官協同緝捕一體防範以清盜源麟慶所稱回民雜處中國久已相安若以句結甘肅叛回爲疑豫相逆億是猜嫌先啟於上官恐非開誠布公潛消反側之道等語所奏不爲無見應如何不動聲色暗中嚴防之處著萬青黎下寶第麒慶阿克敦布德勒克多爾濟劉長佑沈桂芬成慶春連成妥籌辦理將此各諭令知之○諭曾國藩奏遵旨會師籌期金陵一摺據稱自蘇常攻克之後本擬咨請李鴻章親來會剿惟以封疆將帥之臣值苦戰積勞之際未敢奏調金陵兩月以來百計環攻偏城太近賊以洋槍狙擊我軍傷亡至四千餘人之多所窺地道亦難奏效賊糧仍可支持數月曾國荃積勞成疾飲食漸減餉項奇窘尤爲可慮該大臣已咨調郭松林劉銘傳酌帶開花礮位輔以洋槍隊就近助攻請飭催李鴻章速赴金陵俟北岸軍事稍鬆於六月親赴金陵籌商攻剿等語具見視國如家不分畛域之意前據李鴻章奏滬軍協攻湖郡兵力難分擬添配礮位操練兩月俟湖郡克復再行協攻金陵當經諭令該撫督飭各軍趕緊操練一有成效卽迅赴金陵著仍遵前旨認真操練多製火器攻具並於所部各營內挑選精壯便捷善於攻城者二三千人卽交劉銘傳等帶赴金陵其郭松林一軍覓在助攻長興能否撥往並著李鴻章酌度調派長興一城最關緊要如能卽日克復蘇省防務自可稍鬆該撫或俟長

興得手後統率諸軍助攻金陵不必定俟湖州克復左宗棠自入浙以來戰勝攻取確有把握吳興一郡諒不難剋日攻拔著
 卽督飭諸軍設法攻克務須就地殄除勿任窮蹙他竄楚賊刻思東犯英霍一帶已覺喫緊去安慶不遠該大臣自未可輕離
 根本之地著俟上游軍勢漸平卽赴金陵督師俾各路將帥有所稟承以威全功金陵餉絀前諭李鴻章將輪船經費五十萬
 兩解赴大營據奏已解金陵大營規率十五萬兩解鮑超營四萬兩又解曾國藩營四萬八千餘兩其餘約二十六萬餘兩趕
 緊飭催儘解安慶大營此項銀兩曾國藩何時收到卽行查奏其餘銀兩著李鴻章認真催提陸續解往用收飽騰之效曾國
 荃積勞致疾聞之深爲屝念見在大暑炎蒸該大臣務卽傳知該撫善爲調攝金陵城大而堅賊悍且眾困獸之鬪不可不防
 惟當密屬該撫拊循士卒兼須整飭營規嚴防竄突先爲不可勝以待敵之可勝不可稍涉大意將此由六百里各諭令知之
 ○諭總理各國事務衙門奏丹國換約屆期請派員互換一摺丹國前立條約聲明以一年爲期或在天津或在上海互換茲
 屆換約之期據英國駐京公使威安瑪呈遞照會內稱丹國見派水師副提督璧勒前來不日到滬請派員互換等語著派提
 督銜李恆嵩會同布政使劉郁膏將上年與丹國所立條約妥爲互換卽由李鴻章諭知遵辦其餘約各本著俟崇厚派員齎
 送至滬時卽交李恆嵩等祇領辦理李鴻章於一切事宜並著會同商權以臻妥協並令軍機處將寄諭摘錄一併發往如該
 使向李恆嵩等索看憑據卽可給予閱看俟換約事畢此旨仍繳還軍機處備查將此諭令知之○己巳諭議政王軍機大臣
 等喬松年奏陳國瑞一軍催令赴防鎮防餘兵約擬撤遣請添調揚防馬隊助剿一摺陳國瑞一軍業於五月十九日由徐州
 啟程覓在諒已行抵臨淮著喬松年與之會商並稟商僧格林沁酌度地方緩急何路緊要卽飛飭該總兵扼要實力防剿該
 撫仍當隨時督飭並令各軍與之聯絡聲勢以期周密一面將賊情偵探飛咨僧格林沁以便該大臣赴皖督剿鎮營兵勇四
 千人既經該撫與曾國藩咨商恐其不能得力卽著馮子材魁玉妥爲裁撤惟不可令其羣聚一處致生事端若散遣不得其
 法致貽後日地方之患定惟馮子材等是問前令富明阿酌撥江北勁兵豫備援應皖北若有警信非馬隊不能得力記名副
 都統富陞素稱勇敢所部馬隊亦皆精銳著富明阿卽派該副都統督帶所部馬隊馳赴臨淮一帶與克蒙額合紮一處見在
 楚賊東竄斷不能越皖境而至揚州是揚防鬆而皖防急該將軍卽趕緊調撥不得稍存畛域之見俟皖防無事再行調回揚
 營可也將此由五百里各諭令知之○諭張凱嵩奏官軍攻克貴縣逆巢潯州肅清擬進兵分徇南甯思恩等處各摺片廣西
 軍務兩年以來疊平巨寇此次黃三敗踞平天寨復經劉坤一等進克堅巢檢獲首逆辦理甚爲得手黃逆倡亂十年潯境久
 遭荼毒見在巨寇就殄全股蕩平地方善後事宜亟須妥爲籌畫該撫以左江所屬鄰氛土寇事尚糾紛右江之思恩地方

伏莽未淨擬將貴縣水陸各軍分爲三起以一軍駐潯彈壓一軍上湖南甯一軍分徇思恩所籌尙屬妥協卽著督飭潯州文武會同駐潯官軍將搜捕餘匪撫綏殘黎各事細心經理一面飭令劉坤一仍卽出省督軍將思恩南甯等處伏莽分別戕莠剿除淨盡此時先聲所播摧枯拉朽自易爲功但須除惡務盡毋得稍畱遺孽以期全境乂安廓清邊圉將此由六百里諭令知之○以官軍復廣西貴縣城平潯州逆匪賞張凱高頭品頂帶布政使劉坤一等獎敘有差